

SPEAKER

: "Tin, lei chung zawng zawnga awm turin bul hmun khat vekin hnamtin mi a siam a, an tan hun bi te a ruat a, an awmna rite pawh a khamsak a".
Tirhkohte 17:26

Zawhna kan la nghal ang a. Zawhna Starred Question number 35-na Pu Liansuama leh Pu S.Hiato zawhna intawm a ni a. Pu S.Hiato i sawm ang.

PU S. HIATO

: Pu Speaker, ka lawm e. kan zawhna Starred Question Health and Family Welfare Department Minister chhan atan :- (a) Guwahati Mizoram House a Doctor awm lai sawn tak thlak tur Doctor dah leh tum a ni em? (b) P.H.C. a Doctor awm miahlohna engzatnge awm? (c) Awm ta se, Post thuai tumna a awm em? tih ka zawt e.

SPEAKER

: Chhang turin Health Minister Pu R.Tlanghmingthanga i lo sawm ang u.

PUR.TLANGHMINGTHANGA :

Pu Speaker, Member zahawm takte zawhna (a) na chhanna - Guwahati Mizoram House-a Doctor sawn thlakna tur Doctor dah tumna a awm lo. (b) na Doctor awm miah lohna P.H.C. 21 a awm. (c) na Doctor indaih hunah dah a ni ang. Kha kha a ni e.

PU S. HIATO

: Pu Speaker, zawhbelhna. Guwahati khu Doctor kan mamawh em em reng a. Doctor an awm rih lova. Guwahati

chu Doctor hnan hnan awm tamna niah ngai ta ilangin P.H.C. a Doctor a awm lo hi Thingtlang khua hian kan tuar tak tak a ni. Natna chheteah pawh Damdawi In pan theih loh avangin kan thi tam a ni a. Thih tamna ber pawh hi Malaria a ni a. Thisen examna tur awm loh vangte a ni a. Treatment pek har vangte a ni a. Hei sorkar hian budget te a tipung a. health hi chu mitin min khawih a ni a. Khawtlang zawng zawng a khawih a, mirethei te mi hausate ang khata min hrut a nih avangin ngaih pawimawh tawh turah Member zawng zawng hian kan ngai a. Hei thingtlang atanga MLA ten zawhna kan zawh hi rilru tak takin kan zawt a. Tin, siantha ngei tur pawhin sorkar hi kan beisei a.

Tahchuan hman deuhah Power and Electricity Department-ah te chuan a tul an tih chuan Civil Engineer leh Mechanical Engineer te pawh 8 post an interview thei mai a. PHC 21 lah Mizo Doctor tam tak chhuak tawh Hna neilo tam tak an awm a ni. Mipuiin kan mamawh si a. Heng ho hi contract basis emaw, fixed pay emaw talin min lak sak thei ang em? tih ka zawt a. Tin, pawisa indaih lohna emaw a daih hunah emaw tia inngah tira kan tih kan tih hi sorkar hian a phal zel dawn em ni? tih ka zawt tel bawk e.

PU ANDREW LALHERLIANA :

Pu Speaker, khawngaih takin Doctor awm lohna P.H.C. 21 te kha an hming min hrilh thei ang em?

PU R. LALZIRLIANA

: Pu Speaker, kan zawh ve duh chu Department dang transfer order te E.E. te an transfer chuan E.E. kha a ni mai a.

S.D.O. te nen hian charge inlak pawlh tur emaw transfer posting order hi an chawhpawlh nuai ngai lova. Doctor te hi an hlutin an pawimawh

tehlul nen kan zu dah hniam na nge ni a, anmahni hianin rules hranpa an nei lo nge ni ka hre lova. Doctor transfer hian a Junior helaia an grade hnuai amite nen a pangngaia helai transfer posting order lo chhuakahte hian a awm tak mai mai hi an dinhmun hei hian a ti zahawm lo theiin ka hria a. Tun hnuah chuan dinhmun anmahni level anga transfer posting hi a siam theih ang em tih kha ka han zawt duh a. Chu lo lehah chuan helaia specialist engemaw zat turah hian Mizoram hmun hrang hrangah dah an ni a. A khuate an lawm hlein ka ring a. A lawmawmin ka hria a. Amaherawhchu, heng specialist kan dahna ahte hian specialist post hi a awm em? Post hi create a ni em tih ka zawt duh a. Chutiang nilo chuan doctor awmna hmun atana Hospital sakah khan kan va dah tawp tawp mai em ni? tih kha ka hre duh a.

Pathumnaah chuan Kolasib-te khu PHC emaw alo ni a, District alo nih khan engmah upgrade-na facilities leh engkim kha awm chuang si lovin District Hospital kan ti mai nge ni? Hei hi a hming hi a ropui deuhva kan vuah ta mai nge? helai hi hriat athain ka hria a. District Head Quarter-a awmte chu facilities eng eng emaw pek belh chhah a tha hlein ka hria.

Tin, kan Specialist ho transfer ah hian an tan kalte pawh a nawm theih nan leh Specialist an nihna an subject-a mipui tena an lo chhawr tangkai theihna tur khan equipment hmanrua tha zawkte hi dah tumna a awm em? tuna kan transfer-naah hian tih ka han zawt duh a.

Tin, Education leh thildang a hnawk nuai e, kan tih ang deuh hian Health Department pawh tuna kan han transfer ta a, an Junior te hnuaiah khan a senior zawk nisi kha an awm dawn ta niin a lang a, chutiang chu A.C.R. tuinngge ziaak ta ang. Vawiinah Specialist kan han transfer te chu an Hospital ah anmahni thuneihnain kan han ti ta a, mahse, D.D.O. anih chuan si loh leh tumah control theihna power an neih chuan si loh chuan engnge khalaiia kan dah ting tang kha, hei hi siam that theih deuh a ni em? tih kha ka han zawt duh a ni. Doctor transfer te hi Department dang ang deuh khan an tenure a hun chhung kha siam ve theih a ni em? Vawiinah hian V.C. te LAD in thuneihna nei ang deuh hianin Minister lungawi chen chen leh a duh chen chen dah mai tur em ni? tih hi ka han zawt tel duh a ni.

PU LALDUHOMA

: Pu Speaker, ka zawh tel duh pakhatna chu Sakawrdai PHC Doctor khan a zawm ta em ? Pahnihnaah chuan Darlawn

PHC a Doctor awmlai khi min transfer sak loh hram ka duh khawp mai loh theih loh a min lo transfer sak a nih pawhin a aiawh min pe leh thuai tur Laboratory Technician hun rei tak kan neih tawh loh Darlawn khaw mi ngei Humanitarian ground pawha ngaihtuah tlak ngawih ngawih, Sorkarah vawi engemaw zat ka lo thlen tawh thin nen a rang thei ang bera min dahsak turin kan Minister zahawm tak hian tawngkam lawmawm deuh min chhakchhuah sak thei em ?

S P E A K E R

: Pu Rohluna hi Zo khaw lam bialtu ve tho a ni a. Sawi turin kan sawm ang e.

PU H. ROHLUNA

: Pu Speaker, ka lawm e. kan Zawh belh teh ang. Ngopa ah khian Doctor an awm lo niin ka hria a. A awm thin a,

khian chawlh ala a, Khawdungsei nen kawp turin tunhnai a in siksawiah khan tih a ni a. Khawdungseiah khan a hmian a awm a, mahse Mimbungah dah chhoh a ni a. A lawmawm tho a. Mahse, Ngopa khi SHC a lo ni a, mihring Ngopa leh a chhehvel khi an lun em em mai a, Doctor pakhat tan chuan enkawl pawh a hautak a, mahse, Khawdungsei kawp a lo ni a. A awm hmasa kha kan fak em em a, chutih rua' rual chuan tun ami pawh a tha lo ni lovin hemichhe tan chuan Damdawi In pahnih enkawl kawp chu a hautak deuh a. Tin, chawlh a la lehngal ni awm tak a ni. tunah hian Doctor an awm lova.

Tin, Rabung hi a awm lohna a rei tawh a chu pawh chu kan Minister in min lo ensak se ka duh bawk a. Ngopa ami pawh hi chawlh ala anih pawhin a rang lamin a dang min dahsak se tih ka ngen duh bawk a. Chu chu min tihsak thei em tih ka zawt a ni.

SPEAKER : Ruling lam atangin kan ko ve ang e.

PU K. VANLALAUVA : Pu Speaker, zawhbelhna pakhat na. Ka bialah Doctor an lo va dah tlem em em ve? Pahnih na - Khawbung Constituency ah PHC 3 leh SHC 1 a awm a, Doctor 1 Khawbung PHC ah a awm a. Tichuan kan hriat danin Khawbungah leh Sesih ah dah tumna a awm tih hi a pawm ngam ang em?

PU SAIKAPTHIANGA : Pu Speaker, Zokhaw lam problem chu Demand ah kan la sawi ang a. Aizawl kan hmun pui ber mai Civil Hospital Casualty hi ka kal zing khawp a. Doctor senior pakhat talin an ho hi a pawimawh em emin ka hria a. Junior te hmuhsitna lam ni lovin. Damlo ka'n han phur lut a, rang takin damdawi an chawh a, senior te han entir chuan an commend chu sawi lo mai ila. Casualty ah hian Doctor senior pakhat tal dah theih a ni ang em? 24 hours in?

PU R. TLANGHMINGTHANGA : Pu Speaker, kan Member thahnem ngaihna leh duhthawhna a ropui hle a, an thahnem ngaihna kha an duh ang leh
MINISTER.
beisei ang pawh ni pha lo, a kal thei lawm ni tih kha a ni a, ngaih-pawimawh awm hlein ka hria a. Heta zawhbelhna ah contract basis talin a lak theih lawmi? an indaih lo si a tih te Pu Hiato zawhna a awm a. Doctor awm miah lohna khua te kha a awm a. Khaw 2, kan tih ah khan Pu Andrew zawhna - kan sawi ang a, Aizawl West District ah Aibawk, Sairang, Aizawl East District ah Khawruhlian, Mamit District

ah Rawpuichhip, Kawrtethawveng, Marpara, Champhai, District ah Khawbung, Bungzung Sialhawk, Serchhip District ah Ngentiang, Lunglei District ah Tawipui, S.Vanlaiphai, Cherhlun, Lungsen, Pangzawl, Lawngtlai ah Borapansuri, Bungtlang 'S,' Saiha District ah Chakhang, Bualpui NG, Sangau te an ni a.

Heng hi tuna kan chhawr din theihna chhan chu tunhma 2003 thleng kha chuan Doctor awm miah lohna hi 26 an awm a. Chuvang chuan Doctor 2 awmna te tin, Aizawl Civil Hospital atang ten tlein han pawh dan a awm em ? tiin kan ngaihtuaha chuvang chuan kan theih ang angin kan han ti a, tuna kan dinhmunah chuan 21 ah kan tla thla thei a. Tunhma P.H.C. a 2 awmte pawh kha kan lak then sak a, tlema kalna han hnai deuh kalkawng awlsam deuh entirnan : Sairang te pawh a ni a, leh khaw tlangpui khua han kep theih deuh hnai vaia kha kan han lakchhuah sak rih a, khangte pawh kha a khaw tan chuan rilru a na thei viau laiin hmun kilkhawr zawkte dah theih a ni em, kan ti a, chungah te chuan kan han bengbei bawk a, chutiang chuan a theih ang angin kan neihsa ah hi chuan kan han insiksawi kual a ni a.

Tin, hemi transfer chungchang Junior leh Senior inkalpawh tih vel laia kha Pu Zira han zawhna kha zawhna awm tak pawh a ni a. Amaherawhchu, inkal thelh ang zawng khan a ngaih theih viau a. Senior post te, senior specialist te specialist pangngaite post kha tiang khan P.H.C. te awm hran lova, a post hrim hrima hi a pumpui thua senior specialist leh specialist te an ni a, an senior dan a zirin, recruitment rules in a phal angin post a lo awm khanin anmahni post hmingah khan promotion ang deuhin kalchho mai a ni a, khalaiia plost particular tan tih kha a awm chuang lova. P.H.C. tan tih pawh a awm chuang lova, District tan tih pawh a awm chuang lova, amaherawhchu, kan mithiamte an thiamna te thingtlang kilkhawr zawk ten an hman theihna turin kan Hospital-ah khan an thiamna hman turin kan han transfer a, kan han dah bawk a.

Tin, lehlamah chuan administration problem a awm em tih laia kha ACR te pawh C.M.O. hnuaiah khan administration engkim Hospital te pawh a awm a, District hnuaiah hian administration Vety Hospital a awm a, Health District-ah chuan, chumi hnuaiah chuan specialist anmahni rank puite pawh an awm ve a,

rank thumun an nih avang khan ACR chungchangah te khan an ziak chuang lova. A ziaaktu tura chu a kal phung pangngai a awm a. Mahse, kan depute na leh an thawhna hmun engkim enkawltu leh mawhphurtu kha Hospital a CMO te khan ACR ziak lo mahse an performance leh an awmdan an thawh that leh that lohah tal khan anmahni bera kha a hretu tur an nih avangin ACR ziak lovin forwarding ACR ziaaktu an aia sang zawk hnenah khan an performance te an forward thin a ni, ziak lovin, kha kha a kalphung tur tlangpui a ni a.

Tin, District Hospital hi engmah facilities awm lovin District Hospital ah kan puang mai em ni tih laia kha, chutiang a ni lova, District Hospital a puan hi District an nih angin Administrative District a kan Hospital te hi CHC te an ni tlangpui a. Entiman, Kolasib an sawi lante pawh kha District Hospital ah kan la puang lova. District Hospital in a ken tura hi Khum 50 chin a ni a. CHC in a ken hi (interruption) Mamit District anih miau avangin a Hospital neihna khua District Administrative hming khan koh a ni a, mahse, hospital Tunah hian Department atangin District Hospital a upgrade turin proposal a kal mek a, mahse, sorkarin a ngaihtuah mek a tunah hian, District Hospital a puan khan a facilities neih tur angte eng emaw beiseina kha a lo awm a, sheet 50 han dah thei pawh ni ila. District Hospital in a ken tur facilities kha a la ken theih rih si loh avangin harsatna kan la tawk rih love. Hospital a District anga han puan laia kha chu i hmanhmawh rih lo teh ang tiin tunah hian kan en mek a.

Tin, kan Member hrang hrang Pu Duhoma te, Pu Rohluna ten a an han zawhna te, an bial tan an hma thahnem an han ngaihna laia kha chu tunah sawi thei mai lo mah ila, kan enzui turah ngai ila. Amaherawhchu, kan hriat angin tunah hian 21 kan han dah ah pawh hian kan lak chhuahna atang te hian engahnge min lak chhuah sak ti a theih tawpa lungawi lohna te rawn sawi a, chutiang chu a nih lai hian Doctor lak belh thuah hian kan sorkar, kan hotu ber hnenah te kan sawi tawh a. Tunah hian Doctor zirchhuak tuna thang mek a hi 35 vel kan nei a. 35 hmun kha a awl lo thei lova, khami te hmun luah tura temporary a engemaw contract a lo lak tepawh tunah hian Hospital tinah hi chuan pakhat tal dah thei tura rawtna sorkar finance ah te kan thlen chho mek a, kan Chief Minister pawhin a ngai pawimawh em em a, helai hi induhna ang kha sorkar pawhin a duhna niin tih tum chhoh mek leh enge kan dinhmun financial position ah kan ti thei em tih en mek a ni.

Tin, Ratu Constituency ah an va tam em em bik ve lai kha chu, a tam viau nain kan la duh khawp chuang lova, a dang pawh dahbelh zel tum tho kha a ni a, kan sawi tawh angin, Khawbung bialah khian Doctor kan dah tur ang hi kan dah lo rei tawh a, Sesih tih te a rawn sawi lan a kha, tunhma atir atanga kum 10 chuang kal tawhah khan Sesih hi Hospital a hawn tawh, mahse vawiinni thlenga kan la dah theih loh a ni a. Engpawh nise khalaiah khan a dah lo tu a hi kan mawhchhiat dawn nge a lo hawngtu a khan a hawanna a diklo nge tih lai a chu zawng vak lo ila, engpawhnise Hospital anga lo declare a lo dah tawh anih chuan hnawh khah tum hi chu tunah hian kan sorkar hian theih tawpin hma ala mek a ni, tih kha kan sawi duh a ni, chu chu ka chhanna tlangpui chu a ni.

S P E A K E R : Sakawrdai Doctor dah tur khan a zawm ta em tih kha ?

P U L A L D U H O M A : Pu Speaker, Sakawrdaia awm tur Doctor Session hmaa a zawm tur khan kan Minister khan kan indawrnaah khan min hrilh tawh a, Khing te khi CHC Khum 30 awmna tur a ni a, Khum 4 chauh a awm a, Doctor kan nei lo reng a, Ratu bialah Doctor an tam awzawng lova, kan nei ve tan dawn chauh a ni. Tin, kan Minister zahawm tak han sawi hmang khan Darlawn Doctor kha min sawnsak chuan min pek leh loh duh hmel hle mai a, min sawn sak lo mai teh se.

Tin, Sakawrdai tih kha Police lampang Deputation a awm mek, 2nd I.R. a awm mek a ni a. Anni kha han sawi thui deuh hlek ila, Police Department a Deputation a kan pek chhuah hi anmahni'n a hranpain deputation a hetia pariat riat, sawn dawn lai kan dahchhuah hian kan indaih lo si a a hlawh thua pawh nangmahni pek tho a ni si a. Chuvang chuan Police tan bik hian Doctor

hi recruitment lo ti mai ula, kan Doctor te hi min lak kir tir rawh u tiin tunah hian kan dawr mek a. Chuvang chuan tuna khami Sakawrdai a awm tur kha ka hriatchian loh chuan Police ten an la release theih loh vanga kal thei lo niin ka hria a. Engpawhnise kha kha chu kan en mek a ni. (SPEAKER - Civil Hospital cacualty chungchang kha a relevant vak io naa a pawimawh viau va, han sawi mai theih em?) Pu Saikapthianga pawhin Session hmasaa Kawrtethawveng khuuaa Doctor engtikahnge dah anih ang tia a zawh kha ka hre reng a, tunah hian a hranpaa va dahtheih nilo mahse, Kawrthah amiin hmui turin kan ti mek e. Engpawh niselangin, khalai kha chu kan hria a. Tin, Sakawrdai Doctor hian a zawm tawh a nih chu Pu Speaker,

Tin, Casualty chungchang kha Casualty a Doctor awmte saw, sawtia pakhat a mah maia a awmchang a awm a, englai pawha Doctor awm tur anni a. Tin, an mamawh dan a zirin on-call Doctor te pawh an awm a, an inpun reng a, case a tamdan a zirin. Tin, specialist te pawh a tul anga koh tura an hming pawh khatiang anga detail siam chhoh a ni a. Tuna duh khawp lohna laia kha tunah specialist te Aizawla awm hi an hah em em a, chutih laiin District ah kan sawn chhuak a, Doctor sawm dawn lai, paruk, pasarih lai kan sawn chhuak a. Chutih laia chhun lama specialist te indeih loh kar a mi zai reng an ni a. Chutah a bika Specialsit te Casualty a awm reng tur ang kha chu tun dinhmunah chuan kan ti thei rih lova. Amaherawhchu, englaipawhin a case a zir a a concerned specialist te kha koh theih reng tur a tih an ni a. chutih laiah chuan kan Member zahawm takin a experience Doctor Junior tena an prescribe a kha a tuk a specialist ten an han tih hian an zawm mai lova, a hranpa tih that leh a ngai thin tih lai a kha, kha pawh kha Junior ten a an inthlahrun. Nia khalai kha chu specialist te engtiang innge Casualty bikah hei aia nasa zawka kan chhawr theih ang tih laia kha tunah hi chuan kan enchboh tutr ni maiin a lang a. Chu chu kan lo enzui dawn nia.

PU R. LALZIRIANA

Pu Speaker, Doctor hemi kei pawn kan hai tak deuh chu, chhang tawh em aw. Chhang tawh maw. In la chhan loh a

ka hriat chu tunlai Doctor indaih lohna a nasa em em mai a. Doctor leave la tur te, leave an lak chuan Directorin an hlawh cut turin hrih an ni em ? tih lai a (SPEAKER : Chu chu a thar deuh a ni) Khalai kha a thar em ni Pu Speaker, a tello maw ?.

S P E A K E R

: Le, nakinah khalai chungchang kha sawi duh a awm em ni? han hrihfiah sela kan Ministerin

**P U R. T L A N G H M I N G T H A N G A
M I N I S T E R**

Pu Speaker, helai Doctor te in vawna chungchangah tunah transfer hi mi sawmsarih dawn lai a rualin transfer a ni a.

Sorkarin tha leh remchang a tih a mipuiten a hman tangkai theih dan tur ang ber ruahmanna tih a ni a. Thenkhat chu leave la a tunhma ang tea leave lak mai a, a grant tuin a grant hmaa kal daih mai hi an zawm zauh zauh thin a. Chutiang chu an lo awm palh ang e lo veng deuh teh u, doctor kan la sawn tawh si a, a kal tur a ten leave an lak bawh chuan damlo enkawlina hmun kha a bai a, chuvangin leave la tur chuan grant anih hmain avail suh se tiin instruction kha sorkar duh dan a ni a. Lo ti palh an awm pawh a tipalh lo tura veng thei tura chulai inhriattirna chu a ni ang.

S P E A K E R

: A fiah e. Starred Question 36-na zawt turin Pu R.Lalzirliana i lo sawm ang.

PU R. LALZIRLIANA : Pu Speaker, Starred Question No. 36 - na Transport Deptt. changtu Minister chhan atan (a) Mizoram-ah hian Motor leh lirthei dang insure man hi a sang bik hle a hriat a ni a. Motor type in ang rau rau dinhmunah Mizoram chhunga insuarance man leh kan bul hnai State-a insurance man hi khaikhinna sorkar hian a nei em ? (b) A nei anih chuan North Eastern State hrang hrang a Vehicle insurance rate khaikhinna hi min hrih thei em ? (c) Mizoramah hian Vehicle insurance man hi a lo sang bik anih chuan engvanga sang bik nge ? tih ka zawt e.

SPEAKER : Chhang turin Transport Minister Pu Lalrinchhana i lo sawm ang.

PU LALRINCHHANA MINISTER : Pu Speaker, Pu R.Lalzirlina Saitual bialtu zawhna chhanna chu hei hi a ni e. (a) Mizorama insurance Company te hi Private Company annih avangin Transport Department hian an hnathawh dan engmah hriatpuina a nei lo tihna a ni. (b) Kha kha anih avangin Nil a ni a. (c) A chunga chhanna ang hian Transport Department chuan engmah hriatpuina a nei lo tih a ni. Private Company annih avang hianin chiang kuang zawka engpawhnise India ramah hian Insurance Company hi chi hnihin an thliar a, a chi khatna chu entir nan Delhi te, Bombay te, Madras te, Calcutta te, chumi ni lo a dangte, Khatiang khan chi hnihin an thliara, chumi chi hniha thliarah chuanin a man a inang lo, heng khawpui pali te a, a rate leh a danga rate a inang lova, anmahni kan zawhah chuanin India ram pumpuia private kan ni emaw, sorkar kan ni emaw, a dang chuang lova, hemi khawpui hmun plain ami rate leh hemi khawpui tenau leh thingtlang lama rate erawh hi chu a inanglo a ni e, tih kha ka rawn chhan dan a ni e.

S P E A K E R

: Nichina Phuldungsei bialtu in a rawn sawi ang deuh Khan a wording hi tlema fel hlel deuh hlek a awm a ni mai thei.

Private Company ni lovin Public Undertaking Company an ni a. Amaherawhchu, Mizoram sorkarin direct takin thuneihna an chungah a nei lo a ni.

P U R . L A L Z I R L I A N A

Pu Speaker, Chuti chungin Public Undertaking a ni emaw, Private a ni emaw, Mizoram sorkarin kan sorkar hnuai

heng hi kan la lut anih chuan engvanga thuneihna nei nge a nih? tih kha ka zawt duh a. Ka lo hriat dan chuan heng Insurance company lo hi Delhi ah khu chuan Finance Department hnuai an awm a. Keini hi eng Department hnuai awm nge? Eng Department innge hmui ve, enkawl ve tiha kha ka zawt duh a, a mawhphurtu Transport Department Motor te nen a inkaihnawih avang hian ka rawn zawt ringawt a, an ni hian information hi khawi department emaw atang tal hian lak an nei lawm ni, an ni pawh an ko lawm ni tih kha ka han zawt duh a ni.

Tin, apahnihnaah chuan hei accident te hi kan tuar telh telh a, motor a pung a, accident te pawh hi a tam telh telh tura ngaih a ni ve reng a, hetah hianin Mojtor insurance-na awl takin kan han insure a pawisa tam tak kan han dah a, amaherawhchu, kan accident-a kan claim-a a harsa em em a, tun hma chuan Bombay ah te, kal a ngai thin a ni. Helaihi Branch Office chauh anih avangin Divisional Office hi Mizoramah hian a hawn theih ve lawm ni, tunah hian accident tlem a singthum, singhnih, tling chin an han claim a, tling chin a kha chu Guwahatiah kal ala ngai ta tho tho va, a thang chhung a rei si a, a thang vel nan, kal vel nan a in seng ral chu ani ta mai a. Chuvangin Aizawlah hian Branch Office mai ni lovin, Division Office hi a hawn theih lawm ni? Chutiang tur chuan kan Minister hian insurance min pe thei em tih ka han zawt duh a.

Tin, a pathumna lelah chuan Aizawl State Capital, India rama State khat zinga ni ve lem si, State dangah chuan District tina Insurance Company te an awm a, a insure theih vek a, keini hi Aizawlah chauh hian Insurance Company hi an

awm a, helaiah chauh hian kan insure thei a, hetiang ni lo hian kan District Capital tinah hian, Motor insure hi ti thei tur hian kan Minister hian hma ala thei em tih ka han zawt duh a ni.

PU LIANSUAMA

Pu Speaker, Insurance Company te hianin min Exploit em emin ka hria a, ka experience kan

zawh hmain kan sawihret ang a, a fiah nan, Motor kan lei thar hlim chuan an insure mai a, accident pawh a lo tlem deuh nge nge a, tichuan hmanni k'an Police S.P. ka bia a, Private Motor te hi Insure ta lo ila a pawh em? kan ti a, a pawh lem lo e, a neitu thu thu alawm an ti a, mahselangin enforcement lampang khan chutin an lo ngai awzawng si lo a. Tichuan kan kawlawk ta a, tin sorkar motor te pawh hi insure a ni lo tlangpui a, tunah Privatisation programme hi lo kaltlang ta sela, motor 300, 400 vel hi neitu tharin lo neita se, an insure a ngai ngei ngei? lo ni ta a, Motor hlui hi an insure duh hauh si lo a, chulai karah chuan vawiinnia Motor neitu tam tak hi an mangang a, hmannah Insurence Company ka han bia a, chung chuanin e kan thei lo a ni ziakin min pe rawh u, assessment insiam ang a, cheng sang, a ngai emaw sanghnih a ngai emaw chuan kan insure duh a nia, kan ti a, chutin kan ti thei lo, an ti bawh si a, chumi karah chuan kan enforcement leh Police lamin Insurance paper neilo te an man bawh si a, hei hi engtia chinfel tur nge ni ang. Chumi tifel tur chuan kan sorkar hian hma a la thei ang em? Chutiang chhung chuan enforcement te leh Police te hi tlemin hriat thiamna an nei thei ang em? Chuti a nih loh chuan document min chhuhsak vek a. To taka khul leh a ngai, Insurance lam ah a tih theih bawh si lova, Chuvang chuan, Motor hlui reng reng kan Insure thei lo an ti ringawt mai hi engtihna nge ni ngai? min hrihfiah thei ang em? Insurance Company te hi Mizorama an awm hi hetiang a nih dawn chuan a tul tawh lo a ni mai lawm ni? Chuvang chuan, an permit hi kan cancel mai dawn lawm ni? Chu chu engtinng e sorkar hian hma a lak ang tih kan zawt a ni.

...155/-

PU H. ROHLUNA

: Pu Speaker, tuna ka zawh duh pakhat kha chu kha Phuldung-sei bialtu zahawm takin a zawt tawh a. Sorkar Motor-te leh heng Transport Department Motor te hi Company-ah Insure ve an ni em? Hei hi accident leh engemaw tawhsual an han tawh hian a passenger te bakah a Motor te hi sorkarin sum tam tak a sen phah thin niin a lang a. Chutah chuan, hei Transport Bus a accident han tawh leh engemaw tawhsual han tawh tih claim an han tih hian thil harsa tak a awm thin a. Sorkar-in engemaw chenah pek harsa a lo ti a. Company ah han claim dawn se Insure loh chu a lo theih leh lova. Chuvang chuan passenger te tan harsatna tam tak a awm thin a. Chuvang chuanin, hei hi Insure an ni ve em? Transport Department te leh Motor dangte, tin department dang pawh hian an Motor hi an Insure ve em? An insure loh chuan engvangnge tih kha kan zawt a ni.

SPEAKER

: He thil hi thil pawimawh tak a nih avangin kan admit a ni a. Kan dan hian "A question must relate to a matter of administration for which the government responsible" tih a ni a. Amaherawhchul, mipui te'n tawrh theihna kan nei a, insurance thilah hian. Chuvang chuan, he thil hi kan han lalut a. Member zahawm tak Saitual bialtuin a phut ang Assurance em em kha chu a ti thei lo a nih pawn a thiamawm tho ah ngai ila. Minister kha a theih ang anga sawifiah tur leh tun hnu zelah pawh sorkar hian helai thil hi lo ngaih pawimawh a tum dante a sawi theih chuan a lawmawm khawp ang.

PU LIANSUAMA

: Pu Speaker fitness chu kan Sorkar Transport Department ina min pek ngai kha a ni si a. Chuvang chuanin, kan sorkar pawhin a tih theih chin a awm ve a ni lawm ni?

**PU LALRINCHHANA
MINISTER**

: Pu Speaker, Ni e, Insurance Company hi Transport ta bik a ni hauh lo mai a. Mizoram ah hian Insurance Company

chi hrang hrang a a w m a, Transport phehi hi chu pakhat a ni ve a ni mai a. Chutah chuanin tunah Mizoram a an neih phungah chuanin hetiang Private Company a an rawn awm hian Transport hianin "In Motor hi in Insure tur a ni" a ti mai a. Tichuan Insure tur a tih angin Motor nei tuten an Insure a, khatiang khan a kal a ni mai a. Hemi improvement ti tur hianin enginng hmalat tur tih phehi hi chu ka hrethiam bik chiah lova. Engpawh nisela, tun zawhna atangin Transport hi Motor lamah a mamawhtu ber kan nihna avangin heihhi chu kan lo umzui turah ngai ila, a thain ka ring a.

Tin, accident claim chungchang ah pawh hianin Insurance Company hmanga insure anih kha chuanin Transport Department pawhin a tul ang angin enpuiin a tribunal te pawh a enpui thin a, amaherawhchu insure anih khanin tihngaihna a awm lova. Ka hriat dan chinah chuanin tunah hianin sorkar Motor tam ber hi chu Insure loh, Driver te pawh hian keimahni ngei leh kan passenger te tan pawh hianin a him love, chuvang chuanin Insure ni sela ti pawhin kan rawn dil thin a, amaherawhchu, chu chu tun maiah chuan kan la kalpui thei lo a ni. A tlangpui thuin mihring phur Motor hi erawh chu Transport Motor pawh ni selangin Insurance tura ngaih a tlangpuithu chuan a ni.

Tin, chu lovah Insure leh registration chungchang kha a harsa kan ti a. A harsatna chhan chu an insure theih si loh chuan, lo register a harsa a ni. Tikhan a inzawm tlat mai a ni. Chutah tak chuanin (PU SAIKAPTHIANGA : Pu Speaker, Insurance Company ina Insure rawh u an ti mai kha a ni lova. A M.V. Act in a phut avangin a inzawm tlat a ni zawk a ni.) Chutah tak chuanin kan sawifiah dawn a. Private investment a ni emaw keimahni nen hian sorkar nen a bikin emaw engtin emaw an siam chuan, keimahni hian authority tlem kan nei ve thei a ni. Chulai te chauh chu a ni ka han sawi lai chu. Chuvangin, hemi chungchangah pawh hian engang chinin nge term neiin nge Mizoramah hian an rawn awm a hriat lohva. Chuvang chuan, hemi chinah hian nise, tia an hun a tawp hunah chuan State-in thuneihna kan neive thei lawm ni tih lai

te chuah kha a ni ka han sawichhuah chu. Pu Speaker, engpawhnisela, Insurance Company hi State kutah a awm lova, Govt. of India kuta awm a ni a. Chuvang chuan, State hian a pawng a pui chuan kan thunun thei ngawt lova. Engpawhnisela, a nih phung chu kha kha a ni a. Kha Insurance Company te nen khan Settlement engemaw chu kan neih a ngai a ni. Chutah chuan, Motor chungchangah Insurance Company te hi biak pawh kan inbia a. Anni pawhin condition phut an nei ve a. A chhan chu mi tam tak motor neite hian an Motor kha insure loh a ni a, insure a nih pawhin a thi tawh hnu a ni fo mai a. Hetah tak mai hian Motor neitute hian kan Motor hi kan insure-na kha a nung reng chuan a hluiin lei chhawn pawh niselangin, Insurance Company hian an Insure-na thi tur lo renue sak leh kha an rawn ti miah lo a ni. Amaherawhchu, a thi tawh miau thin a. Thi tawh hnu insure that leh kha a harsa an ti khawp mai. Chu chu anih avangin Motor neitute reng reng hian kan Motor insure-na hi vawng nung reng ila. Tichuan, a hlui a thara insure leh tur a nih pawhin harsatna kan nei miah lo dawn a ni.

Tin, entirnan - Mizoram sorkar pawhin a Motor kha a dek ral duh a. A tlantute khan an rawn tlan a. Khami a tlan tute khan Motor kha register insure leh tur kha a nih tak siah chuan. A tihdan tur phung kha a awm ta a. Chu chu Transport-ah MVI ah rawn thlen sela, MVI-in an lo en ang a. Kha Motor kha service leh tlak a ngaih a nih a, kal zel tlak anih chuan MVI ina certificate hmangin Insurance Company ah kalpui hianin anni pawhin kha kha chu an lo insure tir leh thei a ni. A karah an tlak a ngai fo a ni. Hemi anga a kal chuan harsatna a awmin ka ring lo. Chutiang tur chuan hetaiah inbiak remna a awm a ni.

PU R.LALZIRLIANA

: Pu Speaker, Divisional Officer
Aizawl a hawn kha a paw
mawh em emin ka hria a ni.
Guwahati kal ziah kha a

buaithlak em em a ni. Chutih rualin mipui te tan branch Office District tina hawn kha, inngen thei ang a.

**PU LALRINCHHANA
MINISTER**

: Engpawhnise, he thil hi Department atang pawhin hmalakna kan la nei hran lova. Insurance Company din a hi Central nen

a inzawm anih avangin atuol ang lo kalpui mai hi kan tihdan a ni mai. Amaherawhchu, kan ramina mamawhna member in sawichhuah a, kan theih ang angin hma kan lo la zel ang e.

S P E A K E R

: Kan Minister sawi ang khan Motor chauh hi insure a ni lova. Life Insurance pawh a ti pawl an awm a ni. Thlai

leh Ran te pawh a tih theih nual niin a lang a ni. Heng ho hnathawh dan chungchang hi Mizo mipui ten kan hlawkpui theih dan tur angin kan sorkar hian min en sak se tih kha kan duhdan tlangpui chu a ni. Kan House Leader pawh ka ngen duh a Insurance Company hi min enchian sak sela a tha ang e. Starred Question 37 na zawt turin Pu Sailothanga Sailo i sawm ang.

PU SAILOTHANGA SAILO

: Pu Speaker, ka Starred question No. 37 na (a) Mizoram sorkar hian Accountant General (AG) Office hawn tumna a nei em?

(b) Nei nise, engtikahnge hawn a nih ang? (c) Hawn tumna a la nei lo anih chuan enge a chhan?

**PU ZORAMTHANGA
CHIEF MINISTER**

: Pu Speaker, zawhna 37 na (a) na chhanna chu Mizoram sorkar hian A.G. Office hawn tumna a nei e. (b) na kha

ruahmanna hrang hrang a kal a, Office hawnna tura thil tul angte kan tifel mek a. Chu chu tihfel anih hunah hawn a ni ang. (c) na kha chu chhan a ngai love.

PU SAILOTHANGA SAILO : Pu Speaker, hawn tumna an nei a, lawmawmah ngai ila. Hawn tumna nei lo ta ang ila Mizoramah hian Department 50 - 60 dawn lai kan nei a. Kum khat, Quarterly a reconcile tura an kal hi kan lo seng hnem viau a. Quarterly a nih loh pawhin vawihnih tal a lo ngai a. Kum khat ah nuai 50 dawn kan lo seng a. Sawrkarin hawn tumna a nei chu a lawmawm e tih kha kan sawi duh a ni e.

PU SAINGHAKA : Pu Speaker, zawhbelhna, A.G. Office hi hawn tumna a rei tawh niin hriat a ni a. Kan hriat danin accomodation-a an harsatna an chhuanlam a. Chuvanga vawiinni thlenga la hawng lo chu a ni a. Tuna kan sorkar hian hawn tir tumna a neih chuan an accomodation atana ruahmanna khawiah nge a neih tawh ?

S P E A K E R : Chhang turin Chief Minister i lo sawm ang.

PU ZORAMTHANGA CHIEF MINISTER : Pu Speaker, Office nghet tha an neih theihna turin, Khatla lama Central Government Office kan tih hmunah sawn ram pek an ni a. Bigha 3.18 a zau pek anni a. Land least te pawh pek vek an ni a. Land least No. 48/2004 dt. 18.2.2004 khan pek fel tawh an ni a, tunah hian building sak tumin Accountant General lam pawh hian hma an la ve mek e.

S P E A K E R : Starred Question No. 38-na zawt turin Pu Liansuama i lo sawm ang.

PU LIANSUAMA

: Pu Speaker, ka zawhna Starred Question No. 38-na Finance Minister chhan atan, (a) March 2004 leh October thla tawp engzatnge chinfel ni tawh? (b) Heng zingah hian Mizoram House, Calcutta leh Guwahati ami pension leh thi te an tel ve em?

SPEAKER

: A chhang turin Finance Department changtu Chief Minister i lo sawm ang.

**PU ZORAMTHANGA
CHIEF MINISTER**

: Pu Speaker, kan member zah-awm tak Pu Liansuama zawhna chhanna chu hetiang hi a ni e. (a) March 2004 atanga October 2004 inkar chhunga pension case chinfel tawh zat chu 1080 (sangkhath leh sawmriat) a ni. (b) Heng zingah hian Mizoram House, Calcutta leh Guwahati amite pension leh thi te pawh an tel ve e.

SPEAKER

: Starred Question No. 39-na zawt turin Pu Andrew Lalherliana i lo sawm ang.

PU ANDREW LALHERLIANA

: Pu Speaker, thil kal tawh a ni a, mahse zawh a la ngai a ni ang e. Ka zawhna chu hei hi a ni a. Sorkarin 1996, Fifth Pay Commission rawtna anga hlawh a pekah 1st January, 1996 atanga 31st May, 1999 inkar arrear hi pek a tum nge tum lo tih a ni a. (b) na 1st July, 2003 - December, 2003 D.A. te leh 1st January - June 2004 33% D.A. te hi pek a tum nge tum lo tih a ni e.

S P E A K E R

: A chhang turin Chief Minister
i sawm ang.

**PU ZORAMTHANGA
CHIEF MINISTER**

: Pu Speaker, kan member
zahawm tak Pu Andrew
Lalherliana zawhna chhan
na chu : (a) Mizoram

sorkarin 1996 Fifth Pay Commission rawtna anga hlawh pek 1st January,
1996 - April 30, kha kha May 31 ni lovin a ni a. April 30 inkar ami
kha tun dinhmunah chuan heng arrear hi chu pek tumna a nei lova.
Arrear hi May 1, 1999 atang chuan pek vek anni tawh a ni. A hma
1996 lam ami er wh kha chu pek tum a ni lova, 1999 atangin pek an
ni. (b) 1st July 2003 - December 2003 D.A. kha chu pek anni tawh a,
amaherawhchu 1st January atanga June 2004 2% D.A. pawh, Central
lamin an rawn tih a ni a, Mizoram pawhin kan lo tih ve tur chiah
engtingnge kan pe thei ang em tih kan en a, kan sum dinhmun a zirin
hei hi pek theih dan tur kan enfel mek a ni.

S P E A K E R

: Starred Question 40 na zawt
turin Pu Saikapthianga leh
Pu Andrew Lalherliana te
zawhna intawm a ni a, tunge

zawt zawk dawn. Aw, Pu Andrew Lalherliana.

PU ANDREW LALHERLIANA :

Pu Speaker, ka lawm e. ka
zawhna hi Health Minister
zahawm takin a chhan atan
(a) Falkawn a Referral

Hospi-tal sak mek hi engtikahnge sak zawh a nih ang? (b) Pawisa
engzatnge sen a nih tawh? (c) Pawisa sen nise eng atan nge? (d) Eng
zatnge sen la ngai dawn? (e) He Referral Hospital hi eng hunah nge
hawn a nih dawn? tih ka zawt e.

S P E A K E R : A chhang turin Health Minister Pu R.Tlanghmingthanga i lo sawm ang u.

PU R.TLANGHMINGTHANGA MINISTER : Pu Speaker, Member zahawm takte zawhna chhanna chu hei hi a ni e. (a) Falkawn Referral Hospital hi DONER atanga kan mamawh ang fund kan hmuh hnuah sak zawh a ni ang. (b) Crore 35.39 hman tawh a ni. (c) Hospital leh quarter sak nan te leh Administrative building sakna atan leh Hospital Equipment & Appliances lei nan hman a ni. (d) La sen ngai tur a awm anga ruahman chu 5.14 crores a ni. (e) Tin, sak zawh hunah a hawn dan tur chu la rel a ni ang.

S P E A K E R : Hun a tama min lo hrethiam ula, a zawttu te kha Supplement zawt tur khanin duhsak deuh ta ila a tha ang a, 3 mins. chauh a awm a. Pu Andrew Lalherliana.

PU ANDREW LALHERLIANA : Pu Speaker, chhanna kan hmu a kan sen tawh zat te kan hriat danin ruahmanna hi tiang hi niawm tak a ni a. Administrative Building atana 1.77 crores Main Hospital Block atan 6 crores tin, Diagnostic area atan 2 crores, supporting facility atan 31 lakhs, out patient block atan 1.16 crores, Internal atan 6.8 lakhs kha a ni mai a. A dang ka sawi tel lo. Tin, Residential building agtan 18 crores, hmanrua (equipment) atan 9 crores, awaia estimate hi 40.53 crores lai a ni a. Tunah hian hman tawh zat a rawn sawi khan 35.39 crore hman tawh ang khan a rawn sawi a ni. A awmzia chu zawh tawh thuak tur niawm tak a ni a. Estimate a a landan hian. Tahchuanin kan lo hriat danah hian a plan-ah khanin khum 300 awm tura ngaih leh, chu pawh chu khum 500 a upgrade theih tur niawm tak a ni a. Amaherawhchu, hetiang a zawh tep tawh tlemte chauh zawhna pawisa la awm 5 crores chauh ah hianin engnge ni thil fello awm hetiang a dawn grade a nihna

chhante. Tin, hetiang khawpa pawisa hman tawhna si ah vawiinnia hetu khawpa la inpeih lo hi engnge ni a chhan ? Helaiah hianin thil fello tak awm nia a lan avangin heihi harsatna hi engnge ni kan Minister zahawm tak khanin a sawi thei em ? tih kha kan zawt duh a ni.

SPEAKER : Minute khat ala awm a. Tichuan Pu Hminga hi senior a ni a, sawm ta ila. Chumi zawh chuan hun hmang pel hret mai ila. Kan Minister hian a chhang law law mai dawn em ni ang.

PU LALHMINGTHANGA : Pu Speaker, Lunglei Civil Hospital saw, saw sak mek a ni a. Hma a sawn thei reng reng lo mai a. Pawisa awm loh vang nge ni Dam lo an tam si a. Chuvang chuanin kan sorkar hianin sawmi zawh felna tur atan hianin tun budget-ah hian pawisa ruahmanna a nei em tih kan zawt duh a nik. Ka lawm e. Pu Speaker.

SPEAKER : Zawh belhna hun a awm tawh love, a chhang turin Minister i sawm mai ang. Pu R.Tlanghmingthanga i lo sawm ang.

PU R.TLANGHIMINGTHANGA MINISTER : Pu Speaker, he Referral Hospital saknan, nachina kan member zahawm takin a sawi ang khan crore 40 atir atanga ruahman a ni a. Chumi ah chuan a satu P.W.D. lam ten hei hian a daih dawn lo a ni tih Revised Estimate-te an theh lut a, Khalaiia details te, a la bakte, engnge la ngai a mamawh ti vel chi P.W.D. lam khan

an hriat chian ka ring a, khalai vel kha chu sawi thei lo mah ila, tuna keini in kan han nghah chhoh mekah chuan Central lam DONARS atanga fund kan hmuhte crore 40 atira Estimate bak kha kan ti thei rih love. an tih avangin khum awm zat tur ang a hisap pawh kha P.W.D. lam Technical Expert tena an hisapa a let deuh thaw crore 70 chung an re-assess-ah khan anih avangin chumi atira kan hisap leh anih ang tura khan Khum 300 leh 500 te pawh rilru a hisap lo neih kha, tuna kan nihna leh pawisa min pek ang a, kan in siam remna turah chuan khulam fund min pe tu ten Direction min pek ang chuan anih ang ang hi lo tizo ula, he fund hi in hman zawh a, chumi ina Khum a maintain theih zat turah chuan ruahmanna lo insiam mai rawh u tiin Khum 50 ang turin lo in ruahman rawh u tiin min hrilh a, chutiang chuan Department chuan tuna sak zawh loh la awm te, khang kha chu nakinah a satute leh pawisa min petu ten a an ruahmanna la kal zel tur nghak chungin Khum 50 angin lo kal tir rawh u an tih chu ti turin hma kan la chho va, chumi Khum 50 han tih theihna tur atana ruahmanna pawisa la mamawh zat tur ang 5.4 crore kha a ni a. Chumi atan bungrua engemaw zat lei a ni tawh a, kan bungrua leite pawh alo thleng tawh pawh tam tak a awm a. Tunah hian regular-a damdawi In hawn han tih saw an la tih theih loh lai pawhihn hetia a ral kal deuha Doctor-te kar khat chhunga alternative ang chi clinic va neiin an kal chho a. Hei hi regulara awm chirih a Staff awm tur ang angte awm a Khum 50 chu va enkawl tura ruahman chhoh a ni a. Chumi atan chuan intur tui leh khawsakna tur kha a pawimawh avangin leh Electrification te a pawimawh avangin department pahnih Electric Department leh Public Works Department te chuan chumi atana pawimawh chu tunah hian an bei chho char char a.

Tin, Tui pump tur te pawh tun November thla chhungte hi chuan kan pump thei mai ang an ti a. Chuti anih chuan electric lampang pawh khami a cheng turte han chen theihna nawk nawk tur chuan ruahman chho thei turah kan ngai a. Chumi atan chuan Rs. 18 lakhs vel kha ruahman chhoh a ni a. Chu chu pawisa awmsa atangin kan han hmang chho nawk nawk a. Chu chu kumin chhungte hi chuan a nih ang ang Central sorkarin min phut ang seat 50 awm tur ang hi chu eng tiang takin nge a ni leh thla sawi thei lo mah ila hun rei vak lovah chuan kan kal chhohpui theih kan inbeisei a ni. Lunglei Civil Hospital sak saw hma a sawn thei lo tih saw kei pawh ka va kal a. Pu Speaker, Pu Hminga han zawhna kha. Hei hi hma a sawn lo han tih lai kha beiseitu beisei dan degree-a zir

khan Pu Hminga ngaihah chuan a chak lo deuh a ni mai thei a. Amaherawhchu, leh lamah a satute chuan hma kan sawn khawp e, an ti bawk a. Engpawh nsie hei hi chu engzui chhoh niin a nih ang tur leh an zawh hun tur beisei ang chuan an zo hman lo tih a chiang a. Chu lai chu kan in enchho mek a, kan intur chho mek a ni e.

S P E A K E R

: Le, Question hour kan lo zo a. List of Business anga kan kal hmain thil pakhat puan nawn ka duh a. Hmanah kan puang tawh a. He House-ah hian Official Gallery leh Public Gallery-ahte pawh Mobile phone lak loh loh nise kan ti a. Hei hi mi zawng zawng zawm turin kan beisei a ni tih ka han puang nawn leh a ni.

Tunah chuan kan Minister Pu Z.H. Ropuia House a paper lay turin kan sawm ang a. Kha kha naktuka puanah ka ti a. Mahse, kan puang nghal mai ang a. Kan member zahawm tak Group Leader Pu Lalduhoma'n Motion putluh a dil a. A dil a chu hei hi a ni.

Aizawl Greater Water Supply Phase II hi mipuiten nghakhlel taka an thlir laiin harsatna a awm a, original estimate bak DONER-in a phal avang leh contractor pakhat Bill lak tur pawh original estimate hian a daih loh avangin he Project hi dinhmun khirh takah a awm mek a. He House ah hmanhmawh taka chai ho a ngai a ni.

Chuvangin Rule 139 Rules of Procedure and Conduct of Business in Mizoram Legislative hnuaiyah he Motion hi putluh ka han dil e.

A motion chu heih a ni "Greater Water Supply Project Phase II hi chak zawka kalpui anih theih nan Independent evaluation and impact study team siam ni rawh se" tih a ni a. Tunkar chhung a hun min pe turin ka ngen a che tih a ni.

Hei hi a pawimawh viau a, mahse kalphung kan neih hi a awm ve a. Kan dan leh dunah a inziak chiah lo a, Parliament ah khuan Procedure 186(11) ah chuan Motion hian 'It shall not ordinarily relate to matters which are under consideration of a Parliamentary Committee' tih a ni a. Keini interpretation turah chuan 'House' tih emaw a ni ang a. He thu hi a pawimawh viau an ti a. Chuvangin kan Estimate Committee ni 29.1.2004 a thukhawm chuan an hmalakna turah No. 2 ah Greater Water Supply Scheme Phase II PHE department tih hi an lo thlang fel tawh a. Chu chu bawhzuiin February ni 9 pawh khan an lo thukhawm tawh a, kan House Committee in an enlai mek anih avangin Parliamentary Procedure tih dan ang khan hei hi chu Motion anga a luh hi a remta rih lo a ni e.

Amaherawhchu, Demand for grants sawi hunah hun tha tak kan neih kan beisei. Kan dana awm lo hi chu tunhma kan kalphung tawhah khan aw, chu chu nakinah hun tha tak in nei ang, kan utilise tur a ni a, kalphung kalha kal kha chu a rem lo ang e a, Estimate khan lo la thlang lo sela chu, (PU LALDUHOMA : Kan rules ah hian a inziak lova) a inziak loh apiang hian rules of procedure te kan en thin a, Parliament tihdan kha kan entawn a ni. (PU LALDUHOMA : Pu Speaker, ka question thei lo che a, ka pawm mai ang a, a pakhat zawk rule No. 55 hnuaiia short quatation kha) Kha kha chu ni 16 aia tlai lo i ti a, kan la examine mek a ni. Employment Minister Pu Z.H. Ropuia paper lay turin i lo sawm ang u.

**PU Z.H. ROPUIA
MINISTER**

: Pu Speaker, 'The Mizoram Contract Labour Regulation and Evaluation Rules, 2004 hi he House ah hian ka lay e.

SPEAKER

: A copy kha han sem nise a tha ange. Tunah chuan List of Business dawtah kan kal ang a, Discussion and Voting

on Demand of Grant, tih a ni a. Vawiinah hian Minister pali te demand rawn chhawpchuah a ni a. Chungte chu Pu Lalrinchhana, Pu H.Rammawi, Pu K.Sangthuama leh Pu Z.H.Ropuia te demand a ni a, a mal mala sawisaka vote sak aiin anni hianin an demand hi rawn submit thlih thlih sela, tichuan a khawmin a hma pawha kan tih dan ang deuh khan sawi khawm ta ila a tha mai ang em? tha mai maw. Anih Pu Lalrinchhana Minister zahawm takin a Demand House-ah han submit sela i lo sawm ang u.

**PU LALRINCHHANA
MINISTER**

: Pu Speaker, Mizoram Governor recommend-na ang leh Pu Speaker, i remtihna hmangin ka Demand No. 30,34 leh 42 a vaiin Rs. 36,44,24,000 hi kum 2004 - 05 a hman ral turin a hnuaiia department te tan hian he House ah hian ka rawn move e. Pakhatna Demand No. 30-na Relief & Rehabilitation atan Rs. 3,99,00,000 pahnihna Demand No. 34 - na Animal Husbandry & Veterinary atan Rs. 14,55,13,000, pathumna Demand No. 42 na Transjport atan Rs. 17,90,11,000. Ka lawm e.

S P E A K E R

: Pu H. Rammawi, Minister a Demand te submit turin i sawm ang.

**PU H. RAMMAWI
MINISTER**

: Pu Speaker, on the recommendation of the Governor of Mizoram and with your permission Sir, I moved the Demand No. 4, 12, 31 and 32 for Rs. 54,27,04,000 only for meeting expenses during 2004 - 05 in respect of the following departments. Details of the demand - Demand No. 4, Law & Judicial Rs. 3,21,34,000; Demand No. 12, Parliamentary Affairs Rs. 20,50,000; Demand No. 31, Agriculture Rs. 41,43,70,000; Demand No. 32 Horticultutre Department Rs. 9,41,50,000. Thank you sir.

**PU K.SANGTHUAMA
MINISTER**

: Pu Speaker, on the recommendation of the Governor of Mizoram and with your permission sir, I moved the demand

No. 17, 37 and 41 for Rs. 97,85,98,000 only for meeting a expenses during 2004 - 2005 in respect of the following departments. Detailed of demands : Demand No. 17 - Food & Civil Supply Vaibelchhe 89 leh 16 leh sing 7 leh sangli. Demand No. 37 - Co-Operation : Vaibelchhe 4 nuai 55 singnih leh sangli. Avaiin vaibelchhe 97 nuai 85 leh sing 9 leh sang 8. Thank you.

S P E A K E R

: Pu Z.H. Ropuia, Minister of State a demand te sawi turin i lo sawm ang u.

**PU Z.H. ROPUIA
MINISTER**

: Pu Speaker, on the recommendation of the Governor of Mizoram and with your permission sir, I moved the demand

No. 22, 28 and 43 for Rs. 8,26,78,000/- for meeting expenses during 2004 - 2005 in respect of the following departments. Detailed Demand No. 22 - Sports & Youth Services : 3 crore 98 lakhs 70 thousand. Demand No. 28 - Labour & Employment - 2 crore 42 lakhs 45 thousand. Demand No. 43 - Tourism 1 crore 97 lakhs 63 thousand Total 8 crore 28 lakhs and 75 thousand only. Thank you.

S P E A K E R

: Awle, kan Minister zahawm tak pali ten House ah an demand an rawn submit ta a.

Demand 13 lai a ni a, vawiin chu rei deuh turte pawhin rilru indah ila. Tunah kan sawiho nghal ang a. Kan tihdan phung deuh hi a awm a, Opposition Leader te, Group Leader te hi a pangngai aiin hun kan inpe tam deuh thin a, member te hi a tlangpui minute 10 kan inpe a, a tawk thei mai ang em ?

PU LIANSUAMA

: Pu Speaker, pangain a sawi theih a. Chuvang chuanin minute chanve pawh tling lo a ni dawn a. Department pakhat hrut nan kan tlai deuh mai ang a, Minute 20 te hi chu Member ten kan hmang hram dawn lom ni kan ti a. Chuvangin Minister 4 demand, Minister pakhat tana minute nga zel kha chu, chu pawh chu la chep tak tur chu a ni a, min rem tihpui mai kan va duh em.

S P E A K E R

: Department thenkhat hi chu sawi duh vak loh te pawh a awm mai thei ve baw k a. A zawng zawng kha chu kan sawi duhlo mai thei a, a nih leh minute 12 i ti ang. Minute 10-ah warning bell ri sela, minute 12 cross loh tum ang aw. Tunhna zawng pawn minute 10 ania an inpek ve baw k ni. Amaherawhchu, nidang aiin inpe tam hret ila, minute 10 ah warning bell ri sela, tawpna bell nilovin. Kan Leader theuh te erawh chu kan inpe tam deuh ang a, minute 12 chu i ti ang . A dan bawhchhe duh kha chu tlemte inni a, keimahni hun bawhchhe duh kha chu tlemte inni a. Le, tunge han sawi tan ang le. Pu R. Lalzirliana.

PU R. LALZIRLIANA

: Pu Speaker, nimin lamah sawi ka chang ve lova, ka chuh vat loh chuan ka chang lo leh ang tih ka hlau deuh a. Pu Speaker, hun tha tak min pek avangin ka lawm e. A hmasain hei Department tin chu han luh chilh hman a ni chuang lo ang a, ngaih pawimawh lai laite kan han chuk lawr ve mai mai ang a. A hmasaa ka hriatthiam loh chu ka hriattlem vang a ni tih chu ka pawm chiang khawp mai a. Amaherawhchu, entir nan nikumah heng Food & Civil Supplies ah te hianin Plan-ah hian ni 260 kan dah a, kuminah 185 kan han dah leh tlat a. Revise for hrim hrim mai hian thil hi a kal niin a lang a. Helai hi chu pawisa kan neih loh vang anih chu ka ring a. Vawi khata han dahkhah mai tur hian. Amaherawhchu kan kaldan hi

chu a khingbai deuh a ni tih erawh chu ka han sawi hmasa duh a. Hei Relief & Rehabilitation-ah hianin Armed Veng mawng lam lei tlahniam khu Zoram pum hriat a ni a, kuminah te pheih chuan a nasa ber pawl niin ka ring a. Tunah khuan kan internal road Motor kal theihna kan veng mawng nimahselangin Motor te a hminga a thlen ve chuan kan lo inbenbel vena te a ni hlawm a mi tam tak. Chungte chu tunah hian Motor kal thei miah lovin a la awm a. Kan sorkar hian heng hi chu a rang lama min ngaihtuah sak atan veng pahovin an duh a, ram pawhin an duhn a. Chu chu ka han sawi hmasa duh a.

Tin, Horticulture hi a lehlamah Department lian lo tak niin hetiang hian a rawn awm chhova. Kumin chho vela an than dan hi a lawmawm ka ti ang reng khawp mai a. Anthurium te, export han ti ilar, State dang a han hralh chhuah kha export-ah chuan kan ngai ve tho ang chu ka ti mai a. State dang hralh chhuah tham kan han nei te hi a lawmawm hlein ka hria. Hetiang ang hi kan ram Department hrang hrang Officers te pawh hian farmer te loneitu te, huan neitu te an lo hlawk vena tur atan a tan la turin ka han chah duh bawk a. Chutiang anih rual rual chuan Vanila an tihte vawiinnia kan lo hriat dan tam takah chuan Officer ten anmahni hian an kui deuh va. Heng hi a chi chhuah leh tur te laka an hralh tur a ni em aw tih te pawh kan ngaihtuah a. Amaherawhchu, hengte pawh hi a lehlamah chuan Vanila te hi kan ramah a tha dawn em tih hi tuman an la hre lova. Demonstration experiment atan chuan Officer-te pawh hian anmahni sum senga an lo ti anih chuan tha ka ti a. Chutiang ni lova kan MIP te leh kan rama mipuite ka fuihna tur atana Vanila chu kg. 1 ah 3200 te a ni a, a ro chu 10000 te a ni a ti a. Kan ram hruaitu zawk tena a that leh that loh a rah theih leh theih loh, a lo rah pawha a chang thei em tih pawh hriat hmaa kan puangzar vak mai hi chu kan sim a tha ngawtin ka hria. Mizo mipuite hi an taima a, tha tur nia kan rin chu kan bawh vak mai thin a. Vawiinniah hian a lo that leh si loh hian beidawna khurah hian kan tla lut hnem lutuk ang e, tih kha ka sawi hmasa duh a ni.

Kan Demand Sericulture-ah hian lut ta lawk ilangin. A bu hi a chhah a, keini ang rual chuan kan en thiam ve lova, tukin zingah ka zawng chawp a, ka hmu leh chauh a ni nghe nghe lehngal a. Nichina ka sawi ang khan kan Plan Fund hi a tlem hle mai a, kuminah hian 230 chauh kan dah a, hei hi ngaihtuahna min neih tam tir viau mai a. Sericulture hi kan rama departmentin kan la hriat lar vak loh, a sorkar ang pawha priority kan

pek lem loh a ni a. Amaherawhchu, ngun taka ngaihtuahin he department ina an hnathawh hi kan ram tan, India ram tana thil tha tak niin ka hria a. A chhan chu pangngang khawina atana an lo thing hman te, thing theihmu te, nauthak te leh mutih te engkim mai hi ramngaw siamtu a ni a. Chu ramngaw siamtu chu vawiinniah hian mipuiten a hnah lo eitu tur pangang an khawi khan awlsam takin Mizoram Mizo fate tha ngeih zawng tak lehngal chawp leh chilha a kum khata ei tling mai si a ni a. He department hi kan sorkar hian priority pe sela trhain ka hre khawp mai a. Chutiang chuan tuna Baffacost kan tihate hian sum kan han insem den den developing department te pawh hian hetah hian hmang zawk sela a tha khawpin ka hria a. Kha department ah khan i han pe vek ang ka tihna a ni lo. Khatiang ang kan hman naah khanin Thingtheihmute nichina Pangang eichi kan han sawi zawng zawng te pawh kha tuna kan ram tan environment tan Green Forest lo ni bawk si churang chuan he department hi thapui thawha kan hotute hian an ngaihtuah thain ka hria a. Eizawna ngialnghet min siam theitu MIP ah pawh hianin harsa taka tan kan lakna atan a thain ka hria. Chuta tan chuan Revolving fund kan siam hi a pawimawh a, kumtin atan cheng tam tak i dah ang u ka tihna a ni lo. Kuminah hian he department a hnathawktute leh farmer te helaia pangang lo khawitute insentive a pekna atan (Rs. 100 nuai) emaw tal lo dah ta ila, chu revolving fund vawiinnia KVI te MIFCO kan tih te ZOHANCO kan tihte kum khati leh chen dam tawh leh kan finance reng si hlawkna hmu reng lo ai hi chuan he department hian hlawkna kan hmuh ka ring a ni. A chhawrtu te thingtlang mite kan mipuite an nih dawn bawk avangin revolving fund tam zawkte pawh hi kan dah a thain ka hria a ni, chu chu Sericulture a ka sawi duh ni sela.

Tin, helaiah hian kan sawi karlak deuh duah dawn ang a. Food & Civil Supplies Department hi nichina ka sawi ang khan kan eibel ber a ni a. Hei hi kan ngaih pawimawh a tha hlein ka hria a, tunhmain sum tam tak an dah thin a, hlawkna hmu miah lo emaw kan tih laiin hlawkna engemawzat an lo hmu tawh niin ka hria a a lawmawm khawpin ka hria a. Amaherawhchu, hetiang angah hian kan Minister te leh a enkawltute hian fimkhur taka pawisa awmchhun hi kan hman a pawimawh hlein ka hria a. Chuta tana ka han sawilan duh chu Mizoram State kan nih atangin emaw, U.T. kan nih atang hrim hrim khan Godown kang hi Fire extinguisher te hian an thelh tawh em? mipui kan inpun khawm a, kangmei a lo chhuak palh anih pawhin tiang chuanin kan in ami tinin, tui te kan thal a, kan tlan khawm a, mipui vantlangin NGO ten kan

thelh mai thin a ni a. Vawiinniah hianin nuai 20 chuang man lai mai, fire extinguisher han lei ringawt mai te hi Pu Speaker, a ho i ti ve ngawt lo maw, a ho hi ka tikhawp mai a, hetiang hi sum siam tumna dik lo taka, mipui sum eiralna a ni.

Kan hman ngai reng reng loh Mizoram ngatah phei chuan kangmei a lo chhuah palh pawhin Godown ah chang ni lo, sorkar Office a dah tur hrim hrim te khawi maw laia dah turte hi lei a ngai lo tluk a ni. Mipui kan tha a, helaia kang thelh tute tawt khawpin, thelh tumin kan tlan khawm a, chutiang ang chu fire extinguisher te hi kan lekchhuak ngai reng reng lo ka hriat ve tawhah chuan Aizawl khawpui chhungah kangmei chhuahna a tam hle a, hei hi kan la lek chhuak ngai reng reng lo a ni. Transport Department atangin thil diklo taka leina a lo chhuak a, helama Supply Department ah kan han insawn leh a, thil tul reng reng lo lei a lo tam leh ta mia hi, Pu Speaker, hengte hi chu mimal ka huat vang a ni lo, a Minister hi ka u a ni. Amaherawhchu, helaia thudik tak kan sawi a, mipuite tana tangkai si lo, tute emaw hlawkna tur ringawta kan tih kan han sawichhuah hian ka dik lohna a awm chuan kei pawh min sawisel rawh u, tah chuan insiamthat ka tum ang. Heng kan thusawina atang hian mipui zah vang pawhin thlarau leh tisaa piangtharna kan hmuh hlahu chuan hei hi ka duhthusam a ni. Chuvangin ka leina te hi ka sawi nasa telh telh dawn a ni, chu chu kan ram insiamthatna atan pawha ka duh a ni.

Tin, chumai chu a ni lova, vawiinniah hian kawngkapuia lut lova, kawngkhara lawn liam te leh ventilation-a lawi lut te chu, rutu te suamhmangte anni thin a, chutiang ang deuh chuan contractor in registerna a awm a. Quotation te an chhang a, khatah khanin engeni an in register an ti nge ni, supply ah hian ka hre chiah lo a, chutiang chu a a wm a, nimahsela in register, register contractor ni ve reng reng si lo te, Vanbawng, Suangpuilawn ah te, buhfai kan han tuh tir a, chung kan tuh tir te chu Department lamin an hnial ngam lova, engvangnge Minister ... an ken vang emaw te, Minister an ken khan tiangkhanin truck load 2 lai kan han phur tir a, Aizawlah inhmun nghet an nei nge nei lo nge helai hnam run list annih vang nge ni khatiang han an lo phurtir ringawt a. Vanbawng ah te, Suangpuilawn ah te ka han kal a, an buhfai phur chu hmuh tur a awm der si lova, Pu Speaker, tiang ang chuanin truck trip 2 lai chheprelh alo ni ringawt te hi hengte hi a chhan chu dan lova, kawngkapui a lut lova, ventilation a lawn liamte thiltih a ni tih hi vawiinniah hian he House hi ka hrilh duh a ni. A paw ka ti hle a ni. A sawi tur a tam a,

kha warning kha a ri der tawh a ni maw? Pu Speaker, ava pawl dawn ve le, Ka sawi tur tam tak kha nimirah khan min dang bawh si a, tin, tunah tlem kan sawi leh hram ang a, warning chauh ala ni bawh a. Nichina ka sawi ang khan hei nimir lamah khan kan Sport Minister zahawm tak hian Football 10 leh Volley ball 2 te leh a net te min pe a, a lawmawm ka ti khawp mai a. Amaherawhchu, hetiang mai maia tham lungawi chi chu kan ni tawp lo a ni tih erawh hi chu ka hrilh duh a ni. Amah hi ka thianpa a ni a, han sawi pawh hi nuam ka ti a, a chanchin a te hi nichina ka sawi ang chiah khan, kan diklohna te mipui sum kan ren loh em em te hi a zahthlakzia hi, Minister kan nih avanga ti thei mai kan nih lohzia hi an hriat chuan kumli lai hun an la nei a, chungah chuanin insiamtha turin ka duh vang a ni a.

Tichuanin ka han sawi duh chu, Pu Speaker, tlemte 2 minute lemaw ni lek, hmanni lawkah October ni 25 bawr vela Shilongah a zuk zin khanin, a thlenna in hi a sang lutuk ka ti, Mizoram House awm lohna chu ni sela, awm ka ti a, en teh u, hei Polo Tower Shillong kal thinte chuan inhria ang a. Htel Polo Tower an ti a, Polo Ground bul ami heng hi a building kha a ni a. A ropui lutuk, chutah chuan, midang thlen ang mai a thleng lovin helaiah Presidential suit ah te Executive suit ah te amah leh a thiante nen an han inhnawh ta a. Nidanga 9000 zan khata 8000 aia tam sennaah khan zu thleng ngam a maw le! A zahthlak ka ti, wawiinniah hian an nui a nih pawhin a zah avang chauh hian nui rawh se. Nuihna chi a ni lo. Heti khawp hian mi rethei hnenah chhiah kan la a. Mi retheite hnenah Tax chi tinreng kan khawn a. Hetihlaia kan chhiah pungkawmina kan chawm ve mai hlawh la ve mai kha nawmchen nan Shillong ah te zu zin a, lo haw leh ringawt mai; engnge kan ram tan sawichhuah an neih. Helaiah hian a zahthlak a ni. Pu Speaker, hetiang hi ti tawh lo turin Minister leh a mah ngei pawh hi ka chah duh a ni.

SPEAKER

Awle, awle, tawh rawh se aw, tunge han sawi leh ang. Kan Wind up tawh mai dawn em ni? Aw, Pu Saikapthianga.

PU SAIKAPTHIANGA :

Pu Speaker, kan la inkhek deuh a niang, tlai lam umpawng-par an ti nge ni, tlai lamah kan ti nasa leh deuh

ang a. A nawm deuh leh hun pawh min pe leh ang chu, Pu Speaker, tlawmngaia rawn dingchhuakah te pawh kan inchan deuh a. Hei Demand pawimawh tak tak mai, Minister pali (4) chan kan sawi dawn a. Hun kha kan duham deuh viauva. A chhan chu kan sorkar hi a biru rei tawh khawp a. Chuvang chuan, han pholan ve hrim hrima mipuiin a tha leh tha lo a dik leh diklo te pawh kan hriatna atan hun tam deuh Legislator tena kan neih hi keimahni a MLA hovin a kan mamawh mai ni lovin. Mipui hian an mamawhin ka hria. Chuvang chuan, hun kha tam deuh 20 minutes tal kan dil a. I remti mai si lova, chuvang chuan tawi te tein kan sawi lo thei dawn lova. Hei Demand 31 na Agriculture ah hian han luh zawk ka duh a. Nimin lamah te pawh kan buaipui chhan kha Minor Irrigation hi a hrang ang deuhva awm amaherawhchu, Director, Agriculture hnuaia awm Fund-te pawh nei hrang Staff te nei hrang anih avang hian a Administration hi a fel lovin a Irrigation Wing pawh hian a hnathawh tur chan hi a thawk tha tawk lovin ka hria. Chuvang chuan a rang thei ang berin Mizoram mipuite pawh hian kan chhawr theih zawk nan leh a Department pawha kal tluan theih zawk nan, Agriculture Department atang hian Indang sela. Tin, Minor Irrigation atang hian Medium ah a kai tawh em ka hre chian lova, Minor Irrigation tela dah a ni a, Medium ah hian a rang thei ang bera hlankai a pawimawhin ka hria. Minor Irrigation annih mek leh Medium annih hi nasa takin a facility hi an system kha a deang dawn chuang chuan kan thenawm State, Nagaland te leh Meghalaya te a hrangin an awm vek tawh a, chu chu kan ram tan a pawimawhin ka hria a, chutianga an lo awm chuan hetah Soil Department ah te, Horti Department ah te hna tam tak hi Minor Irrigation hnuaiah hian lutin effective zawk leh mipuite tana tangkai zawkin hna an thawk theih ang tih ka beisei a. Chulai chu kan sawi leh duh a.

Tin, Demand 32 na hi kan ram ei leh bara kan intodelhna leh mi harsa zawk tena kan nitin eitur kan va thar chhuah mai theihna Department a ni a, a pawimawh em em mai a. Amaherawhchu, kan en thina ka bial lamah hian a awm ve manglo reng reng a, kum engemaw ti kalta kha han sawi tehchiam tur ka hre lo nachungin T.M. Technology Mission hnuaia Central ina pawisa an rawn pek kan State expenditure a lut lo, check cheque a lokala department ina an draw a, an duh duha an tihlai hi chu kan

Minister hian a en uluk hle a thain ka hria, hetah hian titi a tam hle a ni. A ram pumah hian ti ti atam hle a ni tih hi he House ah hian ka sawi duh a. Tin, Horti ah mai hian a ni lova. Central atanga fund lokal kan State ina kan hriatpui lemloh ang chi, V.C. kan pek a State anga kan pek nilo, a Department anga pek maiah hian corruption hi a inrawlh nasa em em a ni. Chu chu BJP system ka ti mai a. BJP sorkar-in State thenkhata chak an tumna leh State thenkhata Congress hneh an tumna a an hmanrua a ni a, kan State ah mai hian a ni lova. Arunachal te kha kan hria a, Nagaland-te kan hria a. Nagaland khawpui cheina atan khan 80 crore MLA thlan dawn hnaiah an han pe mai te kha. Corruption lian lutuk ram chhiatna khawp leh inthlan pawh inumal lo khawpin an ramah hman a ni a. Chutiang chuan kan ramah pawh hian nimirah kan Chief Minister zahawm tak khan Gap-Grant chungchang a sawi a. Inthlan dawn thla a, kan ramin gap-grant 51 crore kan han hmu maite pawh kha. Opposition party tan chuan rapthlak tak a ni. Khatih lai kha a hun riau a ni mai thei a. Chutiang ang chuan BJP Centrala an sorkar lai khan nasa takin North East ah hian kan department kan sorkar Planning Department te, Finance Department te kaltlang lo hian pawisa a rawn theh a, chu chuan North East hi nasa takin tunah hian min tichhia a ni tih he House zahawm takah hian ka sawi duh a. Chuvang chuan vawiinnia kan Minister zahawm tak tak demand rawn pharh tute pawh hi an department theuh hi an enchian loh chuan, vawiinniah hian kan sorkar mipuiin an hmuh dan hi a eng vak lo a ni. Keini Opposition Party a member ni ve te pawh hi kan tel vek a. Nakinah chuan sorkar a la inthlak dawn a, sorkar dang dang pawh a lo piang ang a. Mizo mipuiin sorkar neitu Ministry leh kan Officer te an rin tawh loh chuan kan ramah hian harsatna engemaw a lo thlang ang tih ka hlau a. Chuvang chuan, Horticulture pawh nilo Central atanga fund lokal hi tun aia kan sorkar hian uluk zawka a enchian hrim hrim hi a thain ka hria a.

Tichuan, Pu Speaker, hun a tlem em avangin Demand 17 na Food and Civil Supplies ah hian ka han lut leh duh a. A hmasa bera ka han sawi duh chu, tun hmaa Mizo mipui tena kan hriat ngai loh awm pawha kan inhriat ngai loh BPL chungchangah hian han sawi duh ka neih chu sawi tur a tam hle mai. Hei BPL family te an rawn up ve hma chuan Mizo mipui te chuan khaw eng kan hmu rual dawn lo a ni. Civil Supplies in Buhfai a enkawl dan te leh Rural Development atang te leh hmun hrang hrang a pek danah hian enfiah a ngai a ni. BPL buhfai chu khawthlangah chuan Rengdil ah kan phur khawm tawp mai a ni. Khaw pakhat V.C. chu BPL chutih zahin hmu thei e an rawn ti a. A phurhna tur kha sorkarin

a pe reng reng lo a ni. Ka bial anghah te, Bunghmun te Serhlun te etc. te chuan Rengdil kudama an va lakna tur kha an ngaihtuah a ngai a ni. Chuvangin V.C thiah tamna ber pawh hi chu tak chuan kan Store keeper in 40 a thlang tlat a ni. Tichuan Aizawla kan Duistrict Supply Officer atanga chhuaka 196 Kawrtethawveng ? mipuiin BPL an hmuh chu Store keeper khan 140 a thlan tir tlat a ni. AAY 80 turah 20 a thlan tir bawk a. A MNF party leh a V.C. kan inbeihna lamah khu number diklo chu kan han luhchilh ta a. Kan Store keeper khan AAY 80 turah 20 a thlan tir bak 60 kha hming phuah chawpin Kawrtethawveng MNF Unit tena an thlanna Seal an chhutna hnuaiyah chuan a lo ziah belh vak mai a. Chutiang chiah chuan BPL ah pawh 290 thlan turah khan 140 a thlan tir a. A dang zawng a lo ziah belh leh a ni. Tichuan, a BPL family te ta tur a lo eiruknasat zia tur kha kan va hmuchhuak ta a. Nikum lama BPL ka biälchhunga an dawn zawng zawng kan zawtchhuak a, lakchhuah kan tum a. Office atang khan min pechhuak duh miah lo. Nikum hmasa lamah pawh an lo ti nasa tawh aniang tih kan ring ta a. Vawiinni thleng hian chu number inmillo avang chuan BPL family ten BPL buhfai an la khul thei ta lova. Pu Speaker, hei hi a serious em em a ni. Kawrtethawveng khuah he department hian an tihduh anih chuan khawdang tam takah an ti ang tih hi ka ring tlat. Chuvangin, he sorkar leh he Department hi rualbanlote aia tlema changkang deuh a ni. A chhan chu rualbanlote chanpual tur hi he Department hian Apurno an ti emawni, chumi aia kang hret chumite eitur pawh an eiduh anih chuan a rapthlak lutuk tawh a ni. Chutiang sorkar hnuaiyah chuan Mizo mipui hi kan awm a ni. Chu chu pawimawh ka ti em em a.

Contract lian pui puite chu kan sawi ve phak a awm tawh lo. Kan biala contract thawktur pawh kan sawi ve phak a awm tawh lo. MNF nih loh chuan engmah a awm lo. Mahse, hetiang em ema mi harsate then hi chu Pathian leh kan ram tan kan tih thin kha tunah hian ngaihtuah let a hunin ka hria a ni. Chu chu thil Chiang tak, a document zawng zawng hi vawiinah hun a tlem avangin kan sawi vek seng lovang a, kan Officer, tunhmaa hun rei tak supply enkawltu hming sign lem te hian order a chhuak a ni tih hi kan fiah Chiang em em a. Chu chu entirnan khaw pakhat ka sawi mai a nia. Chutiang chu tam tak a awm ang tih ka ring a ni. A chhan chu khatianga man chian anih tawh chuan, helam atanga order a awm anih loh chuan kan Store Keeper te pawh suspend awm tak a ni a. Khatianga ang eiru kha nimina mi ai khan a case kha, a pawisa kha a tlem zawk deuh anih pawhin a serious zawk. Tichuan, vawiinniah hian he Department atang hian Zokhua in Chini kan dawng ve tawh ang a. (SPEAKER : I hun a tawp tawh a nia)

Tawite chauh Pu Speaker, Sports Department ah kan member zahawm tak Pu Ziran a rawn sawi kha kan sawi ve ang a. Khatiang kha kan Sport Minister te kan awmdan anih mek lai khan MLA te hian football 10 kan bialte tana an sem tur min pe a. Volley ball 5 min pek vawikhatna anih avangin a lawmawm tho tho, net pahnih nen kan bialte ah kan han sem ve dawn a, hei aia luangchhuak deuh, kan thalaite tana infiamna tur hmanrua tha deuh, a thlawna an dawn theih tur ang chi hi rawn ngaihtuah chhuak sela. Kan thalai ten hnianghnar deuha football an khelh a, volley ball an ben ve theih nan a lawmawm ang tih ka sawi duh a ni. Pu Speaker, ka lawm e.

SPEAKER

: Tunge sawi leh ang. Pu Lal-duhoma, Group Leader a ni a, minute 12 aia tam deuh, minute 15 i pe ang aw.

PU LALDUHOMA

: Pu Speaker, ka lawm e. Ka sawi tur hi kan House Leader hian min ngaihtlak sak se ka duh hle a, a awmlo hi a pawika ti hle a ni.

Vawiina kan Demand han sawi tur hi a amount tam lamah te, a hman dan tur ruahmanna lamah te hian ngaihtuahna ka zuk seng vak lova. Ka rilru kha lam khan a khawih em em lova. Amaherawhchu, a tlem emaw, a tam emaw, heng sum ruahman te hi a nih tur angin an ni ang em? A thlen tur hmun a thleng dik ang em tih laia hi a pawimawh zawk a. Chulam pang chu a pawimawh ber nia ka hriat avangin han sawi ka tum a ni.

A hmasain, Sericulture Department lamah kan lut phawt ang a. Kan Chief Minister khan Budget Session hmasaah khan, Sericulture hnuia pangngang khawi a eizawna nei chhungkua kan ramah mi 5000 vel an awm tawh thu leh kum 5 chhung a a let an nih theih mai tur thu a sawi a, a lawmawm hle a. Sericulture hi chhungkua engemaw zat eizawna nghelnghet neia kan siam theihna remchang, kan ram malsawmna tur pakhat a ni tih hi kan pawm theuhin ka ring a.

Tin, kan Minister zahawm tak, he Department changtu pawh hi a tui hlein ka hria a a lawmawm ka ti a. A tui hle lain a enkawl Department a thil a kal fel si loh zia hi kan hriat angte hi a hre ve tawh ang em an tih ka ngaihtuah a. Min lo chhinchhiah sak ngun hle se ka duh a ni. He Department enkawl nan hian fund hi Central Silk Board atangin tam tham tak a lokal reng mai a. Tin, SYSY atangte pawhin a lokal bawka a. Catalytic Development Programme hi Programme pui ber a ni a. Thil dang tam tak sum hmanna hlawm lian zawk te ka sawi hman dawn lova. Mipui ipite a lut chi a tlem zawk mah ni si, a kaldik loh nasatzia sawi ka tum a ni. Chutiang bawka diklo chuan tuna kan sawi mek cheng vaibelchhia hi kan pass leh tur mek hi a kal ral leh ang tih hi ka hlau em em a ni.

Dik takin hetiang hi kan Minister pawh hian a la hrechiang lo a nih ka ring hial a, vawiinni atang erawh chuanin heng ka thusawi zawng zawng proof na evidence, document pawh a hman tangkai dawn phawt chuan ka pe thei vek a ni. Hemi CDP hnuaia CSB lokal, mipuite hnena thleng chi hi Muga te, Eri te, maintenance cost tih vela Imaintenance cost tih vela senso atan an ni ber mai a. Kung khat zelah cheng chuti zat tiin tam tak siam a ni a. Tin, development cost an pe bawka a. Tam tak sem a ni leh a. Tin, training-na atana senso te, Mobile farmer training tih te, stipend atan te tam tak a kalral leh a, Tool kit pekna te nen. Tin, Rearing House sakna tur rangva te leh hmanraw dangte pek an ni bawka a. Water Supply, irrigation-ah, Tuikhur siamna tur te, R.C.C. Reservoir angte Harvesting Dam tih te, leh thil dang neuh neuh hetiang ang chi hi kum engemaw zat chhung Departmentin a lo tihchinpen dan hi chiang takin, rin thu nilovin ka hria a. Heng project te hi he Department a an hotu lawk pahnih chauh kutah kum tam tak chhung a awm char char mai a ni. An hnuaia an hote hian hriat pawh an hriat pui pha lo reng reng. Chu mai a ni lo, MASCOS kan tih Cooperative Society ram pum huapa ding pawh hian engmah a hriatpui lo. Direct-in C.S.D nen an indawr char char a, direct-in anmahnin farmers an dawr bawka a. A tel ve tur DSO te, E.O. te leh field a thawkte hi an bangbo em em a ni. Tichuan tuna ka han sawi ang chi mipui hnena pek tur ka han sawi ang chi kha, a list of beneficiaries tam tak tunah hian ka nei a, ken pawh ka rawn keng a. Chung document thenkhat te chu han en mai pawhin mipakhat signature vek a ni tih hi a chiang em em a ni. A tak tak a ni lovin, a hmung putute hian an dawng tak tak lova, anmahnin an sign tak tak bawka hek lo. APR a awm a, Actual payee Receipt tam tak tunah hian ka kawla bawka a. Entir nan, Lala, Champhai khua tia an

ziak khan a chan tura kha a chang tak tak lova, a sign bawk lo tih kha, layman tan pawh han en mai hian a hriat theih reng a ni.

Vawiinniah vaibelchhe li lai mai kan han nei leh te hi a lawmawm lai hian hetiang bawka a kal ral leh chuan engtingge lo neihte bansan a eizawna ngheta an kalna tur kawng tha em em mai hi kan tihlawhtlin theih ang? Beidawna ruamah kan lut leh mai dawn tih hi a chiang em em a ni.

Tin, Utilisation certificate an thehluh te pawh anih ang angin engemaw zat ka nei a, heng utilisation certificate an pekna te pawh hi tunhnai amite pawh anni hlawm a, heng te hi hmuh tur a awm ngei em a takin an ti ngei em tih a hmuna kal a fiah mai theih vek a ni. Chutiang bawkin Beneficiary list te pawh hi an khaah kalin, an dawn leh dawn loh anmahni zawh a chiang mai thei vek a ni.

Heng APP, APR kan han tihte actual pay receipt-te pawh hi a concern DSO ten an sign ve te pawh a ngai a, Pu Speaker, ka hriat hi a dik ka ring a, an khawih miah loh leh an hriatpui ve miah lohah an signature hi pek luihtir anni fo thin. Chuvangin, he department a a khawih tak tak tur DSO te leh an hnuaia mite hi an phur tawh lo, pawisa an dawn tam poh leh an tan chuan a hrehawm ting mai a ni. Han chhui tak tak deawn ila, 'He pa tih hi alawm, hei a sign alawm' tih theih turin an signature an pek luihtir tlat si a ni. Hetianga in sign luihtir hi an tawk zing hle nia hriat a ni. Hemi avanga kan rama chhungkua 5000 vel inngahna anih tur ang ni si lova awm mek hi a lungchhiat thlak takzetin ka hria a, vawini atang chuan he kan neih leh tur fund te hi dik taka a kal theihna turin kan Minister hian, a tul phawt chuan Phungbawmah te pawh min han sawm ve sela, amah tanpui tur hian kan inhawng a ni tih hi ka sawi duh a nui.

Tin, MASCOS ho hian theihtawp tih an duh a, an hnuaiah Primary level ah hian in register tawh Cooperative Society 30 vel a awm bawk a. MASCO hian an member te Cocoon an lei sak a, chumi atan chuan Revolving fund nuai 15 te chiah hi pek an la ni. Hei pawh hi a kimin pek an ni lo lehngal a, a kima dawn anga ziah a ni si. Hei aia tam pek hi an phu a ni. Tin, MASCOS hi a taka engkim titu leh hrechiang tute annih avangin, beneficiaries thlan chungchangah te thil kal dik leh dik loh te, dawn tur ang dawn kim leh kim loh chungchangah te hian tun aia hman tangkai deuh hlek dan hi awm thei selangin a lawmawm hlein ka ring bawk.

Tuna thil kal dan atanga thlirin budget kan pass leh tur hi dik leh zuala a kal theihna turin enfiah ngaite enfiah a, chhui ngai te chhui a, a tul anga action lain, tun hnuah dik takin kal tawh rawh se tih han sawi duh chu a ni e.

A dawt lehhah chuan Food & Civil Supplies chungchangah nichina ka hmaa member zahawm tak sawituina a sawi ang deuh khan BPL siam dan chungchangah te IAY siam danah te, party inhnamhnawih dante chu sawi ninawm khawpa tlang hriat a ni tawh a. Amaherawhchu, chutianga list an siam sa pawh la tih danglam lehzal hi chu a lutuk deuh a, chutiang Ruallung chhuan thleng chu han sawi ka duh a ni. Tuna BPL list chhuak hnuhnung ber an hman tanah hian an VCP ber mai khi BPL list-ah a chuang vung mai a ni. A guideline nen a inang lo lutuk. Tin, Sl. No. 55 na F.Lalfakawma S/o F.Lalmalsawma tih chu 'F' an chhawk chhia a 'C' in an thlak thleng a, a pahming pawh C.Ngurdanga daih a ni. Chu chu BPL ah khan a dik tak chawk chhiain chupa chu an lak tir ta zawk a ni. Chu chu Director leh DCSP te pawh hian an hria a, Inspector pawhin a hria. VC ho pawhin an pha lo, an tidik lo tin hi an pawm vek a ni. Chu chu theih tawpa kar inrawlh vang a ni. Chu mai a ni lova, tunah hian khatianga tih dik tum tute kha a Retailer-in a la vau zai leh ta nghal a. MNF Unit hruaitute leh Retailer leh VC te tang tlangin heng BPL card a beneficiary tena an kawh vek tur kha sem duh lovin, officialte thu awih lovin an kal lui a. Kan officialte chuan theih tawp an chhuah a, Ka fak khawp mai, theihtawp an chhuah tak zet a ni. Officialte hriat phak lovah, an haw hnuah MNF party Unit hruaitute leh VC leh Retailer te khanin an duh danin an lo kalpui lui leh mai thin al. Tuna BPL Serial No. 28 na Chawimawia tih hi vawiinni thleng hian Pu Speaker, tukin zing thleng khan card an la pe duh lo. Serial No. 52 na pawh hi an la pe duh lo, K.Lalmawia a ni. Sl. No. 59 naah Lalngheta pawh an la pe duh lo. Sl.No. 61 Zorama pawh an la pe duh lo. Hengte hi hmanni kha chuan Ruling Party ah an awm a, dawng tlak nia ngai khan an recommend ve a. List a lochhuah hunah chuan ZNP an lo ni hman tawh si a. Hmanni lawkah kan han lawm lut a ni a. Chuvang chuan thaichhiat an tum ta ringawt a. Hetiang tur hi emni dawn? Hetiang politic chhia, grass root level atanga in hmelmakna thlen thin hi a thlen kan phal dawn anih chuan engtikawng mahin thangtharte tan kan ram hi ram nuamah kan hnutchhiah ngai lo ang.

Tin, Serial No. 56 na Chawndenga hi card chu an pe ve hman a, a buhfai lak an phal lo thung a ni. A chanai tur midang an pe tho tho khatiang tibo tur khan kan official te hian theihtawp an chhuah a; a dik turah pawh an ngai a, ngaihtha taka awm tur pawhin min hrilh a. Mahse, an thu an zawm duh chuang miah lo. Khatiang Retailer leh VC chungah khan action lak ngei nise, a nih loh chuan Aizawl lama an pute mitmei an hmu a an huangtau em em ah kan ngai lo thei lo ang. An mit me i an hmulo anih chuan helai a hotu tha pui puite hi hming chhe tu anni a. Unit level a an mi leh sa te pawh hi control deuh te se. Ruling Party annih chuan a lion share chu an chang tur a ni, 'ka bialah pawh an chantur a ni a, thik suh u' ka ti thin. Mahse, heti lutuk a invulh bing leh document thleng thlenga tihchingpen te hi chu case ah pawh lak theih a ni a. Heng hi thu tenau angin lang mahsela, a tuartu tan hian lian tak ni si hi a nih avangin he House ah hial sawichhuah a ngai ta hi a pawh khawp mai. Kan Minister in a chin fel thuai ka beisei.

Tin, Relief & Rehabilitation chungchangah kuminah thli leh rial kan tuar nasa a, ka bial khi a tuar nasa ber pawl kan ni. Miin in a nei tawh lova, silpauline pawh a nei lova, ruahsur hnuaiah a trawm a, chaw a chhum a chumi atan a silpauline takngial pawh kan pe thei lo hi, hriatthiam har ka ti a ni. In zahnih vel khua atana Silpauline 8 lek han pekte hi Satahchhuak pek pawh a tluk zo lo, a bung an chan chuan an lawm fe a ni. Tin, a tanpuina Central a dil chawp ngai te leh dawng tura pakhat then engemaw zat nghah ngaia insiam te, Rangva te pawh an dawn tur ang zat dawng phal lova, a daih zaih zawnga a bundle te te a an insem leh chhawng te hi an khawngaihthlak takmeuh a ni.. Chhiatna tawh leh zel thei kan nih avangin hei aia thahnem deuh hi Budget ah dahin sorkar hi lo inbuatsaih lawk tawh sela, a supply lamah ringawt hian tui lo ila, tunah pawh kan silpauline supply tute hi tu emaw ta anni tlat mai, mawi lo lutuk hi chu i ti lo hram hram ang u.

Vety. Department ah hian Vaimim leh Bekang herna khawl kan nei a. Department enkawl na hnuaiah tho a awm a. Kan Chief Minister zahawm takin a hawn niah chuan privatization a zuk sawimawi chiam mai. Mahse, privatise ani chuang lova. Vaimim leh Bekang ching a, settle theih tam tak kan neih chhung hian awmzia a la nei chuang lo a ni. Awmze neia mipui a nghawng theih nan, kuthnathawktuten, kuminah hei hi ka ti ang a, cheng chuti zat chu ka hmuchhuak ang a. Kum tawpah chuan In ka sa tha ve thei dawn, tih hisap an neih theihna tura chiang hian kan mipuite hi hma i lak pui tawh teh ang u.

Tourism chungchangah kan Governor Speech ah khan : "Sakawrdaiah Tourist Lodge sak thuai a ni ang", a ti a. Hei tunah kum a ral dawn tawh a, a tak hmuh tur awm si lovin. Financial year a liam mai dawn, a liam hma hian Sakawrdai Tourist lodge Governor ngeiin a sawi kha a taka a chan theihna tur a tan la turin sorkar ka phut a ni.

A tawp nan- Agriculture, Horticulture, tih velah hian Minister tui tak kan nei hi lawmawm ka ti a. Amaherawhchu, Kel dai an han lei vak mai khan kan sorkar hian kel vulh Project liam tak a siam dawn emaw ka lo ti a, kel lam ni lovin a dai lamah kan kal leh tha vak thung a, hetiang thil tul lo, mamawh loh supply vak vak hi ching tawh lo sela sum waste na a ni. Kan mamawh ngawih ngawih thlai chi kan indaih loh Anthurium te leh thildang tam tak, heng a tak taka mipuiten an mamawh kan dil luai luai ang hi indaih zan zawka a kal theihna turin Minister ten hma rawn la hram hram se, tih hi kan sawi duh bawk a. Chutiang zawnga kan kal chuanin vawiinnia kan budget hi a tlem emaw a tam emaw a tha a ni mai, ka lawm e.

PU LALHMINGTHANGA : Pu Speaker, tlawmngaih a tha, in hman dawn hmel a, point thenkhat khat han sawi ve ka duh a, tuna Demand kan sawi tura hi department 15 a ni a. Amaherawhchu, kan hun neih kha minute khat zel department 1 atan kan hmang thei emaw tawk a ni ta a. Chuvang chuan hmanhmawh taka sawi a ngai a, sawi diat diat kan tum ang a, ngaihawh lai laite hemi kan budget provision hrim hrim ah hi chuanin demand hrang hranga pawisa hman tur kan dah hi tha taka hman nise. Tin, kan ramin a thatphah tham zel hi kan dah tawhin a lang a, heng ka la hriat reng chu 1978 ah khan a hmingin Finance Minister thawk turin min han lak luh khan kan plan size kha kum khat atan crore 19 chauh a ni a, khang hman khanin department hrang hrang kha kan lo enkawl chho ve mup mup thin a, tunah hi chuan Minister pakhatin a demand ah hianin cheng vaibelchhe 50, vaibelchhe 90 te a ni nuk tawh mai a, chuvang chuan a pawisa lamah hianin kan duh thawh viau nachungin kan disposal a awm ho reng reng a hi mipuite kawkan ran leh a tih tur kawk rana a chhungril a eirukna hi leh eng emaw thil tullo lehna leh sum siamna awm lo selang chuan tuna kan budget

provision te hi chu that phah tham ni tawhin a lang a, a tlangpuiin detail nimahsela a detail tin a kan Minister ten min tum pui atana kan sawi lan duh chu a ni.

Demand No. 42 na Relief & Rehabilitation chungchangah hian Mizoram ah hian Silpauline hi kan lo hmang tangkai phian mai a, tuna kan kal hmangah hi chuan khua a chhiat a ruah a sur a inhmun min tur khuhnante kan hmang a. Mahse, heng bakah hian lonei mite pawhin an bh bal singsak nante leh tin, chhiat tawkin inchung aia han hman a tangkai taka purpose tha taka hman theih a ni hlawm a, chuvangchuan, tuna kan sem dan a hi a tum hi tih zau deuh niselang a thain ka ring a. Tin, a department lam hian an theih ang chuan an ti thin a. Mahse, a chung sang lam atangin nge ka hre lova a sem dan hi a rual tawk lo hle a, Minister note hrang hranga Minister incharge ni chuang lovin a lut tam a, party tan hian 70% chuang a kal a. Tin, keini MLA ngei pawh hian kuminah hian kei pakhat chiah ka la dawng a, kan Minister hnenah hian ka sawi tawh a, mahse, engmah a ni chuang lova, heng hi sem dan rual sela a tha a.

Tin, Animal Husbandry-ah hian hma kan sawn viau a, a lawmawm a, Mahse, kan sawi leh thin hi kan Minister hian huatthuah lo la lo sela, a Minister lampang va khenna nilovin Scheme tha lem lo Model Pig Village han tih ang han sawi a lian pui expenditure tam tak si kan House Leader pawhin a sawi uar em em thin, mahse, han tih chhoh a production awm thei silo heng ang hotu hi chu enchian a tih tawp a, a dang tangkai zawk tur Mizo ina kan tih thiam zawng kha, a technic tepawh hi kalpui ni ta selangin.

Tin, Hill Cattle hi Mizoramah hian a tha duh em em a hmun tam takah a vulh a awlsam riau a, heng Sial farm te kan siam ai hianin a hlawhtling thei zawkin a rinawm a. A awlsam riauna chu anmahni a ran rual hi an intodelh a, Khasi ramah te pawh khuan Project lian takah an hmang a Bhoi area ah te khuan mimal hnenah breeding tipunga chutianga a hnute sawr lem lova a sa supply atan an kalpui a. Tiang zawng te hian kalpui ta ila Bawngsa kan lakluh a pawisa kal chhuak a hi Mizoramah hian a nasa em em mai a. Khami kha keimahni leh keimahniah employment kan generate a, tin, revenue kha kalchhuak lova kan siam theih bawk chuan hei hi kan thatpui theih tur pakhat a niin a lang a ni.

Tah hian transport hi a No. hi an ziaak sual a ni mai thei a. Tah hian Public carrier te tana insurance tih hi, tih awlsam dan deuh leh a insurance company ho tangrualin a entirnan 3rd Party a min an va insure te a rate, engeni an inlak sak duh lova, pakhat ami kha pakhat ah transfer theih loh an tih ang te hian Public carrier neitu ho hi a ti harsa em em mai a, ka hriatsual loh chuan insurance ho company hi Aizawl ah Mizoram ah hian 5 velin an operate a, khatah klian 3rd party te chu a dik chiah chfuanin sum hmuhna tura tih chiah kha a ni a, insurance va ti tute khanin claim pawh an va nei hran hlei thei lova. Heng hi chu modrate taka public carrier hote pawn an tih chhoh theih tur hian amount leh a terms te pawh hi siam ni ta selangin a tha awm hlein alang a. Chuvang chuan heng lai te hi kan Minister te hian min lo tihsak seng a lawmawm ngawt ang.

Tin, demand No. 14 na Law & Judicial hi, hei kan sawina a rei tawh a, separation of Judiciary tih vawiin thleng hian la tih belh loh a ni ta a. Hei hi hma chak deuh hlekin a lak theih lawm ni? rorelna dik hi mipui te chanvo humhalhna a ni. tuna kan kalhmang ang hi chuanin Judiciary he separation a awm loh avangin executive kutah engemaw chen zuk influence theihna Loop hole a awm tlat lmai a, chuvang chuanin midang te kpawn an tih tawh hnuah keini hianin tunah chuan mithiam tepawh kan lo indaih chho ta a Hei hi tihthfuai a tha lom ni tiin kan sawi duh a ni.

Tin, Parliamentary Affairs Dedmand 12 naah hian kan va khawih chiah nge chiah lo ka hre ta lova. MDC family pehnsion chungchang thu hi han sawi lang zawk ilangin. He pathum vel kan MDC thinte Pu Ralzatawna H/o Pi Lalchhungi a ni a, Thenzawl a awm a ni a. Hei hi la hmu lo a ni a, Pu Lalchungnunga kan mi hmasa, School Inspector hmasa Board President a boral ta kha a nupui hi Pi Sangsiami a ni a, Mc Donald Hill ah an awm a, hei hian a la hmu lo bawk a. Tin, Pi Hmingliani, kan hruaitu zingah pawh milar tak ni thin Pu R.Thanhlira thiannu hian ala hmulo bawk a. Pension dang An hmu tho alawm ti a, helai hi pek loh te pawh an lo ni maithei a. Mahse, Rules khan kha kha a khap chiahin a lang si lova, hei hi khawngaihtaktin kan Parliamentary Affairs Minister hianin a theih chuanin min lo ensak selangin kan ngen duh a ni.

Tin, Agriculture leh Horticulture hi Mizoram tan chuanin Pathianin kan ram a din dan hmangah kan inhnangfak na tur leh hei hi a bulpui ber tur a ni hrim hrim tih hi a

lang a. Tin, hetiang ang Agriculture Science leh Horticulture Science te kan thfiam hma pawhin kan pi leh pu atang te a kan lo hnathawh ber leh kan ram leilung leh sik leh sa in a ken a ni a. Tuna kan kaldan hi re-orientation tunaia nasa hian siam ni ta selangin, kan tlangramte hi a dik chiah chduanin kan tidanglam thei dawn lova a pianhmang chu tuman kan tidanglam thei lo mahse hetiang tlangramah hian hmundangah chuan method tha zawk hmangin, entirnan Phillipines ramah te leh keimahni tlangram mi ang ve deuh hlekin khawsa ho a te hian sloping Agriculture Land technic hmangte hian hemi shigting cultivation tih ban a a ram leilung zau lam khan Production tha zawk aneih theihna tur atan an hlawhtling em em a ni a. Heng ang technic te hi tun aia nasa zawka lakluh a, mipuite pawh hi zirtir a, chuti zawnga kaihhruai chu niselangin a thain ka ring a. Hemi pahnih hi kan Planning Board te pawh hianin hun lokal turah hianin Mizoram Development atan chuanin a main trust ah hman theih ni nghe nghe seng. Chu chuan a mipui pawh min khawih kim a. Hetah hian revenue kan va siam teuh thei lo anih pawn self sufficiency, sustainable occupation chhungkaw hrang hrang kan pek theihna awm zing a mi a lianber pahnih an ni tih a lang Chiang a. Kha kha min lo ngaih pawimawh sak turin kan sawi duh baw k a.

Tin, nikum lamah khan Sawh-thing man tlema a tlakhniam deuh avang khan subsidy kg. khatah Rs. 1 pek turin sorkarin order kha a siam a ni a. Tichuan registered buyer te hnenah kha kha pek chhoh tur a ni a. Buying point ah khan Rs 5/- a lei sak an ni a. Hei hi tun thlenga la hmuh loh niin a lang a. Chuvang chuan Agriculture lampang bawhzui tur hi niah kan ngai a. Horticulture lam emaw hian. Tichuan, a remchang ang anga kha kha bawhzui chak a nikum lama record atang khan he subsidy hi price subsidy hi pek niseng kan ngen duh baw k a ni.

Tin, a dawt lelah chuan Sericulture hi ka hmaah khan kan Group Leader ZNP khan chipchiar takin a rawn sawi tawh a. Kei kan sawi ve leh duh chu khami suport zawng kha a ni tho mai a. Ka sawi duha hi a chhungril a thil kalhmang dik leh diklo ka hre tam lo. Amaherawhchu, Sericulture ah hian kan ram hian prospect a nei tha em em a. Horticulture leh Agriculture piah lamah hei hi a thar rang a. Mizote hi hlawkna hmuh duh thuai thuai hnam rilru hmanhmawh kan ni a. Chumi kan rilru kalhmang nena inmil tak mai a ni. Tin, a ram leilung leh sik leh sa a hi hetiang ang tihna tur atan a theihmu te, mutih te, Nauthakpui te leh a pangang chaw tur kan ti mai ang a. Tin, Kasar chutiang ang ho reng reng a bul tum na a chaw tur thing a that theihna em em hmun anih avang hian hetah hian uluk taka

sorkarin Plan a siam a. Tin, a plan siam a pawh kha Master Plan zawng pawhin beih ni ta selangin. Tichuan thingtlang kut hnathawktu tam tak hian sustainable economy an rawn nei chho thei dawn a. Hei hi a provision ah pawh hian tun aia tam eduh zawk pek tha viauin ka hria a. Horticulture leh Agriculture te kan han en hi chuanin a budget provision hi a tam tawh hle a. Hetiang deuhn hlek hian Sericulture hi minor department lutukah dah tawh lovin tihlen zai rel ilangin, tichuan a natoation, a pawisa kan va invest a, chutah a hlep a rawn tih leh chhung hi an ni a rei lova, kha kha kan psychology nen a inmil tak a nih avangin uar leh zual ni sela.

Tin, Silk board atang hian tun aia nasa zawk pawhin infrastructures siamna tur te, grower ho leh rearer hna titu ho incentive tur te hi scheme la hai chhuah theih awmin a lang a, chungte chu hai chhuah tam nise. Kan sawi lan duh mai mai chu Japanese visitor te pawhin official leh non-official te kan nei ve zauh zauh a kan ramah hian. Anni pawh hian thui tak an lokal tawh a, encouragement lnasa tak min pe thin a. Japan ho in a war indemnity second world war a an pekchhoh dawn a an economic dinhmun tla chhe em em an khai chhuah lehna pawh kha Silk Farming an siam leh Silk production atangte in a ni tih hria ila, chu chu tun ai hian uar ila a tha ang e.

Tin, Tourism hi demand No. 43 na Tourist hi kan hmu tam ve ta deuh tawlh tawlh a. tin, a lodge te leh rest house te wide side restaurant te keini pawhin kan siam chho va, a pawl lai ber hi chu a employees ho hi MR vek a employ an ni a, a then tam tak hi chu henga a nghaktu leh post hrang hrang vuan ve te hi MR an ni a, an kumte hi a over dawn a, chuvangin kan sorkar hian heng employees te hi regular appointment pe selangin a theih chin chin chu a tha lawm ni tih ka sawilang duh a.

Tin, Sport & Youth Services hi a provision en hian a tlem deuh hlek a. Kan thalaite tun dinhmunah hian sualin min run nasa em em a Kristian ram kan nihna te pawh hi tichhe turin thlarau sual lampang hian hna a thawk em mawni tih mai turin kum eng angemaw kalta atang kha chuan drugs te a lo hluar a, drugs ah pawh thil chi hrang hrang. Tin, kan awmna a geographical location hi hei an sawi thin angin khawchhak lam golden triangle an tih atanga No. 4 leh heng ruihtheih thil khawthlang lam pana a kalnain a a paltlang a lo ni ta a. Chumi bakah hemi Silchar lam atanga Proxivon ni chiah silo ruihtheih thil proxivon siamchawp company chhuak ni silo rawn lut hian

in min khawihchhe nasa em em a ni. Tichuan, kumtina heta hoh zat te leh vawiina la hloh kher lo pawha a vei mek te ang te hi chhung-tinah hian a nasa em em a. Heng hi a dona tur atan chuan kan Kohhran te leh tlawmngai pawl ten nasa takin tan an la a. Tin, Central lam atangin Ministry of Social Justice atangte in De-addiction Centre te thil chi hrang hrang an rawn buatsaih a. Amaherawhchu, hei hi a tawk lohle mai a ni. Hetah hian a vei tawhte zuk buaipui ai khan kan thalai khata la penlut lote kan venhim hi kan tihtur a ni a. Tah tak chuan Sports and Youth Services hianin pawimawhna lian tak a nei a. Pu Speaker, minute khat chauh, ka sawi laklawh deuh a. Tichuan, kan venhim theihna tur atan Sports & Youth Services ah hian infrustructure kan mamawh em em a ni. Thawh khat lai kha hemi State level a International standard a Sports Complex siam thu te kha kan sorkar khan a sawi ri a kan House Leader ngei pawhin a sawi ri a. Kan thilung ah kha kha tak takin lo thleng se kan ti em em a.

Tin, kan sports theite leh heng National level ah te International level ah te events leh Item hrang hrang a hmingtha rawn kengchhuak tute leh merit a rawn kalchhote phei hi chu insentive hi tun aia tha zawkin cast insentive leh a dangte pawhpek ni ta selangin. Tin, hei lamlian hi kan nula leh tlangval te hian football practice nante an hmang tauh tauh mai han en hi chuanin kan mamawh hi a Chiang a Recreation Centre te thlengin chung chu tun aia chak zawkin provision pawh tam zawka siamin a hma theih lawm ni tih kha kan Minister zahawm tak pawh kan ngen duh a ni e. Pu Speaker, ka lawm e.

SPEAKER

Awle, hei minute 5 a la awm a, mipakhat in kan sawi leh anga, hun pangngai pel hlekin kan sawi ang nge, kan chawl rih mai dawn em ni. Sitting adjourned dar 2:00 ah kan lut leh ang.

S P E A K E R

Kan Discussion kan chhonzawm lehngal ang a, chawhma lamah mi pali-in an sawi a, tunge sawi ve leh ang aw, helam hi sawitir ve ang u hmiang, Pu D. Thangliana.

P U D. THANGLIANA

Pu Speaker, Ka lawm e. hei kumin-ah Mizoram kum tawp lampangah Budget Session panggai nci theiin hun kan han hmang thei a, a lawmawm hle a, wawin ni ah kan Minister te pali chanpual demand kan sawiho dawn a, chumi hma a kan sawi duh a chu, hei M.N.F. Sorkar hi kan vannai hle in ka hria a, Central ah N.D.A. a Sorkar lai khan N.D.A. ho in a an duhsakna Mizoram in kan dawng nasa a, kan ramah a thawktute n an thawk tha bawk a, hmasawna tam tak hmuh tur an awm a, tunah U.P.A Sorkar Congress kaihhruai Sorkar an ding chho ve leh a, hei pawh hian Mizoram hmasawna tur atana bul min tansakna sum tam tak wawin ni ah hian minrawn pe leh ta hi a lawmawm hle in ka hria a, M.N.F. Sorkar hi Central khuan an duhsak hrim hrim emaw tih tur khawpin sum leh pai ah te pawh hian min duhsak a, a lawmawm a, a chhan a chu he State Sorkar M.N.F. Chief Minister Pu Zoramthanga kaihhruai hian ram leh hnam hmangaihna thilung pu in, ram hmasawna tur atan budget te hi a buatsaih a, chutianga a buatsaih ang taka hman anih avang chuan duhsak tlak ni in min hria a, min duhsak a, hmasawna zau zawka thawh anih zel theih na atan hei helai ah hian Central lama Sorkar te leh helai Sstate a Sorkarte kan thu hova, a Mizoram taan chuan a chhenfakawm dawn hle in ka hria a. Anni pawhin Mizoram hmasawna atan a an pute Sorkarah theih tawpin hma min lakpui turah kan ngai a, M.N.F. Ministry anih avanga ram hmasawna tur atana ruahmanna an siam kha a hlawhtling lo zawnga kal kha an tih tur ah kan ngai lova, chutiang lova theihtawp chhuaha heng hmalakna ah te pawh hian kan tan tlan theihna lai tak kha ani a, Mizoram hmangaihtu kan nihna kha Central-a Sorkar helai-ah engemaw zat thu bawk State-a M.N.F. Sorkar lo awm bawk te nen a kan tanruah chuan Mizoram tan thil ropui tak kan thawk thei ang tih a rinawmin ka hria a. Chu chu, kan sawi hmasa duh a.

.....189/-

Hei, vawin ni-a kan sawi hmasak duh a chu Demand No-32-na Horticulture chungchang leh 31-na Agriculture chungchang ah hian hei Agriculture leh Horticulture hi Mizoram kut hnathawktute intodelhna tur atana Department pawimawh tak an ni a. Tunah pawh hian Horticulture atang te Agriculture atangte hian Kut hnathawktu tam takin an kut hnathawhna a rah an seng tan a. Tin, Agriculture-ah hian hei Leilet keini hial Vanlaphai te hi Leilet Senior tawh khal tawh a ni a. Chungah chuan Land Development tunah hian a'n kalpui chho mek a. Tin, hmun dang dangah pawh chutiang chuan kalpui mek a ni a. Chunga an hmalakna te chu kut hnathawktute tan a chhenfakawm em em mai a. Nichina kan member pui zahawm tak tak te na an sawi ang khan Agriculture te hi kut hnathawktu nena inzawm Department anih avangin a duh angin Budget-ah hian an chanpual kan dah tam theilo hi a pawh hle a. Amaherawhchu, anihna ang taka heng Vaibelchhe 41 zet te hmanchhoh tur an nihah hi chuan thil lawmawm tak a ni a. Tin, chutah chuan Mizoramah India rama a vawikhatna atan Organic Farming chungchang thu-ah kan Agriculture lam hian nasa takin hma an han la a. Chung Organic farming ah chuan India ram State-a Organic Farming nei hmasa ber kan ni a. He House zahawm takah hian Organic Farming Bill, te pawh kan lo passed tawh nghe nghe a, chutiang chuan kan thlathar te chemical fertilizer tel lova kan buhtharte pawh organic manual a lei tha chemical tello khatianga kan ei leh in te pawh a lo hrisel zawkna atana hmalakna an awmta hi thil lawmawm tak, chhinchhiah tlak niin ka hria a, a lawmawm ka ti tak zet zet a ni.

Tin, Demand No. 32-na ah khan tunhna a Mizorama la awm ngai haahlo, Horticulture Department in a hma an lakna India ram hmun hrang hrangah kuthnathawktu tena hlawk zawka an kut hnathawh rah Pangpar, kan ti a, Anthurium chinna chungchangah hralhchhuak thei a hmalak a lo nita te hi thil lawmawm tak niin ka hria a. Vawin ni-ah hian duh angin Anthurium chinna lamah hian hma an la lachak tawh thei lova, kan bul tanna a la rei loh avangin. Amaherawhchu, chu ti chung chuanin mi tam takin thla khatah Anthurium atang hian Rs. 5000 - Rs.7000 te, a then phei chuan In leh lo tha tak din phah nan hial te an lo hmang tawh a. Chutiang khawpa hmalakna Horticulture Deptt.-ah an han nei a, a pawisa kan dah hi tam tawh lo mahsela, anih ang ang a hman an nih hian kut hnathawktute leh mi harsa zawkte tan hmasawna kawng tam tak a rawn pawchhuak chho dawn a, chung avang te pawh chuan a lawmawm hle in ka hria a. Hengah hian hma kan lak chhoh zel te pawh a tha in ka hria a.

Tin, chu lovah chuan, hei kan Horticulture Deptt. ho tepawh hi an tang nasa hle in ka hria a, Aromatic leh medicinal plant chungchang, Mizoram-a chin theih tur kut hnathawktu tena hlawkna an hmuh theihna tur ang chi a kha nasa takin an lo dap a, chungte chu vawin ni-ah hian a then a zar hmuh chhuah a lo ni ta a. Chutianga hmuhchhuah a lo nih a, Mizoramah hian chin anih chuan kut hnathawktute tana thil pawimawh tak, cizawna kawngah pawh hmalakna tling ni turah kan ngai a, hengah hian a lawmawm hle in ka hria a. Hemi Agriculture te, Horticulture te, kan Demand leh kan Budget a hmalakna hrang hrangte han hmuh hian kum hmasa lam ai khan tunah hian a Budget a pawh hi kan han tisang chho a ni a, hengah tepawh hian he MNF Sorkar hian mipuite kut hnathawktute hma khua a ngaihna avangin hma a rawn chhawp tanna pakhat niin ka hria a, a lawmawm hle in ka hria a.

Tin, nichinah khan kan member zahawm tak takte khan an sawi nual tawh a. Demand No. 41 Sericulture chungchangah hian Deptt. lian vaklo leh mipui tam zawk in kan hre mang lova, kan ngaih lai hian he Deptt. hi pawimawh tak a ni a. Budget-a pawisa dah tam leh tam loh lam ai hian a nihna anga hman a nihna hian kut hnathawktute tan hlawkna nasa tak a rawn thlen in ka hria a, a lawmawm hle a.

Tin, tunah hian 2004-2005 ah hian chhungkaw 3000 laiin Thingtheihmu hnah atanga pangang Cocoon khawina tur atana an eitur chi phunna turin hma an la mek a. Tin, pangang khawi turin chhungkaw 5000 vei laiin tunah hian hma an la a. Heng hmun hrang hranga Sericulture hma lakna hnuaia chhungkaw engemaw zat in pangang an khawi mek naah hian, a tlangpui thuin kum khatah Rs. 30,000/- atanga Rs. 50,000/- lai te, an lalut thei a. Hei hi thil lawmawm tak niin ka hria a. Tunhma hunah khan Sericulture lampangte hi kan lo tuipui vaklo thin a. Amahcrawhchu, mipuite hmangaihtu MNF in rorelna a han chan hnuaia hian chuan hengte hi kuthnathawktute ei leh bar zawna pawimawh tak a ni tih hriain hma nasa takin lak a ni a. A minister zahawmtak pawh a tang hle a, chutiang zawngah chuan hma a han la a.

Tin, tunah kan budget buah pawh hian kan vawikhat hmuhna anih hial ka ring a. BAFFACOS te kan han hria a. BAFFACOS atangte pawhin Sericulture hmasawn na atan kuminah hian 75 lakhs lai mai pekchhuah alo ni ta te hi, a lawmawm hlein ka hria a. Mautam lo thlengtur buh leh bal ei leh bar a kan intodelh theihna tur atana hetiang zawnga sorkarin hma a la te pawh hi a lawmawm tak zet zet a ni.

Tin, Sports lamah hian kan member pui zahawm tak tena an sawi tak ang hian kan thalaite nun kalsual tur venna atan hian tunah hian Sports Department pawhin chung thalai ruihtheih thil leh thil danga kalpeng tur venna atan tih ni ngei tur a ni a, kan thalaite infiamna lamah hmasawna an neih theihna tur atan District Sport Complex te, State Complex te buatsaih tum a ni a. Aizawl khawpui chhungah field puitling kan nei tlem hle a, Assam Rifles Field a ni fo thin a, chhungah pawh chuan nasa takin hma an la chho mek zel a ni.

Tin, Labour & Employment-ah hian labour wing hi tih len tum mek a ni a, sorkar hnathawk lo te tana chanchin tha pakhat a ni. Tukiin zingah pawh rules pawh MLA rawn sem a ni a, chung tepawh chu thil lawmawm tak tunhma a kan neih tawh pawh chu nimahse tih changtlun tum mek a ni. Chungte pawh chu thil lawmawm tak niin ka hria

Tin, R&R Deptt. ah hian monsoon damage keimahni-ah hian cheng vaibelchhe 13 zet mai kan han hmu a, a lawmawm hle a ni.

Tin, Silpoulin sem chungchangah pawh mi tam tak chenna chhanhim sak a ni a, chung avang chuan heng R.R. a kan hmalakna tepawh hi Mizoram a harsa zawk tan chhenfakawm tak ani tih ka han sawi duh a ni. 2004-2005 Budget pawh Mizoram tan anihna ang taka hman anih dawn avangin a lawmawm hle a ni.

PU ANDREW LALHERLIANA :

sawi duh a ni.

Pu Speaker, ka lawm e. Vawiinah Demand pali kan sawi dawn a, theih tawpin sawi kan tum ve ang a. Tun tum chu bial lam hawi zawngin kan

A hmasa berin, kan Sports Minister chungah lawmthu kan sawi duh a, kan dil hauh lovin Football te, Volleyball te min rawn pe a, a lawmawm hle in ka hria a. Tin, kan bial chuan a chungah beiseina kan nei nasa hle a ni. Thalaite siamthatna kawngah mawhphurhna thui tak Sports Deptt. hian a nei tih hria a beiseina sang tak neim kan thlir dawn ani tih kan sawi duh a.

Demand engemawzat a awma, ka cover vek hman dawn lova. Relief & Rehabilitation atangin kan tan anga. Tun tumah sur lai rial tlak nasat lai khan, ka bial chu a tuar nasa ber pawl kan ni a. Chawngtlai ahte pheï chuan inchung za chuang a ti chhia ani. Kawkulh leh hmun hrang hrangah chhiatna kan tawk. Theihtawpin Sorkar lamah kan han nawrin Fund a la awm rihlo a ni. A hnu lawkah pawisa te an awmchhoh leh tak khan chung vel tanpuina tur chuan rangvate sem ani a. A lawmawm hle rualin thil pawl tak awmin ka hria a. Party dang tan beisei theih reng reng lovin Party bil induhsakna ang khan a kal a. M.N.F. party nih ve loh chuan in kha chhie mahse, kan beisei lo tawp mai ani. Pawl ka ti hle a. A dawnga te kan lawmpui rualin a mamawh zawk tak tak ho changlo an tam kha a pawl ka ti a. hetiang Sorkar atanga vanneihna leh mipui mamawhte lo kal thin hi Party hmanrua a kan hman hian Zoram hmel kan tichhia ani tih kan hre lo ang tih ka hlau a. A chhan chu mipui inkarah Party feeling a tisang mai ni lovin inlungual sa min tichhia ani. Kohhranin min vaw pum a, Political Party in min vaw phel a, inhuatna a siam ani. Tih atakin a lo thleng kha pawl ka ti em em a. Chuvang chuan heih kan Minister-in a hrelo em ni ? Lo chhinchhiah sela. Chawngtlai ah te leh rial tlakna hmunah khar. Party dang khan Sorkar tanpuina - rangva leh thil dang kha an dawng ve miahlo ani. Mamawh a zirin a mamawhtu ten dawng thin se a lawmawm hle ang tih kha ka sawi duh a.

Tin, Relief & Rehabilitation hnuaiiah hian silpoulin te kan sem hnem hle ani tih a hriat a, a lawmawm a. Helaia a inziah danah khan, kan Chief Minister's speech ah pawh kha a kum hmasa lamah pawh khan singthum chuang sem a ni a. Tun kumah pawh khan sem a nasa hle a. khalaiiah pawh khan kan Sorkar hotute leh kan Ministry-in a tum dan angin a thawh lohna chhan kha lehkha in awmzia a neih thin vang ani. A ziak theite, kan sorkar hotute lehkha keng ten an hmu zung zung, khami avang khan a hmu thei te khan, a then pheï chuan sumdawn nan te pawh an hman ani. Kha kha kan Minister khan lo chhinchhiah sela, thil tak tak ani a. A hmu thei lote chuan kan hmu theilo hle a. M.L.A. te pawhin kan han dil ve thin a, hmuh a har viau ani. Amaherawhchu, kan Session hmasa tawp lam pangah khan ani in ka hria, khatah khan kan Minister zahawm tak khan M.L.A. te kha Bag khat, Silpoulin-8 theuh kha min pe ve a. kha pawh kha a lawmawm hle in ka hria a. Ka han sawi tel duh chu leimin avangte leh harsatna tawk avanga Silpoulin mamawhte hi Bialtu hian kan hrechiang zawk duh khawp mai. A chhan chu a mangang leh a mamawhtute hian min rawn approach thin a. Lehkha ken avanga in lo pek ngawt thin kha a pawina chu sumdawng anga a rawn dil theite hian an hman thin kha a pawl ani. A mamawh tak tak ten an thlen theihna hi bialtu te hian kan hre khawp mai. Chu chu kan Minister zahawm tak hian min lo chhinchhiah sak sela. Kan kal zung zung anga.

Animal Husbandry & Veterinary

Department hi kan sawi leh duh a. He Deptt. hi keini bialin vawin ni a kan mamawh em em mai a ni a, kan hriat angin he Deptt. hnuaiiah hian kan bial chhungah Piggery Village din a ni a, khi scheme khi tha tak mai a ni a. Non-lapsable Pool of Central Resources atangin a infrastructure tur engkim mairawn pek a ni a, amaherawhchu, infrastructure development atana hman tur anih avangin thildang an pek theih tak loh ah khan kan minister te khan a mamawhna tak tak zawnah hman dan tur angin thil an ti thei lova khalaiah khan plan fund atangin ruahmanna fel deuh awmin miretheite eizawna ngelnghet siamsakna tur leh below poverty line atana tih a bultan anih avang khan an han luh rawih khan ei tur an nei lova, Vawkchaw tur an nei lova, engtinemaw tum khat tih puitlin sak a, amah a in tum zel thei tur a kal thei tur kha vawin ni hian kal ngaihna hrc lovin mangang em em in an awm ani. Chutah chuan an mamawh ber chu eng chen emaw, term khat i ti mai teh ang. Vawk a vull atanga a puitlin thlang kha an mahni leh an ran enkawlina kha chu nci se chuan a puitling tha em em ang tih kha a chiang em em a. Mahse, khami kha a awm tak loh avang khan a buaithlak a, an khawngaihthlak a, an chhuak thei tawh si lova, a tanga te lah tih ngaihna hrelo khian an awm ta a, MNF deuh vek mai thlan anni lehngal phei chu a tanga te lah chhuah ngaihna an hre mang si lova, chuvang chuan tanpuina an mamawh ani tih kha hria ila.

Tin, Animal Husbandry &

Veterinary hnuaiia Feed Plant an ncih tha tak mai a ni a, kan bial chuan kan en em em ani tih kha kan sawi leh duh a, a chhan chu khu feed plant kluan feed plant siamna turin a mamawh ang chi thlai Vaimim te, Bekang te leh Animal Feed a siam theih tur ang chi kha kan ching thei em em a ni. Chu chu kan supply a eizawn nan a kan hman chuan khu feed plant pawh khu ngelnghet zawkin a ding ang a, kan bial a tan pawh thil tha anih ka ring a. A bik takin Ngaizawl te phei chu Vaimim chin lamah hian hma an sawn em em a, an tuina ber a ni. Hei hi min lo chhinchhiah sak se, contract farming system ang deubin emaw, Mizoram pumpui han tih huau thin ai hian bial khatah in concentrate in khing bialah te khian tun kum chhung in rawn thar zawng zawngte kan lei sak ang che u tih assurance chu awm ta se keini chuan Mizoram daih deuhthaw tur hi feed plant kan ching thei mai awm mange aw kan ti a ni. Chuvang chuanin hetah hian a bik takin min hriat sak se, khatiang zawng a assurance nei a contract farming system ang deuh a agreement kan neih theih chuan kan bial tan chuan a tha em em in kan ring a, chu chu kan beiscil a ni.

Tin, Horticulture Deptt. hi ka sawi leh duh a. Pu Speaker, 2 minutes vel chu min pekbelh la ka lawm viau ang. Hei, ZNP lam ti ila sawi chi loh in ti maithei a, keini chuan kut hnathawh hi kan uar a, kan bialah pawh contract tih ang reng te leh sum leh pai awlsam tak a siamna hi kan beisei ve vak lo. Kan kut hnathawh hi awmze nei a kan seng theih a, kan thawhrah hi kan seng theih chuan kan lungawi mai a, chu chu kan policy pawh a ni. A bik takin loncitate hian. Chuvang chuan he Deptt. hi a pawimawh em em a ni. Tunah pawh hian hei Horticulture Deptt. hi han sawisel dawn ta ila Chawngtlai te, Neihdawn-ah te Khawzawl-ah te, Society fel tak tak kan in din a, kan mamawh chu thlai chi a ni a, helai Horticulture hnuaiyah hian thlai chi an pe thei tih te fel takin kan Chief Minister in a rawn tarlan hi hman tangkai kan tum a ni, keini chuan. Chuvang chuanin Society kan in din a, chungte chuan kan member zawng zawngte nen kan rawn in report duh a, a then kan rawn in report tawh bawk a. Kha kha politic zawng a en ni lovin keini pawn a society kha politic zawnga kan tih loh angin a mipui a ching duh, a tui zawng zawng kan tih avang khan a ching duh te hnenah hian Chawngtlai, Neihdawn leh Khawzawl-ah soceity din te hnenah khian Alu chi hi min pek theih kan beisei a, kan lo beisei dawn a ni. Chumi anih ngat chuan thildang beisei lovin, sorkar thildang ti buai lovin kan eizawna hi a puitling thei ngei ang. Chuvang chuanin, Horticulture Deptt. a bik takin a changtu kan Minister hian min lo hriat sak se langin, khilayah khian society pali panga kan in din a, lehkhia pawh ka rawn theh lut a, a chi sem hunah hian nakinah a party zawngin kal lo hram sela, a chingtu dik tak rawn in register ho te hnenah khan pek ni ta se, chumi kawngah chuan kan minister pawh inhawng se, theih tawp a bawhzui pawh kan lo tum ve ang e, kha kha kan sawi leh duh ani, ka lawm e.

S P E A K E R

Tunah Pu Zodintluanga kan sawm ang a, a dawtah Pu K.Lalrinliana'n sawi se a tha ang e.

PU ZODINTLUANGA

Pu Speaker, ka lawm e. Iici vawiinah Minister 4 lai maite Demand kan han sawi dawn a ni a. Minister pakhat pawhin Deptt. pali lai maite an kawp si a, hian sawi tan dan pawh thiam a har viau mai dawn a. Hun lah, chu minute 10 chauh a ni mai si a, Deptt. a tamin vei a tam si a, chuvang chuan Pu Speaker kimchang vak lova sawi ai chuan a chhuibing zawng deuhin rawn sawi kan tum ang a.

Hei kan sectoral allocation kan han hmu a, heng atang hian Demand No. 22-na Sports & Youth Services kha han sawi hmasak ka duh a. Session hmasa khan zawhna tepawh ka zawt tawh a. Hei, 1st Mizo Battalion NCC atana Rs. 10 lakhs lai an rawn dah hi a lawmawm ka ti em em mai a, kan Sports Minister zahawm takin a Battalion dang pawh din belh kan tum a tih kha a lawmawm rual rualin pawisa kan indaih loh avanga vawiin niah pawh 1st NCC Battalion atana nuai 10 kan han neih chhun pawh hi a duhawm tawh khawp mai a. Chuvang chuan Battalion dang kha din belh, lovin tuna kan neih sa hi tha zawka tih changtlun dan hi ngaihtuah zawk sela, a tha khawpin ka hria. NCC hi kan thalaite tana employment generate tu tur employment mai ni lo, officer thlenga hna an hmuh theihna tur atana thalaite chher nan a pawimawh tak a ni a. MOU he sorkarin a sign yanga kan thalai tam tak ten hna an hmuh theih lohna tepawh he NCC atang hian Pu Speaker hna tam tak an hmuh phah thei dawn nin ka hria a. Chuvang chuan tuna pawisa kan dah pawh hi a la tlem tham deuh in ka hria a. Supplementary Demand te kan la sawi leh dawn a, supplementary demand ah tepawh kan minister hi han tang leh deuh sela, NCC atan hianin pawisa hi hei aia tam zawk hi a dah theih lawm ni? tih kha ka rawn sawi duh a.

Tin, hei Sports chungchang kan sawi lai hianin Mizoram State Matching Share atan..... hnih aia tam zawk hi a dah theih lawm ni tih kha ka rawn sawi duh a.

Tin, Sports chungchang kan sawilai hian Mizoram State Matching Share atan cheng nuai 100 hetah hian an rawn dah leh a, hei pawh hi a lawmawm viau in ka hria. Matching Share kan neih loh avanga Sports tih changtlunna tur programme tam tak kan tih hlawhtlin theih loh te, kan infiam miten state matching share kan neih theihna tur atana petrol atanga chhiah lak an han duhna te kha han ngaihtuah hi chuan vawiin ni a state matching share a nuai 100 kan han dah pawh hi a beitham hle in ka hria a, on going project tam tak Aizawl khawpui chhungah leh Thingtlang-ah tepawh matching share kan neih loh avanga kan chhunzawm theih loh te hi Pu Speaker, hei ai hian hari dah tam deuh ila, central atangin pawisa tepawh han hui'ut tam deuh ila, kan thalaite tan chuan malsawmna leh kan thalai thangthar zelte sports lamah te leh an hriselna lam tepawh a rawn changkan ve leh theihna tur atan han dah belh leh t heih nise lang chuan a lawmawm khawp in ka hria.

Pu Speaker, Sports lama hmalakna ti thuanawp zawngin State Sports Council kan neihte chu kan han desolve ta a, dan leh dun te han bihchiang deuh selang chuan desolve kher ngai lovin a ti danglam thei tih hi tlang hria a ni. Mahse, lalna leh thuneiha te kan in show deuh yang nge ni desolve zawngin kan kal a, vawiin ni thlengin Sports Council mumal pawh kan neilo a ni. Mahse, kan minister te hian Sports Council mumal neih loh a council pawisa te duh duh ang a hman a, a enkawltu leh a check tu te awm lova, hetiang a hman kual vel mai mai te hi an lo duh zawkte anih chuan thuhra a ni a.

Tin, Sports Goods kan supply dan hi tlem sawi leh ka duh a, Mizoram Sports Deptt. ah hian approved supplier 12 kan awm a ni. Chung zingah chuan Mizo 11 kan ni a, chungah chuan zawhna te kan han zawt a, Unstarred Question a chhanna kan han hmu a, chungah te chuan Vai, International Sports, Meerut hnenah te cheng nuai tam tak man Supply an han pe a, hengte hi a rate kan han en a, Mizo Supplier ten an pevc thei vek a ni, heng hnamdang Company te an pek avang hian a tlawm phah chuanglo reng reng a ni. Chuvangin Pu Speaker, kan Sports Minister zahawm tak hian hetiang ang Sports Supply ang chi ah hian kan Mizo pui ngeite an supply-na rate a sangin an hniam bik chuang silova, a rate inang vek rau rau ah hi chuan kan Mizote hi min duhsak, ve thei lawmni tih hi ka rawn ngen nghal a. Tin, incentive cash award atan nuai 10-te kan han dah a. A lawmawm khawp mai. Kan infiammiten an nghakhlelh em em tawh a. Thalai ina an infiamna an hlawh chhuah sorkarin award an siamte pawisa hmu lovin hun reitak an lo awm tawh a.

Vawiinnia incentive cash award atana nuai 10 an han dah te hi lawmawm ka ti a. Mahse hei pawh hi duhthu a la sam lova. A bat sate pawh hi an pe zo thei ang em le tih a ni a. Chutiang chuan hengahthe pawh hian kan Ministerte leh kan sorkarte hi kan thalai dihmun kan tih san chhoh zel nan tiang anga sum kan dah theihna ah hi chuan dah tawh zel ila a thain ka hria. Hei kan sorkar hi thil tiamah lleh thil han tih hian a chak viau mai a. Sorkar hmasa ah khan kum nga chhungin Aizawl khawpui chhungah stadium puitling pathum (3) kan siam ang an tihte kha vawiinnia thalai infiam mite chuan nuhza siam nan zuk hmang tawha mawle. Thla thum chhungin Assam Rifles kan sawn chhuak ang tihte, darkar 24, chhung flag kan tar chuan independence kan nei ang tih ang chite hi fiamthu thawh nan an hmang mai mai tawh a ni. Vawiinnia kan infiammi kan thalaiten a Pu Speaker, an sawi ber chu MNF sorkar leh lammual gate khar tih hi a ni. Chutiang angte chu vawiinni ah hian thalaite tana kan kal danah hian Congress kan sorkar lai chuan lammual gate-te saw kan khar ngailo reng reng vawiinni ah hian thla thum chhungin kan sawn chhuak ang tihte an rak an rak avang hian ngeni min run luih-te pawh an ang ber tawh a ni. Pu Speaker.

Tin, Demand No.4-na a Law and Judicial chungchang hi tlemte han sawi veleh ka duh a. Lungleiah sawn Pu Speaker, Judicial officer pahnih an awm thin a. Vawiinni ah hian Aizawl ah rawn phei vek mai an ni a. Lunglei saw district capital a nih mai bakah Mizorama second capital a ni a. Mipui pawh an tamve em em a. Vawiinni ah sawn thubuai reng reng ADMJ sawn a kawp vek a. Hna atam si a Judicial Officer kan neih loh avangin Case tam tak tihfel theihloh ani a. Mihhring tam tak thiamloh chang silo jailah hun rei tak tak an tan phah ani. Kan jail te pawh a tawt em em a Pu Speaker, kan Minister zahawm tak chhinchhiah atan, Lungleiah sawn a ranglamin Judicial Officer min dah phei sak loh chuan, chhim bial mipuiten min ngaihthah an tih hi a dik ang tih a rinawm dawn ani. Mipuite tan an tuar thin ani. Pu Speaker a ranglamin Lunglei ah Judicial Officer dah turin kan ngen ani.

Tin, Demand 31 Agriculture chungchang tlem sawi ka duh a. Nichinah Vanlaiphai Bialtu khan Organic sstate chungchang a sawia. Organic state ah kan in puang ve a. Mahse kan budget bu en in hriat thiamloh vang nge fertilizer leina tur kan hmu leh ta nuai mai a. Organic hi tum tak tak a nilo emni le tih te kan ngaihtuah a. Tin, hmanni khan kan MZP hruaitute India ram fangin an kal a. Punjab an kal chuan Punjab University Professor an kawmna ah chuan Mizoram organic state ah in puang ringawta engtingge maw inkal dawn le ? In buhfai zawng zawng te hi Punjab atanga thawnchhoh ani si a. Punjab ah hian furkhat te hi kan hmang nasa em em a. Khulaiah organic ti ula nangmahni thlai fertilizer tello in tha tak tak si lovin in tih lain in import zawng zawng mipui in in ei te hi fertilizer hmang vek a thar chhuah ani si a, tiin an lo chhuahchhal a, chutiang te chu state pawnlam atanga min hmuh dan ani a.

Vawiin ah pawh kharchhawng tihte kan hria a. Thlathar neihte hi Pu Spcaker, Silchar atanga lokal tam tak a awm ani. Heng zawng zawng te hi organic ahte a kan inpuang anih chuan buhfai leh thlathar pawnlam a non organic a hi kan khawp dawn em tih te ka sawi duh a, hun hi ka hmang zo ngai lova, chuyangin kha lai ah khan duh tawk mai ila, a tha awm e.

PU K.LALRINLIANA

: Pu Speaker, ka lawm e. Vawiin ah kan Minister zahawm tak tak te pali Demand kan sawi na-ah Member dang te sawina han ngaihthlak khan kan lawm tlang a. Tha kan ti tlang niin a lang a. Sawiscna thenkhat lo awm mahse, a tlangpui in a tha tlang a. Hei Budget chungchang ah hian Demand neilo Minister te pawh hian an duhtawk lo ang tih rin tur ani. Tun dinhmun han thlir chuan kan Demand atanga han en hian kan phak tawk ah a lawmawm hle in ka hria a. Sum leh pai kan hmanna chungchang ah hian Department hrangte chanpual han thlir pawh hian kan phak tawk ah lungawi thlak hle in ka hria a.

Demand No. 30-na R & R ah te pawh sum leh pai nei tam lo mahila, anihna-ah kan theih ang tawk a State pumpuia kan sum neih atang hian Silpoulin mai ni lo, District Level Committce a mi mangang te Natural Calamity a tanpui ngai ang chi pawh tam tak kangmei tuar te pek a awm thin a, keini District ah pawh kan D.C awpna hnuaiah constituency 3 kan awm a, Kawnpui, Bilkhawthlir leh Kolasib bial kan ni a. Silpoulin mai lo ah pawh chutiang chuan mi harsa te theih ang tawkin tanpui an ni thin a. Vawiinah pawh Ministry of Home Affairs Deptt. atangin theih ang tawk tawkin tanpui an ni thin a, vawiinah pawh hian Ministry of Home Affairs Deptt. atangin ni 2.11 khanin 13.294 flood management from NCCF tih a ni a, national calamities contingent fund atangin, pawisa kan hmuhbelh leh zel a, hengte hi a tangkai zawkin hmanchhoh anih ka ring a.

Tin, AH & Vety ah hian sawi tur tam tak a awmin ka hria a, India ramah kan awm a, Bawngsa ei mi kan ni a, duh ang tawkin Bawngsa ei tur kan intodelh lova tih nimirah kan ngaithla tawh a, ramdang atangin kan la lut nasa a ni tih kan ngaithla a ni. Amaherawhchu, hei hi thil harsa tak ani tih te pawhin ka lo hre ve thin a, bawng vulh, eitur atan ngat hi chuan thil harsa a ni a, theihtawpin India sorkarna hnuaiah pawh kan sorkar in ngaihtuahna nasa tak a hmang ang tih ka ring a, Bawngsa a kan intodelh pawh hi thil tangkai tak a niin ka ring a. Bawnghnute lam atanga kan intodelhna turah kan District ah phei hi chuan milking plant tunah khuan nitin litre 5000 dawng hralhchhuah theihna tur pekchhuah theihna tur ang chi a kha vawinah hian a khawl hun mek a ni a, chu chu Deptt. lam atanga an thirna atang hianin hei hi keini District mai ni lo Aizawl District ah pawh khuan rawn hralh ve thei turah kan ngai a. Tin, kan chhehvel state Assam sorkarna hnuaia Cachar District leh Hailakandi District velah pawh khuan nei tha an awm lova, bawnghnute an ei ve tho si a, khutiangah khuan hralh chhuah theih an in beisei a. Chutiang chuan vawin ni-ah khawl bun a ni a, reilote-ah tun kum chhung pawh hian hawn theih beisei a ni a, a hawn dawn hunah phei chuanin Member zawng zawngten rawn hmu ve ula, tih te kha kan sawm duh che u a.

Tin, Demand No. 42-na Transport chungchangah pawh hian nasa takin Mizoram pumpuiah hmalak anihna chu hretu vek kan ni a, keini District-ah pawh khuanin District Transport Office khu tihlen tum a ni a, Station Superintendent Officer dah a Silchar a mi khu Kolasib ah sawn chhoh a, Kolasib atanga control khu a tha zawk ang a, zin mite kan ti hahdam zawk ang a tih Deptt. chuan ngaihtuahna a hmang mek tih tepawh ka hria a, hengte hi Silchar-ah khuan complain nasa tak an siam thin, ka bulah pawh an sawi thin, hengte hi khulaiah thuneitu anihna ah khuan engemaw chen min rapbet a, zin mite hi. Chuvangin, a hnaivai zawk ram chhung si atanga control khu thil chak zawk nite pawh in an sawi a, hengte pawh hi tih puitlin chhoh tur niawm takin an sawi a, Kolasib ah tepawh hmunhma te kan ngaihtuah sak a ni a, tih puitlin zawkna tur atan.

Tin, Demand No. 4-na Law & Judicial chungchangah khan vawin niah nichin khan Lunglei chungchangte kan Member zahawm tak Pu Zodintluanga khan a rawn sawi a. Lunglei lamah pawh hma lakna awmin duhthusamin Officer te kan la indaih lo a ti a. A tlangpui thu in District Level ah hian nasa takin sorkar in hma a lakna kan hmu theuh awm e. Keini ah pawh a ni a, ADM(J) te kan nei thin a, tuna tan court building te sak mek a ni a, sak zawh ani tep tawh a, khungah te khuan Kolasib mipuite District huapin kan lawm em em a. Chutiang chuan vawin niah pawh chak takin hmalak chhoh zel ani dawn ani tih kha kan sawilang duh a.

Tin, Agriculture leh Horticulture te hmalakna kan sawi a, Demand No. 31 & 32-na kha. Agriculture ah chuan kan hre vek a, nasa takin hmalak tum ani a kan intodelh theihna tur atan Agriculture leh Horticulture ah te hian hmalakna hi ngaihtuah tur tam tak a awm, phun fuh loh chuan thih palh theihna tam tak a awm, farmers kutah inngahna tam tak a awm, society kut inngahna tam tak a awm. Chungah chuan sorkarin hma nasa takin a la thin a ni. Organic Farming kan ti a, wawiin niah pawh hian a zavaiin organic anih leh nih loh chu Bill Pass-tute kan ni a, kan hriat ka ring a, kan bill ah pawh khan a langchiang a, arrear wise pawn la ngaihtuah tur anih thu tepawh kha kan bill ah khan a lang a.

Wawiin niah hian fertilizer lei loh ngawt tur tihna ani chuang lova, mamawh tur chin lai area ah te chuan pek theih lohna chhan kha a awm chuang lo a ni. Mahse, zawi zawiin organic hi a kal chho ang a organic state kan nih chhohna tur atana hmalakna tur te kan hria a, chutiang atan chuan hma chak taka lak ani reng a. MIP ang pawhin chak taka hma lak a ni a, keini District bikah pawh khuan tunah hian MIP in programme ropui takin a buatsaih a, red oil palm te kan ching dawn a, chutiang atan chuan a location tepawh kan thlang fel tawh a ni. Pangbal leh Phaisen inkarah khuan a kawngpui atanga km $\frac{1}{2}$ a hla lo inkar dinglam leh veilamah zel red oil palm kan ching a tih a ni a. Chutiang chuan a sawrna khawl tepawh bun chhoh tur a ni a, a hmun tur te leh khulai hmun bula ram neitu tepawh hriattir in a ching duh tu tur tepawh party party sawi lovin a duh apiang leh tui mite, khulai bula ram neitute leh ram la awl lo luahkhat duhtu tur ang chi tepawh, Village Council tin te thlan tirin chutiang chuan hmalak chhoh niin mipui tepawh kan phur hle a ni.

Tin, Land Development chungchangah tepawh wawiin niah nasa takin hmalak ani mek a, minor irrigation kaltlangin. Chutiang chuanin khulalah buh leh ei leh bar ah te, buh ah tepawh kan intodelh thei ang a, chutiang atan chak takin hmalak a ni a. Bulldozer in Leilet zawl te nawr a ni a, tui kawng te min siam sak a, wawiin niah hian siam lehzal na tur a sum leh pai kan neih chingpen chungchangah pawh nimin a kan sawi tawh kha. Chung tepawh chu wawiinah hian chak zawkin a kal chho zel dawn ni te pawhin alang a ni. Sorkar hmalakna hrang hrang hi sawi dawn ila sawi sen a ni lova, Horticulture Deptt. pawh wawiin niah hian bial mipuite District tin a mipuite hemi kawnga hmalakna tur a zirtirna tur atana Office changtlung zawk te kan neih theih nan tiin kcini ah pawh khuan Horticulture District Level Office tepawh sak zawh tep a ni a, kan luah tan chho tawh a ni.

.....200/-

Tin, Demand No. 17-na Food & Civil Supplies chungchangah tepawh hian kan hriat theuh angin Buhfai chungchangah harsatna pathian zarah leh kan hotute thahnemngaihna zarah kan tawk tawh lo. Buhfai ah pawh sawisel tur a awm tawh lo. Gas chungchangah nise vawiin niah hian Gas harsatna sawi tur kan hre vak tawh lo. Chutiang chuan chak takin kan sorkar hian hma a la chho a, kawng tam takah. Khawnvartui ah te, Chini ah tepawh mipui ten hetiang hian a ni maw sorkar hian a lo tih theih zawk le, vawiin niah hian Khawnvartui te, Chini te, Buhfai te, Gas tepawh hi heti hian a lo tih theih reng anih hi. MNF sorkarna hnuaiah hi chuan mipuite kan lo hnianghnar ani an ti zawk a ni.

Sericulture-ah pawh vawiin niah hian Theihmu kung te chin tir a ni a, chutiang chuan kan District Area chhungah pawh khuan society ang te in din in khatiang khan an kalpui ani.

Co-operation Department-ah pawh hian vawiin niah hian chak zawk a Society hrang hrangte an kal theih na tur atana hmalak chhoh mck ani.

Sports & Youth Services chungchangah pawh hian sawi tur a tam hle in ka hria a, nichinah kan member zahawm tak Pu Zodinluanga khan a rawn sawi a, Budget a pawisa dah danah pawh state share atana fund dah dan chungchangah te leh infiammi ti tha te lawmman cash award pekna tur atana pawisa dah chungchangah tepawh khan lawmthu a rawn sawi kha a lawmawm in ka hria a, thalai rilru diktak a rawn pu in ka hria a. Hemi chungchanga kan sorkar hmalakna ah hian District Sports Complex tih hmasawna tur chungchanga District tinah vawiin niah hian hmalak mek a ni a. Kan District chhungah pawh khuan vawiin niah hian chak takin hmalak a ni a, Field chungchangte, Indoor Stadium te, Youth Hostel te, khatiang khan vawiin niah hian hmalak chhoh tum a ni. District tinah chutiang chuan, District Headquarters ah te leh a chhehvel constituency hrangah khawpui khawilai emaw tangkai turah te chuan chutiang chuan Sports Deptt. hian vawiin niah hian hma a la a.

Labour & Employment chungchangah pawh ngaihtuahna nasa tak a hmang chho a, chutiang chuan Tourism Deptt. ah pawh ngaihtuahna nasa tak sorkarin a hmang chho a ni. Chutiang chuan vawiin niah hian kan sorkar hian ngaihtuahna a hmang a, kan Minister te pawhin an Demand chungchangah hian sum leh pai ah an duhthawh ang, a tam lutuk ani pawh an ti lovang, an duhthusam ani vek bik lovang. Amaherawhchu, vawiin niah an Demand chinah hian a tha tawkin a lawmawm tawkin ka hria a, chu chu Pu Speaker vawiin niah hian Deptt. hrang hranga hmalakna te leh vawiin ni a sorkar in a ngaihtuahna a hman chhoh mek hi karawn sawi chho thei hi ka lawm tak meuh meuh a ni. Ka lawm c.

PU H. ROHLUNA

Pu Speaker, ka lawm e. Kolasib bialtu zahawmtak khan Minute 15 aia rei mah kha a sawi a, a wind-up ta mai emaw ka lo ti deuh a. Pu Speaker, Demand

lamah han lut nghal chawt mai ila a tha maiin ka ring a.

Demand No. 17-na Food & Civil Supplies ah hian Chini te hi tunhma angin kan hmu ta lova, ka hma a sawitu Kolasib bialtu khan hmu tha ta viau ang khan a sawi a, ka bial lam erawh hi chu a thleng ve lova. Hei hi hleih te hi kan nei ta deuh em ni kan ti deuh hlek a. June thla atang khan ka bial lamah chini hi an dawng ta lo reng reng a. Hlengte hi kan Tin, Khawnvartui tepawh hi a thleng ta lo reng reng a. Engnge kan harsatna, Minister zahawm tak khan min lo ensak se, ka duh a. Engnge kan harsatna, zawhna tepawh ka siam ta nghe nghe in ka hria a, chhanna ka la hmu lova, chhan a la hunlo anih ka ring a. Tichuan khami bikah khan bial thil han sawi ta zel ila. Kawlbem ah khian Food & Civil Supplies Go-down hlui deuh mai khi a awm a, a sakna a rei deuh tawh a. Tahchuan Buhfai 400 quintals bawr vel a awm a. Chu chu a Buhfai a chhe tawh khawp a, an han sawi danah hmanni a ka han kal khan Kel-in a bang pawp atangin Buhfai a er a, a Kel kha a thi zui a, an ti mai a. Khatiang kha a pawl em em in ka hria a. Chu chu mihring tan pawh a rim a chhia an ti a ni. A rei tawh a Department pawhin an hria a, an han en tawh in ka hria a, mahse tun thleng hian senghawi loh in a awm a. Ranchaw a han hman tlak pawh ni tawhlo chutiang chuan a awmin ka hria. Chu chu min lo chhinchhiah sak se ka duh bawk a. Tichuan, khilalah khian in tunhma in kudam pangngai a awm thin a,

Store-keeper te nen an awm thin a. Amaherawhchu, vawiin niah Store-keeper pawh mumal lo ueuh in an awm ta a. Tin, a kudam pawh Buhfai chhia in a luahkhat a ni mai a, hmantlak lohvin. Kudam thar te pawh khi hman kumah kha chuan a thar sakna tur ruahmanna a awm a, mahse tunah chuan hei hmun dangah an divert avangin vawiin ni thlengin kudam sak a ni ta lova. Chung tepawh chu sak ni thei sela tunhma ang khan a khua a mipuite khian Buhfai khi awlsam zawkin hmu leh thei se tih hi kan sawilang duh bawk ani.

Tichuan, Sericulture, Demand No. 41-na chungchangah hian hei hi ka hma a member zahawm tak tak thusawi tepawh khan an sawi tawh a. Ilei hi Mizoram intodolhna atan a thil pawimawh tak a ni a. A hrechiang apiangin hei hi chu Deptt. pawimawh tak a ni tih hi vawiin niah kan sawi thin niin ka hria a. Tin, a transportation chungchangahte, a market ah te thil awlsam tak a ni a. Sericulture hi nakinah chuan Mizoram economy pui tak tur anih ka ring a. Chung atan chuan kan sorkar pawhin rilru nei takin hma la se. Tin, Baffacos atangin nuai 75 an dah a, heng te pawh hi Deptt. thenkhat a nuai 200 chuang an pek ai te hian pe ta se, a deptt. tepawh tilian te deuh se, kum hnih khat chhung pawhin awmze neim a la siam theih ang tih hi ka ngaihtuahna-ah a awm a, chu chu ka sawilang tel duh bawk a.

Tin, Co-operation chungchangah hian Demand No. 37-na. Hei pawh hi mipui tana thil tangkai tak a ni a, thingtlang kilkhawr tak takah te co-operative society te a awm a, hengte hian mipui mamawh hi nasa takin a phuhru a ni. Thil zawrhna rate control chungchang ah service co-operative society hi a tangkai hle a ni, khingte khi thil tangkai tak a niin ka hria a. Hengte hi tun aia changtlung deuh zawkin deptt. pawhin hma la thei zel sela a lawmawm ngawtin ka ring a.

Tichuan Demand No. 32-na Horticulture. atangin tanpuina an pe a, lawmawm kan ti a, mahse deptt. in tanpuina an pek thirzai (GI Wire) hi a thleng kim lo thin hi a pawl a ni. Session hmasa, March 29-a ka zawhna min chhanna hi Horticulture Deptt. atangin Hnahlan leh a chhehvel Hnahlan Circle a Horticulture Deptt. hnuaia Grape chingtute tanpuina eng ang nge ni tih kha chhanna min pekah chuan GI Wire hi a roll tam tak roll 7,8,10 chuangte dawng an awm a, chhinchhiah a ni a, mahse a takin a chingtute mipui a thleng kim lo a ni. Hei hi kan Minister in min chhinchhiah sak sela ka duh a. Khawtinah kan en a, hetiang zat hi kan dawnglo an lo ti theuh mai a ni. Chu chu anih avangin pawl ka ti a.

Tin, heia zawhna te kan han siam a, an han tih hi chuan tha takin an kalpui tawh turah ka ngai a, tun October thla ah khan GI Wire bawh hi an han pe leh a, Hnahlan leh a chhehvel Champhai SDHO Office ah khian roll khat Kg. 50 zel chu an thlen a, kudamah hlawhfa te la in, tichuan a roll kha kg 50 ni ta lovin kg 30 te 25 te chutiang chuan an ti a. Khaw thenkhat phei kha chu a roll in an pe ta a ni, a kg a pek tur nisi kha. Chutiang chuan an han sem a hei hi Minister hian a hria em ? A hria loh chuan min lo enzui sak se ka duh a. Tichuan, Hnahlan khaw bik tan pawh roll 1462 hi pek tur a ni a, chutah chuan thleng tur anih lain tunah hian 472 a thleng tawh a, chutah chuan roll 130 chu a pangngai deuhin a thleng a, mahse a bak zawng kha chu roll chanve kan sawi tak angin kg 25, 30 tih vel kha a thlen dan a ni a. A sem ngaihna pawh an hre lova, Community Hall ah an dah ringawt mai a ni. Tunah hian an buai em em a, chuvang chuan hei hi a mawhphurto, tunhma pawh a sem zat leh an dawn zat record pawh kha a mipui thleng silo hi tunah hei thla kalta mai a ni a, tunah pawh an la sem hlei theilo a ni a, anihna takah chuan Hnahlan khua ah phei chuan. A khaw chhehvelte phei chuan an sawisel ngam lova kudam ah a roll puitling an va hmu a saw zawk saw ka duh e, an tih lahin a lak theih loh an ti bawh si. A roll tlinglo zawk kha an pe zel a, tikhan Champhaiah te an la chhuak a, Champhai leh an khaw inkar kalman te phei chu sorkar tum tur nge anih ka hre lova, a dawngtu in an pe ta a. Chungte chu anih avangin hei hi grape chingtute an tanpuina-ah a lawmawm rual rualin a lawmawmna hi a zikluak lova, chu chu dik zawk deuh hlek a hna thawktuten mipuite zarzo theihna tara an tih theihna turin kan minister zahawm tak hemi Deptt. changtu hian min lo chhinchhiah sak se ka duh a ni. A detail-a a hria duh pawhin nakinah office lamah tepawh kan la in hriattir thei ang. Hei hi thu dik tak a ni a.

Tichuan Sports lamah Demand No. 22-naah hian thalai te tana Sports leh Games nilo thildangah hian hmalakna kan sorkarin a nei em ? tih zawhna tun session ah khan ka pe a, chutah chuan engemaw zat chi 5 an neih thu in min chhang a. Scout lamah te, Youth Adventure lamah te, thildang dang NCC ah te hmalak mek a ni a. Kan thalaite tuihalna hrang hrang sports ah chang ni lo haichhuak turin Youth Welfare Committee te din in kan thalai-ten an mamawh zawngte hi a Deptt. pawh hianin tun ai hian chiang kuang zawkin zir chhuah tum ta sela wawin ni a kan thalaite rualawt ngawih ngawih a awm te hi an dinmun changlung zawkin kan siam thei ang tih ka ring a ni. Tichuan, hei tun July thla chhung khan ni ta in ka hria a ka hriaat sual loh chuan. MLA tepawh Football te leh sports goods hi a subsidy in kan pe thei tawh lo tihna lehkha Sports Directorate lam atang khan kan hmu a, sports goods lamah chuan sum

leh pai hi an nei lova, an hmang thei ta lo emaw kan tih laiin member zahawm tak Pu Zodinluanga zawhna chhanna ah khanin kum 2004-2005 ah pawh hian nuai li singthum sangriat zariat sawmthum panga sports goods ah an lo hmang tawh a ni. Chutih lai chuan khawiahnge sports goods te hi a depts. lamin an pek chhuah a, eng angin nge an sem tih tepawh hi hriat a chakawm khawpin ka hria. Kan bial ten an awb ngawih ngawih Football pakhat pawh kan sorkar/depts. hian a pe thei lo. Inhlawhna a vang si a, chutih lai chuan football a hminga MLA ta chu min rawn dil thin a, mahni sum leh pai ten kan han leisak tawh thin a, a tha pawh kan leisak zo lova. Sports Depts. hi sum hman danah fimkhur zawkin kal se, sports goods pekchhuah danah pawh kal dan rualkhai zawk zawng thiam se a tha ang, ka lawm e.

PU LALTHLENGLIANA : Pu Speaker, kan ram hmasawna tur zawng leh a siam tha zawnga thil han sawi aiin engemaw sawi kar a lehlam va kheuh zawngte in kan han ti thin a. Zir tur hi a tam lo ang reng viau a, kan Sports Minister zahawm tak kaihbruaina hnuajah hian hei tunah pawh football lam ah te India ram pumpuiah India ram pawnlam ah te pawh hminglanna engemaw zat a lo awm a, tiang chuan hmalakna tha tak tak a awm a. Vawiin hi zawhna ni a ni lova, Assam Rifles lammual atan te, khan sum engzahnge kan lo hman tawh Ramhun Field ah te han in zawh hi a chakawm viau a. Chutiang chung chuan nasa takin hma a la a, vawinah te pawh khatiang vei mi anih avang khan vawi tam tak mai kei ngei pawhin ka nawr a. MLA te hi engemaw te chu min thechchhuah ve tch kan bial mite an mangang a nia, kan ti a, hei them a zawng football te leh volleyball te, net te min han pe a, lawmthu han sawi rualin kan MLA senior thenkhat ten hetiang mai mai a tlawn lungawi theih kan ni love te kan in ti lalh lalh mai te hi chu a puitling lo hle in ka hria a. Heng hi kan tih tur emaw ni dawn aw; lawm kan nih chuan lawm mai ila, tin, lawmlo kan nih chuan dawng lo mai ila a tha lawm maw ni le tepawh ka ti a.

Tin, chumi rualin thlalak nen Hotel thlenna te kan han inphawrh siak a, Tourism te phe chu ropui ve dcuh a ni a. Millionaire tam tak chetna te a ni a, MLA pawhin 3 Star Hotel hi kan entitle a chutiang bawkin minister te chuan 5 Star Hotel tepawh House-a an lo len lovah chuan an thleng thei a ni a. Heng em em te hetiang kan inchachhuah duh te, vawiin niah hian tunhma a kan Helicopter hman nasat ziate sawi ka tum lem lova; kan kan zinchhuahna ram khawchhak

ramte leh Hotel ropui tak tak a kan thlenna tepawh kha sawi ka tum chuanglo. Kan Demant lawmawm tak kan sawi rual hian ruling party a kan Minister te leh kan MLA te pawh hi kan nep em em a, tuna Pu Chairman, i veilama thu tepawh hian min ringsang lutuk tepawh a niin ka hria a. Kum 10 chhunga an lo tih loh zawng zawng kha vawikhatah min tih tir an tum a, Maurawkla zawng khuang nei ila han vuak chhuah sak mai hi a chakawm a. Amaherawhchu, zawi zawiin kan la vaw chhuak zel dawnah ngai ila.

Hei Vety Deptt.-ah tepawh hian Vawk vulhna Sairangah in 30 tan, Lunglei-ah in 60 hei hi tih tawh a ni a. Bawnghnute siamna tepawh Kolasib leh Lunglei-ah. Lunglei-ah hian tih zawh tawh a ni a, hengte pawh hi tunhma a thil la awm ngailo reng reng a ni.

Tin, hei Sai-Ar an tih te pawh hi kan la hriat ngai reng reng loh a ni a, a lian viau mai a kg 15 te a tling thoi a. Hengte pawh ni ke pahnih neiah chuan a sa a tui hle a ni, an ti a. Hmanni khan ei ve chhin teh ang ka ti a, ka han lei tir a, a lo tui hle mai a. Ka lei chu kg 8 vel chauh a ni a, heng hi za vel zet tunah pawh an lo vulh reng tawh mai a. Heng tepawh hi mipuiin kan vulh theih turin siam tum mek a ni. Chutiang khawp chuan Vety lamah tepawh hian hmalakna a nasa a. Bawnghnute siamna khawl te ropui tak tak din tumna neih a ni a.

Bus Terminal te hei Transport lamah te Chaltlang-ah a building tepawh vaibelchhe tel man sak mek a ni a, ropui takin a ding dawn a. Amaherawhchu, magic angin thil tih thut, tihlan uar theih a ni lova, hei Car Parking tepawh transport lamin harsatna an neih suikian tumna atan Kulikawn atangin Mission veng-ah, Khatla-ah, Dawrpui-ah, Chandmary-ah te, Chaltlang-ah te, Bawngkawn-ah te, Ramhlun Veng-ah te miengemaw zat Car Parking Loan hi nuai 100 dawn lai pek tum a ni a. Aizawl khawpui motor tawt hi kan vei tlang lo thei lova. Khawpui thar kan la din thei baw si lova, hengte hi a lo thawl theih hian Car Parking te, mipuiin an chhawr theih turin siam tum a ni a. Chutiang chuan heng laia building thar rawn ding reng rengah pawh hemi Assembly Annexe ah teng tepawh hian a hnuaiah motor park theihna turin engkim ruahman vek a ni

Tin, Relief & Rehabilitation ah tepawh 29 crore lai mai han dah tepawh hi, hei hi thil la awm ngailo a ni a, a ropui ka ti a. Kumin a kan chhiattawh dan rapthlak dan te kha a namailo lutuk a, nasa tak mai a ni a. Hei ka bial Mamit ah tepawh National Highway khu sawn a ngai dawn angem tiin in 10 dawn lai tunah khuan an awm rau vek a ni a. In ruakin a awm a ni. Lei tlahniam a nasa em em a,

chutiang chuan hmun tinah harsatna tawh mek a ni a, Aizawl khawpuiah te phei chuan mi tam tak kan vuiliam phah a ni. Natural Calamity a hetiang thil atana hetiang zat kan sorkarin an dah te hi a tuar te tan chuan a thlamuanthlak em em a ni. Chutiang chuan kan ramah kan la hmuh ngai loh thil tam tak awm avang hian mizo mipuite hian an han thlir hian ropui an ti a, khang kan han sawi zingah tepawh khan la hmuh loh awmzel tur ani.

Tin, Mau chungchangah Baffacos han tih ah teng te pawh hian Teirei luidungah te Mau a tui lang reng reng lovin Mau phailamah an tawlh thla a, Zawlnuam pa pakhat chuan heli zozai Mau han tawlhthlak chu a tangkaina tur an hre viau a ni awm a, a ti. Chutiang velte chu kan ngaihdan te pawh kha a ni thin a, min an tawlh thla a, Tlawng luidung khat khatin an tawlh thla a, keinin hman tangkaina kan hre lova, kan hma lawka sorkar kalta te pawh khanin "Na-a chu nise ti hian a ti tur" tih chauh kha an dawn phak nim a lang a. Vawiin niah erawh chuan Mautam tur denchhen in tiang hian hmalakna ropui tak lo chhuak te, Mau siamna tur a Sairanga an awm chho ta te thil an siamehhuak chho te han hmuh hian a ropui em em a ni. Tuna kan mau te hi sum leh paiah kan lo chan theih anih chuan kan lo neih te chu a ve lek a ni thei dawnin alang a ni. Hetiang khawp a mipuia pawisa a luanluhna tur ngaihtuahna a la awm hi a ropui hle in ka hria a ni.

Tin, sorkar kalphung kan han sawite hian "Sorkar hi mipuim an duh tawh lo ani" han tih chhoh a te kha, mipui kan tih te hi tute nge ni ? tih hi ngaihtuah tham a ni. Kan mipui tih pawh hi a zim hlei viau in ka hria a ni. Reiek ah khuan pa pakhat a awm a, Phivawk a awk a, a thau khawp mai a, a zuar a, ka vawksa hi min chan sak rawh u a ti zel a, a unaupa a lei tir a, an ei leh thei si lova, a chhuahchhala unau te pawh pawisak neilo bum duh zel mai a ti a, a ni chuan nimin khan phi tih lai kha ka theihngihl a ni a ti a. In sorkar lai a phi zawng zawng kha in theihngihl vek mai. Vawiin niah thil kan tih loh zawng zawng in sawi a, in duh taykin in ang a, in awmdan hlui kha miten an hmu a, nelai Assembly chhung ngeia darthlalang keh uai uai tepawh kha min an hria, thil hlui sawi hi kan hreh mai mai a ni, tia kan intih kan intih chuan kan sawi ve hun a la awm ang a, Pistol te a bo a, thenkhat minister te phei chu kan in-a an lo leng tur kha kailawnah uluk takin ka kaia chutilo chuan a tlu mai dawn, zingkar a ni lehngal. Khatiang kha kan ni ve bawka, chuvangin, tunah hian keini pawh perfect hi tumah a awm theih tak tak lova, mahse in siamtha zawngin kal ila. Thil hlui, tul lo sawi loh hram kan tum a ni. Nangni pawn a phi lai chu hre ve deuh hlek ula. Chu chu nise, ka lawm e.

PU S. HIATO

Pu Chairman, N. Vanlaiphai bialtu khan keiniho hi min ring ve Khang Lang Khan ka hria a. UPA leh Congress sorkar-ah hian sum pawh a tul chuan min dil pui rawh u, ti Khan min ngen Khan ka hria a. Min chawimawi viauin ka hria. An thawh that viau chuan kan sawipui zel ang. An thawh that loh erawh chuan kan ngawi mai mai lovang.

Hei, vawiinah hian Opposition kan nih avanga hnial mai kan ni lo tih hi min hriatpui ula. Thil tha kan duh a, ram siam kan duh. Mipui thlengpha turin Budget awm se kan duh, kan sawi hi chu sawi mai maiah min ngaih sak lo hram ula. A tha lai hi chu min pawmsak ve ula, kar thiamna leh mi thiamna nena in tan chuan in tha viau ang. Mahse, in hman thiam si lohva, kan thu in lak si loh chuan a leh pekah hian sorkar kan tum si a, in lo ti chhe vek ang tih pawh kan hlau a lawm mawle.

Pu Chairman, mi sawi tam-loh lam atangin kan tan ve teh ang. Transport hi. Hei, Transport hotu te pawh tam tak an awm a. Minister zahawm tak Khan tukin lama a chhanna-ah tepawh kan hmu tawh a, Transport hi mitin tan a ni a, mirethei tan a ni a, tunhna zawng phei kha chuan Transport Bus ah te hian mitin inngah a ni thin a, tunah erawh chuan private bus te, mini bus te chi hrang hrang a lo awm ta a, kan lo zangkhai la a. Chuti chung pawhin a kal ve zel chu a tul ani ang a, kan hriat dan leh report awmdanah hian Transport Deptt. hian a hloh zel mai a. A hlawk ngai lova, profit nein a kal lova. chuvang chuan sorkar report kan hmuhah te pawh Khan kum tin hian crore 5.31 atanga 11.01 hloh angin an chhut ani. Chutah establishment leh a hnathawh zawng zawng a hman chhuah chu 11.76 crores ani. Chuti anih chuan hlep awmlo, hloh in a kal a ni a. Heti anih chuan a changtun deuh dan hi ngaihtuah a tha lawm ni? An kalna-ah hian tha takin kal law law se, ngun takin enkawl ni bawk se, a thawktu te pawh stricts taka enkawl ni bawk se, hlep ngei ngei tur hian tan la se tih hi kan duh a ni.

Pahnihna-ah chuan hei Tyre Retreading Machine tepawh an nei a, chutah chuan hman tangkai lohin a awm a, a landan chuan kum hmasa Khan Tyre pawh 2754 cheng nuai 52.6 sengin private firm atangin order a ni a, an neih ve si chuan an ta kha tha takin function tir mai se, hlawk zawkin a tih theih lawm ni? Private pawhin hlawk taka an tih theih chuan engatinge sorkar zawk hi kan hlawk loh thin? tih lai hi kan sawi hmasa duh a ni.

Tin, Taxi leh Bus Permit chungchang hi ka sawi duh bawk a. Hei, Aizawl khawpui hi a tawt em em mai a, chhan ber hi chu a tam berah chuan Taxi a ni mai. Hlawk pawh a hlawk tawh bawk silo, kawng ti tawt si, pekbelh zel bawk si hi engtin nge maw policy kan ncih ang le. Engpawhnisc, Pu Chairman, kan Minister hian helam hi chu lo insum ve tawh deuh se, a awm tawh sa hi tha takin enkawl se, anih loh leh tlan tha thei manglo a hlui te hi a condemn ngam law law ang em ? tih te hi min enpui se ka duh a ni.

R & R hi kan sawi ve leh ang a. Ilo Deptt. hi an rawn sawi hlawm a, a lawmawm viau a. Mizo hian Silpauline hi kan lo ngaina aniang. Election hnukung berah khan Silpauline sem hi a tam em em mai a, sem tarana lamah kha chuan an tling deuh sap sap a ni a. Chutiang khawp chuan Silpauline hian role a play a ni. Tum tumah hian engemaw zat pekchhuah a ni a, midangin an sawi a, kei hi ka lo a bik emaw ni, MLA ho chuan 8 te, 12 te kan chang an ti a. Kei chuan pakhatmah ka chang ve lo a ni. Kan sawi pawhin awmzia a nei lova, Saiha District-ah kan awm a, Silpauline dawng theitu te hi chu Division a President/Vice President/O.B. chinin an dawng a, an lachhuak a, a thenin an hralh a, Excise hovin an man nasat ber chu luidunga zu thlawr nana an hman a ni. A hman lohna tura an hmang hi a pawh a ni. Tangkaiah hmang se a pawh ka ti lo, hengte hi party induhsakna chi pawh a ni lova, Khawzawl bialtu sawi ang khan a tul tak takah hman nise, MLA te hi chuan kan bialte hi chu kan hre ve a lawm le. Tin, dik chiahin harsa tak a thlan tlin kan ni a, mipuite kan hmangaih ve alawm mawle. Dawng tur tak tak te kan hre ve asin. MLA te ring ngam lova thlah thlak vek ringawt a, Unit leh eng eng emaw hman ringawt hi chu i bang tawh ang u. Heti anih hi chuan kan chhe tulh tulh dawn, kan minister zahawm tak pawh Lo-ah feh ta se, Silpauline hi thlam chungah an chih deuh vek ang. Mizoram pumpui deuh thaw ah hian. Chu chu a hmanna tur dik tak a ni dawn em ni ? A hmanna tur dik takah hian hmang ila a tha lawm ni ? tih kha ka sawi duh a.

Tin, kumin kha rial leh thli kan tuar nasa a, bial tinin kan tuar a, kan bialah tepawh in te, rangva pawh kan hmu lova, silpauline pawh kan hmu pha lova D.C. atanga Rs. 1000/- te Rs. 500/- te in kan dil a, kan hmu a, chu zawng chu a ni mai a. Chuvangin natural calamities a lo thlen tak tak hi chuan tumah thliar hranna awm lovin bial pawh thliar hran ni lovin a tuartu dik tak te hnenah hian kan Minister hian tan a lak a, a Deptt. pawh hian midang thu ring lovin MLA pawh nisela an mahni hmutu officer te hmuh ang hian kal thei sela chuan a fair awm mang e tih hi ka rilruah a awm thin a ni.

Tin, Vety ah hian. He Deptt. hi a pawimawh hle a, kan sawi tawh angin Chaw kan ei apiang a sa hmeh lova ei thei lo hi kan ni a, Chawhni tuk pheih chuan compulsory a ngai kan ni a. Khawpui Aizawl-ah hi chuan kan intodelh thawkhatin ka hria. Mahse, thingtlangah kan intodelh lo em em a, tual vawk atanga intodelhna tur kcini lah hian NIUP kan ti a, in chhonzawm tawh hawk si lova. Tin, Sial leh Bawng te enkawl ngai mang lova ram a tla thin Animal Control Act in-a a huam tel loh ramte hi ear-mark sak ula, Co-operation Deptt. te pawhin tunah loan te an sem mek a, Apex Bank atangin Board of Director te dilin an sem mek a ni a, keini lam pheih saw chu krismas emaw, kum thar emaw, nupui/pasal inncih-ah emaw Sial talh loh hi chu a kimah kan ngai ngai lova, Sial han talh leh a mana in pek hi chu a nghet bik deuhin kan hria a. Inthen tepawh hi a har bikin kan hre thin a ni. Chu chu customary, kan rilru anih avangin tunah hian khaw thenkhatah chuan Sial vulh te an awm a, Bawng vulh te pawh an awm a, chuta tan la dunin loan lak theih theih te nen a deptt. te nen bei ni sela, chu chuan sa-ah kan intodelh phah dawn a, thildang dang economic-ah pawh kan thang dawn a ni. Chumi tur chuan taima taka tan kan lak chuan a tih theih a ni tih hi kan hria a ni.

Mamit bialtu chuan Sai-ar a ti a, za(100) a awm a ti mai a. Za chuan Mizoram pumpui hi engtingge maw kan tih dawn le, hmanah khan a thatzia min hrilh a, a that chuan District tinah hian min rullh tir se, Poultry Farms tepawh min tih sak rawh u, District tinah dah zat zat rawh u. Poultry Farm hi kum engemaw zat atang khan Mamit leh Lawngtlai leh Saiha-ah chuan Poultry Farm te min khar sak tawh a, hei pawh hi min hawnsak leh a ngai. Backward Area zawk hi chawisan hmasak a ngai a ni. An duh ang hi kan duh ve tho a ni tih kha min hriatpui teh u.

Agriculture hi kan Minister hi a rilru leh a thinlung zawng zawng hianin organic farming in a khat mai a, organic lam ringawt a ngaihtuah hianin leh lam organic thlen hma-a kan kalna tur hi a kalsan palh ang tih hi kan hlau a ni. A thusawi thenkhat kan lo hriat danah chuan fertilizer hi tur ni lek lek angin keini kan lo interprete danah chuanin a awm tlat mai a, fertilizer hi tur anih chuan Mizo mipui hi hcti chen chen chu kan dam lo ang a. India ram pumpui pawh hi kan dam lo ang a, tih hi kan rilru-ah a awm a ni. Fertilizer tel lo chuan Sihphir Iskut a kal theih tawh lova, Leilet zawng zawng pawh a tha thei tawh lo a ni a. Chuvangin, organic hi tunah kan tan dawn chauh a, chu pawh selected area chauh a ni lehngal dawn a, mipui tam zawk min khuh tur hi min ngaihtuah teh se tih hi ka sawi duh a.

Tin, Irrigation hi tha deuhin min kalpui teh se, irrigation an siam zawng zawng hi lak tlak tak tak a awm lova, pawisa tam tak an seng tho si a Hei hi mipui tan a tangkai em em a ni, hei hi enngun leh deuh teh se tih ka duh a. Tin, ran talh sak thei thei dingchang ringawt, party unit lehkha keng ringawt tanpuina hmu tam lutuk hi hma kan sawn lo a ni. A thawktu dik tak hi chuan tanpuina hmu rawh se, chumi tur chuan Deptt. ah hnathawktu tam tak in nei alawm mawle, hnathawk tak tak te ear-mark teh u tih ka sawi leh duh a. Hei savang thlai chin hun ani dawn tawh a, Alu, Purun leh Thlai chi hrang hrang atan a hun tawh a, a seeds lam pawh tun thleng pawn in la ti lovin ka hria a, min tihsak vat vat turin ka duh a ni.

Tin, Supply hi Pu Thlenga khan Session hmasa-ah khan MNF sorkarah chuan Gas hi a tam lutuk a, kan mutheilo a ni, zingah min han kaitho a, Gas in duh em ? min han ti a, a ti a. Tunah khawiah nge a awm tak ? Gas la tur intlar tam zia khu kan veng lamah chuan Gas bur khat Rs.380/- in kan la lei zar zar a ni. Chini pawh kan ngheina a rei tawh. Kolasib biala a tam tih ringawt Vairengte an hnaih avangin a man tlawmin an lei a niang chu, keini chu a thleng phalo a ni.

Tin, supply a pawimawh ber chu Pu Chairman engatinge S.K.-a te kha kan control that loh ? S.K. hian an Sale Proceed reng reng hi an pawisa emaw an ti mai. chu chuan motor an lei vek thei, contractor-ah pawh one-tone an lei a, anmahni in an phur vek mai a, a bill pek a pawh an ni chuan awl takin an la thei a, tam tak chuan bill pending avangin an phur hleitheilo tih hi kan Minister hian a hria em ? chu chu min ngaihven sak sela kan duh a.

Tin, Sports ah a landan chuan District Headquarters Lunglei, Aizawl, Kolasib leh Champhai ah chauh Office sak tur an nei a, engatinge Saiha te hi District hmasa ber, Lunglei, Saiha tih lai atanga awm si, min hmaih flat le ? ani pawh chhimlam mi a ni ve tho a, Indoor Stadium pawh kan nei lo, Playground puitling pawh kan neilo, thalaite infiamna tur pawh kan nei lo. Labour & Employment a chang lehngal a, Labour & Employment hi central-ah chuan portfolio tha ber a ni a sin. Pu Chairman, chuvangin hetah hian thalai zawng zawng len theihna scheme awm lova te tak te Labour & Employment ah hna ruak zawn nan ringawt kal tawh lo ang u tih ka sawi duh a ni e. Ka lawm e.

● **PU LALRINLIANA SAILO :**

Pu Chairman ka lawm e. Kan Demand sawiho hi a hmasa in sectoral allocation kan thlir nual a, tlem tlem a lo pung chho budget pung hi a lawmawm kan tih rualin ka rilruah chuan Central Sorkar ngilncihziate kan hmu a, kum 1997 leh 1998 inthlan dawn hnaih a tute emaw hekna vang nge ni Zoram-ah budget punna 3.2% chauh an ni kha tunah hian a danglam hle in ka hria a. Kei chuan central-ah khuan anih ka ring lova. Inthlan dawn hnaihah budget a lo pung lo anih pawhin chutianga helam atanga hekna ni lovin hman thiam loh avanga hniam anih ka ring a. Chuvangin chung te chu ka ngaihtuah chhuak rum rum a.

Tin, a lawmawm kan tih rual khan, budget pung anih rual khan helaia Finance Commission chairman ho an lo kal a, kan Opposition Party te hun pek ve mang loh an nih tum a kan Chairman zahawm tak in a kan Opposition Leader zahawm takin a phone-a in harsatna Delhi i lo kal hmasak berah rawn sawiin Mizoram dinhmun min lo hrilh ta che an tih te. Tin, Delhi a liam thlak hnu a hun tha tak an nei a, engemaw point te an tick hmak hmak tih kan hriat te kha lawmawm ka ti a ni.

● Hei kan Demand sawi tur hi a bul berah chuan Agriculture kan ti a, Buh lampang a ni a. Mahse, a vaia kan sawi theih dawn loh avangin ngaih pawimawh lai kan sawi thuk thuk ang a. Sum hi eng ang pawhin passed ila a hmandan a kha an sawi ang kha a ni a.

Thlaichi lei hi ngaihthlak nuamlo pawl hi a ni reng mai a, a tihdan chi dang hi a awm lawm ni le ? heng zokhua hnathawktute tharchhuah leidan hi a awm em ? A thlakna hi i zawng tch ang u. Thlaichi hman session a kan lo thlir dan ve ah te khan Antamchi quintal 1000 dawn lai lei a ni te kha ani lo reng reng mai ani. Chuvangin, fimkhur lehzualin a sawt zawngin harsate thleng zawk leh tangkai zawk tur hian tihdan a awm em tih kha ka rawtna a ni a.

● Tin, khawl emaw, Power Tiller emaw ang chi semna-ah hian tuna kan kalphungah hi chuan MNF Worker in an hmu a, Party dang hnathawktute tam takin an lei lehchhawng thin a, chu chu a dik hlel tlatin ka hria. Kut hnathawktu tak tak lai a hi kan en a tha lawm ni aw, hun lokal turah chuan heti zawng hian ngaihtuahna nei ila tha in ka hria.

Hei Baffacos te kan ti a, Mautam ah Agriculture pawh a in puahchah nasa hle. Ka sawiduh chu Baffacos ah hian Opposition MIA telve kan ni lo reng reng. Ruling te chauh hian em ni face in tum tih hi ka zawhna a ni. Kan ti ho dial dial ang a, kan bialah te a lo thleng ve lo ang tih a sawi theih loh. Chuvangin, hetah hian tih dial dial dan a awm lawm ni ? Tuna a landanah chuan Bafacus hmun hrang hrang a an tih nizanah ka chhut a, crore 179 vel niin ka hria a. Hemi a pawisa lai a hi kan hual viau ni in a lang a, a diklo in ka hria, fimkhur tha in ka hria.

Tin, a Buhtuh kan zo tawh a, Food & Civil Supplies Demand No. 17-na hi kan sawi tawh ang khan pawisa awm mahse a hmanna ani kan tih kha. Vawinah hian sawi hrehawm ka ti khawp mai. Session hmasa ah ka zawt tawh a, Starred Question a ni a, a rawnlang hman lova, tunah Pu Zira'n a sawi tawh a, Fire Extinguisher kha nuai 20 vel tullo a lei kha a dik lo hrim hrim a ni. Lei hma khan ka zawt a, tunah lei a a wm hi chu hemi House inzhlohna ah ka ngai a ni. Tunah khian pawisa vehicle bill nuai 67 lai niin ka hria an ba a ni. Ka sawichhuah a ni a, ka duh duhin ka hmang ang tih thawm te a awm anih chuan tunah hetiang a kan kal chuan a dik lo hrim hrim. Sum hi kan ta vek a ni a, mipui ta vek a ni a, ka duh duhin ka hmang ang tih kha chu chin loh a tha ngawtin ka hria. Tunah pawh khang ang carrying contractor bill pek chungchangah pawh heta huai taka mi han pawh chhuah ang chi te a ni lo hrim hrim in ka hria. DCSO hmun hnan hnan a mite pawisa neih loh avangin an han thawn lut a, dik lo tak a senior te leh bill lo nghak tang tang tute pe lova duhsak zawngte pek zak zak kha chu hnathawktute pawh kan ti lunghnur ang tih kha a hlauhawm hle in ka hria.

Tin, Gas pawh hi hmanni ah pawh ka gas lei chu tui a tam lutuk a, ka return dawn a, ti lo mai rawh tiin min ngen a, a bur ka pe let ringawt mai a ni. Tui a tam lutuk a, fimkhur a tha lawm ni kan ti a.

Hei thunawi mah nise, sawi hrim hrim aka duh chu M.L.A. Quota a khawnvartui te, MLA kher in lak tur a ni a, khawnvartui la a kur kur tur em ni aka nih ka ti deuh a, engamah nilo mahila, MLA kher in lak ang tura vawihnih khata tirh tawh a, an lo pe thei lo a ni, a paw ka ti khawp mai. Chuvangin Food & Civil Supplies ah hianin fimkhur leh zual ila sum lehpai hmanah te hianin kori a tuchho in ka ring a, ram leh hnam tan kan sawi lawk a ni.

Tin, hun a tlema, Agriculture kan tihfuh a, Food & Civil Supplies kan tihfuh chuan hei Sports ah lut chho ila, kan taksa te a lo chak tawh anga, Sports a ka luh dan tum hi Kolasib bialtu zahawm tak khan min lo hrethiam ula, in duh loh zawng ani emaw, tunah hian Champhai leh Kolasib ah hian District Sports Office hawn a ni a, District Sports & Youth Office staff an awm tha chuang mang silova, BDO charge an la bawk lova, clerk te M.R. in an ruai mai mai a ni, awmzia hi a awmlo hrim hrim maia miin luahin rental charge nen tiang khan ho tak hian sum leh pai hi a liam a, eng eng emaw hi duhthusam lo hi a tama, a output lampang hi a tam lo a ni, anih tur angin ani lo lutuka, chutiang ai chuanin tunah hianin Champhai-ah te hengang Kolasib ah te hi chuanin State organiser an awm ve ani a, charge te an la a. Chung ai chuan hetah hianin capital ah tha takin hmang tangkai ta zawk ila, heng hi close ta rih ila huai tak maiin, sum leh pai kan lo neih hunah emaw nakinah hun tha te a lo awm anih chuanin chung hunah chuan tha taka din ni zawk se, ti lem luain a sum leh pai ral mai mai ang hi chu a uihawm hlein ka hria. Chumi anih loh chuanin a aia tha zawka a nihna ang tak a function sak hi a tha law law lawm ni, tih kha ka han sawi duh ania.

Tin, Co-operation ah hian thu han sawi leh ka duh a, Co-operation firms and Societies a registration chungchangah hianin fimkhur a tha lawmni aw, ka ti sawi hrehawm tak phei chu ani tunah hianin keimahni - kan ram leh ram leilungfa kan nihna anga kan la expose loh hi tam tak a awm a ni, entirnanah, Rural Development Society te emaw khan District te emaw a awm teuh thei a, block wise pawhin, chutiangah chuan Mizoram leilung fa ni chiah lo state dang atanga lo kal sawi pawh hrehawm tak Manipur pawh ani maithci ani, an tam tawh lutuk a. Danah, norms ah mite tih ang a dan siam kha a theih tawh si lova churang chuan kan chan tur hi thangthar leh zirlaite rawn hriatthiam tura hi kan chan dawn niin ka hria, kum 3/4 vel atang khan a rawn hluar emaw chu ka ti a, zofate thalai tam tak zirlaite tana hnathawh tur tam tak hi Manipur chhuak hian registration an hmu tam lutuk hi ka hria a ni. Hei hi a la pawl dawn in ka hria, kum 10/20 a kal ang a, a pawl ka la ring tlat.

Pakhat leh chu Apex Bank hi corporation hnuai a ni a, engtinngc hei aia upgrade dan hi kan neih ang ka ti a ni. Keini ang rual harsa deuh tan chuan SBI hi a dawr ve theih loh, an ngeng em em mai a. Tin, tunah hian miharsate leh changhai zawkte loan pek tur percentage an pe chhuak lo hrim hrim a ni. Churang chuan, central atanga pawisa lo kal ang chi pawh hi Apex Bank ah hian transaction hi ti lut tam ta ila a hlawkna chu keimahni tan vek a ni, kan tan liau liau a ni.

Chuvangin, tunah hian Apex Bank a lut lovin Vijaya Bank ah te a lut tam lutuk a, kan Bank a ni a, kan ta a ni a, Apex Bank ah hian hei aia tha zawk hian tih dan a awm lawm ni tih kha kan sawi leh duh a.

Tin, Tourism chungehangah hian, Tourism hi nitinin a pawimawh zual dawn a rawna tha lak pawh ka nei a ni chuang lova, mahse, tun ai hian tha takin a tih theih. Hmanni-ah Chhiahtlang-ah ka kal a, a bal lutuk a ni. Receptionist ka ko hrang a, khawngaih takin heng ang hi chu a tihfai theih lawm ni ka ti a. Mikhualte an lo kal ang a. Sap te an lo kal ang a, an rawn chawl duh ang, Kohhran mite an la kal ang a. Chuvang chuan hei hi chu a har lo, a tih faina ka rawn leisak dawn che em ni ka ti ringawt mai a ni. Hetiang step alang chin mai mai pawh hi khatiang khan hei ai a kan way-side restaurant tepawh hi maintain a tha dawn lawm ni tih te kan sawi duh a. Tih, sawlaia pawisa tam tak senga sak tawh Tawipui bula mi tepawh saw House-ah pawh an sawi tawh in ka hria, khang ang chi a tepawh kha hmanni ah kan va kal a, thla te kan va la a, thli ten a chung kha an la chhe hei huai mai a. Tiang zawng khanin maintainance te heng a hi a aia tha zawk ten a tih theih lawm ni tih kha ka han sawi ve a ni e, Pu Chairman, ka lawm e.

PU LAL THANHAWLA :

Pu Chairman, tuna kan plan size neih leh secular sectoral allocation kan neih te leh vawiin a demand kan han sawi hrim hrim ah hian a tlangpuiin kan lawm tlang a.

Tin, heng peace percentage tepawh hi thatlang viau nun a hriat a, a lawmawm khawp mai a. Amaherawhchu, atam ringawt a hi lawmna tur a ni lova, a hmandan utilization hi a pawimawh zawk a. Kha nimirah te, nimirah lamah te khan member zahawm tak thenkhat khan Plan Allocation hi performance atanga pek emaw ti niawm tak khan an sawi thin a, helai member te hi chuan kan hriat theuh a tha a, performance lam atangin an ngaihtuah ngai lova, argument thiam atang ringawt pawhin an ngaihtuah ngai lova, need base hian a kal deuh ber thin a ni.

Tin, chumi piahlahmah chuan present thiam point chu a awm turah ngai ila, chutiang chu kaldan tlangpui a ni. Chutiang nilo selangin Bihar angah te khuan nitin deuhthaw, thlatin deuhthaw scam bawlhhlawh tak tak laih chhuah reng a ni a, an case percentage hi a tlem hle tur a ni a, chutiang chu a ni lo ani tih kha khan an ti lang chiang phawt a. Tin, tuntumah hian kan emphasis duh chu hun kal ta ai khan heng kan sum neih te hi kan hmang tangkai tur a ni, kan hmang tha tur ani tih hi kan sawi duh a.

Tin, keini opposition tepawh hi opposition kan nihna avanga oppose mai kan tum lova, Treasury Bench te hian "ruling party te hi" kan theih ang angin han siam that kan tum a, chungtc avang chuan 1998 a inthlan zawh a kan han chhuah pawh khan Shukla Commission of recommendation avangte Non-lapsable Central Pool atanga sum kan hmuh turte, khami a pipe line a awm kha a thahnem em em mai a ni. Chuvang chuan kan hotupa kan Finance Minister ni thin Pu Lalsangzuala thahnemngai khan in vawiin a kan Chief Minister zahawm tak pawh hi a len khung a, kan hotute remtihna in. Chutiang chuanin sum a rawn tam dawn a, a lawmawm dawn khawp a, amahcrawhchu he sum lokal tam tur hi thataka/diktaka kan hman chuan Mizoram in kan that phah ang a, kan hmanloh erawh chuan kan chhiat phah thei a ni tiin, ti ti puina thatak a nei nghe nghe a ni. Hun a lo kal chhova, keinina kan han hmuhdan chuan Judicial Rules kha a awmta lo a ni. Centrally Sponsored Scheme te hi keini ang chawl tawh tan chuan hriatsen rual loh a awm a, chung zawng zawng chu kan han zinkual a kan hmuh ve ang chuan Ruling Party mi nih loh chuan hlamchhiah an ni ta zel a, Village Council thlengin. Chuvangin Pu Speaker tuna kan hman leh kan Demand sawimek tepawh hi chutiang zawnga Ram leh Inam siam nan, mi harsate dinchhuahna tur atana tanpuina atan kan hmang dawn anih loh chuan an lur ngaihna lamah min hruaizel ang tih a hlauhawm khawp a. Chuvangin, chutiang zawng chuan kan sorkar pawh hi tan la turin kan ngen duh a, chutiang kawng a tan an lakna kawngah chuan theihpatawpin khawiah pawh tanpui kan intiam a ni, tih kan sawi duh a ni.

Tichuan, tunah pawh hian N.E bik

development atan Infrastructure Development atan te leh heng insurgency problem te hi tun sorkar thar hian a vei em em a, keini ang tehlu pawh min ti ti pui ve a ni a. Chung ang atan pawh chuan cngnge tha ang tih hi economic atang te leh thildang dang atang te in an ngaihtuah nasa a, chutah chuan rawna kan pek ve chu. Shukla Commission Recommendation kha kan hotupa Pu Sainghaka pawh hi a telve a India hmarchhak state pasarih atanga politician aiawh awmchhun a ni nghe nghe a ni. Chumi recommendation chu a tlangpui chu kan hotuten in hre vek a, chung tepawh chu adopt leh a, a siamthat ngai siamtha a, a relevant tawhlo te a awm anih chuan pah a, chutianga ti tur chuan tunah hian DONER tepawh kan nawr mek a ni a. Anni pawhin an ngaihtuah mek a ni. Chutiang chuan a kal that theihna turin kan hotuten theihpatawp an chhuah ve a. Tin, helaia a hmandanah pawh a tha thei ang ber a hman atan kawng dap a ni. Chuvang chuan keini pawh theihpatawp kan chhuahpui duh tih hi kan sawi hmasa duh a ni.

Tichuan, Pu Speaker hei Relief & Rehabilitation, nichinah hotuten an sawi tawh a, Silpouline tangkai zia chu sawinawn a ngai lova, tunah ruling party te tak hian an hria a. Inthlan dawnah pawh khan Pu Speaker, I hre ve thovin ka ring a, a nuai sawm tam tak man kha an sem reng a ni a. Hmun tam takah chuan an chak phah pawh ka ring a, chutiang chua a ni. Tin, vawiin niah hian engkim atan kan hmang ti ilang a dik awm e. Aizawl khawpuia concrete building lianpui pui te pawh a chim loh nan Silpouline hi kan hmang tawh a, Mizoram ang a Silpouline hmang tangkaina hi a awm awm lova. Amaherawhchu, chutah chuan MNF member-te nilo chanvo chu a tlem hle a ni, kan ngaithla tawh a. Kei ngei pawh hi experience tu ka ni. A hminga kan bial ve te leh hmundang dangah District Headquarters ah tepawh kan zin a, chungah chuan ruling party nilo tan chuan a harsa khawp mai. Chuvangin, heng kawngah tepawh hian mizo theuh kan ni a, ram kan siam dawn anih chuan mizo a tu a pawh hi kan siam loh chuan a bing in kan in siamin ram hi kan thang dawnlo tih hi hria ila. Hun lo la kal zelah pawh furpui te kan la tawng teh zel a ng a, chung hunah pawh chuan kan hotuten ngaihtuahna fim tak nen an hman a tha a. Mithenkhatin mamawh ngawih ngawih a an hmuh theih loh lain thenkhatin an zuar an zuar mai hmuh te hi hrehawm tak a ni. Chuvangin, chutiang chu thleng tawhlo turin kan hotuten tan la se, keini pawhin tanpui kan duh a ni.

Tin, hei sa ei hnam kan ni a, tunah hian ramdang atangte in kan la lut a, vawiin ah chuan kan ram leh a khawpui area pawhin a daih lova, market place ah lo mahni remchanna apiangah hian sa te an zuar ta a, chu chu a hrisello hle a. Ramdang atanga lokal vawiinah chuan kan ram hi India hmar chhakah remna leh muanna, a muanawm ber avangin domestic tourist bakah foreign tourist tepawh kan dawng tam a ni. Chuvangin, hengho hmuhah hian kristian hnam, hnam changkang tura ngaih kan nih lai hian heng thil hian min pawthniam ang tih a hlauhawm a. Heng tepawh hi felfai zawka tha taka ngaihtuah turin kan sorkar hi ka ngen duh a.

Tin, kan hun hmasa lam daih atang tawh khan ngaihtuah a ni a, ranralhna tur, vawiinah hian engtingge sorkar hian a ngaihtuah zui dan te hriat a chakawm hle a. A chhan chu hmun tinah a remchanna hmun hmunah rantalh mai te hi a dik hranpa lova. Tin, tunlai hian Aizawl khawpuiah hian ran thi sawn kan ei tam hle in ka ring. Nimpiniah maiah khan Seling ah ka kal a, chung atang ringawt pawh chuan an rawn phurh hlum, engvanga thi nge pawh hriat loh nikhatah a chang chuan pahnih/pathum te Vawk a lo lut thla a ni tih te hi chiang takin min lo hrih a. Chuvangin, hengte hi hnam a lo hrisel zawkna turin eng angin nge kan Vety Deptt. te hian hma an lak tih tepawh hriat a tul hle in ka hria.

Tin, Transport Deptt. tepawh Deptt. zawng a hlawk lo ber a ni a. Amaherawhchu, hmanah Minister Pu Bawithuanga'n helam thil hi zawng mipui thil a ni a, kan hloh hlepah kan chhiar a ni ti ila a tha mai a ti a, a dikna chen awm mahselangin sorkar hi hlohin a kal reng thei lova, privatisation kha kan sawilar hle thin a. Vawinah hian engnge kan sorkar dinhmun ta hi tih hriat a tul a, chung kawngte chu mipuiin kan hriat a tul a.

Tin, Law & Judicial ah hian Separation of Judiciary & Executive tih hi kan chawilar hle a. Helaiiah pawh zawhna kan siamin kan tum ani tih a awm thin a. Vawiin thleng hian engmah action lak tak tak chu kan la hre lem lova, kan sorkar dinhmun dik tak hi session hmasa lamah zawhna te kan zawt a, mahse a hriatchian hleih theih lova. Vawiin a kan dinhmun dik tak hi engnge ni ta tih tepawh hi hriat a chakawm hle a ni.

Tin, kum thum chhungin ei leh bara intodelh tum kan ni a, mahse tunah hian kan intodelh rih lova, tu tomah kan dem hranpa lova, a theih rih loh a ni mai a, sawi ringawt hian a lo theih hranpa thin lova. Chuvangin, ei leh bara kan intodelh dawn chuan Agriculture leh Horticulture bak hi a awm lova, service dang hi chu an pawimawh tho na in anni hi a pawimawh hmasa ber a ni. Niminah khan kan sawi tawh a, Director nimina kan sawi kha tunah hian suspend a ni tawh em aw ? tih hi kan la hrelo cheu a ni, nakinah Minister-in rawn sawi se a tha in ka ring a. Khati khawp khan kan sawi a, mahse action lak anih loh chuan vawiin hian a sawitute tan a zahthlak a, khatiang officer khan a hmusit zui dawn a ni a. Chu chu he House-in a phal tur a ni lova, chuvangin, khami kha action lak a ni em hriat a tul a. Tin, ani kha a soal fal bik pawh a nilo nimin a mi kha chu chip of the ice-berg lek a la ni, a aia turu hi a tam lutuk Horticulture ah tepawh a awm teuh mai kan la hailang lo mai mai a ni. Chuvangin, nakin zela an timna tur atan kan han hailan hmasak hi chu appropriate action hi lak zung zung a tul hle a ni tih hi kan sawinawn duh a. Chuvangin, Deptt. dang dangah tepawh timna chang an hriat theih nan te helaiia mipui aiawh thu te hi kan inang vek a, democracy ramah chuan chung ho pawhina an zah leh a tul ang a an hlauh thiamna turin sorkarin helaiia thute hi thlavang hauhin action an phut ang hi an lak nghal zel kan phut tlal a ni. Chuvangin, heng Deptt. pahnihte hi a pawimawhzia hai rual a ni lova, Agriculture Deptt. ah hian engnge a vang leh a chhan pawh kan hrelo Mizo Agriculture Director kan nei thin a, hnamdang zawk duhsak loh tur ka ti lo, amaherawhchu a felna reng reng hriat tur a awm lo, chumi duhsak vanga Mizo khati lutuka han nghaisak te kha hnam tan hian a zahthlak in ka hria a, hnam angin a zahthlak a ni, a soal anih chuan hrem mai tur. Amaherawhchu, la chhawr thei loh chhawr tlaka ngaih hi hnamdang mi junior lutuk zawk duhsak avanga mahni hnampui khati lutuka han sawisak te kha hnam ang hian a zahthlak in ka hria a, tun hnu-ah awm leh chi a ni lo a ni.

Nichinah khan kan MLA zahawmtak, Khawhai bialtu in a sawi a, vawiinah hian nakina kan sawi tum a ni na a, kan sawi nghal ang e. Kan Labour & Employment chungchangah te exchange-a in register lo hnalak chungchangah te hian kan sorkar hian tih dik loh tam tak a nei a ni. Vawiinah hian children of the soil hi kan duhsak hmasa ber tur a ni. Amaherawhchu, hnamdang a bik takin vai kan tih tepawh hi awlai takin an in register zung zung a, chung chu keimahni tualchhung han superceed hi nakin zel a thangthar te zel ah khan harsatna siamna a ni tih hi hria ila. Tin, Mizo hnahthlak ro ro ah pawh tualchhung mi hi kan induhsak tur a ni. State dang zawng zawngin an tihdan a ni. Vawiinah hian tualchhung lo in min chiahpiah lutuk a, tualchhunga kan thalaite leh lehkhathiam te aiin vawiin ah hian an dingchang tam zawk tawh a ni. Nakinah chuan tualchhung a mite min la hnekchhuak dawn a, sumdawn-na lam ani emaw, sorkar hna a ni emaw kawng tinrengah hian tunah hian tualchhung mite hi nekchepin kan awm mek a ni. Chuvangin heng kawngah te hian sorkarin hmalakna tur tam tak a nei a, chung angah te chuan harsatna an nei anih chuan keini ho hian kan ram, kan hnam tan leh thalaite hamthatna tur atan chuan theihpatawp, tlem mahsela kan thawh thei a ni tih hi an hriat ka duh a, tun hun remchang hmangin kan sawi duh a ni.

Tin, Food & Civil Supplies chungchangah khan Gas te leh thildang dang kha a lo tam ta an ti a, a lawmawm a, amaherawhchu, a lo pung anih pawhin hengte hi India rampumah a pung ani tih kha

**PU H. RAMMAWI
MINISTER**

Pu Speaker, a chemical tello kan lakluh dawn avangin a pawisa tepawh kan pawk deuh hlek a ngai a, hemi atan chuan vawi khatna atan chuan duh leh sen pawh

kan in seng deuh mai ang tih kha member zahawmtak Pu Liansuama rawn sawichhuah ka chhanna kha nisela. Tin, Sihphir Iskut chungchang ah khan Pu R. Lalziriana kan member zahawm takin a hmanni-ah a rawn zawhah khan a rawn confused a, keiin ka chhanna-ah khan ka confused ve a, kan confused tawn ve ve a, a chhan chu a rawn zawh danah khan Champhai leitha nen khan D.A.P. nen khan a sawi kawp ta a. Chu chu kei khan khatiangah khan ka ngai a, Champhai-ah khan khatiang khan an hmang a, Sihphir-ah khan an buai dawn tih kan hlauh avangin a bikin kan chah sak hlawm a, D.A.P. leh Urea hi kumin atan chuan i ti mai ang, amaherawhchu uluk takin control ula, nangmahni chauhvin hmang rawh u aw, hei puan pawh kan la puang rih lova, a re-action hi Mizoram-ah kan ngaithla a, kan bengin kan hria a, nangmahni atang chauh hian re-action a awm a, chuvang chuan a that loh zia

tiin kan inhrilh a, thil awmdan engkim kan in hrilh a, amaherawhchu, alternative kha kan in ralrin hman tawh loh avangin an duh loh chiah kha kan chah sak hlawm a, amaherawhchu, chemical fertilizer kan tih hian amah chauh hian a rintlak chuang lova, organic manure emaw, bio-fertilizer dangin emaw tuam tel tho tho a ngai, chuvang chuan a organic manure leh a leitha dang a kha a dil an awm a, Sihphir-ah an hming an rawn intlar a, an rawn dil a, chu chu deptt.-in an lo pe a, a diltu a te kha MNF vek an lo niawm a. A chemical ni lo khanin Pu Zira khan a rawn sawipawlh a, keiin khalam hre ve lovin ka chhan pawlh ve a, kan in chhan pawlh ve ve a nih kha. Champhai ang ani si lova, tih kha ka chhan ni sela. Chuvang chuan Sihphir chu kumin atanah bik chuan a bikin kan ngai pawimawh hlawm a, a takin kan chahsak hlawm tih ka chhanna ni sela.

S P E A K E R

: Iici dar 4 a ri chiah a, dar 4 hi chawlh dawn chuan House hi inrawn kha a ngai a, kan pel zel mai dawn em niang ? anih aw.

PU LAL TIANIWAWLA

: Pu Speaker, kam hnih khat lek a ni. Chutiang chu a ni a. Mizoram-ah hi chuan Ramdangte ang in mi hausa Games & Sport lamah han Sponsored tu te kan nei lova; mi ramah chuan mi hausa pui pui Corporate Sector ami te han sponsor zung zung theihthe kan nei a ni. Chuvangin, kan ramah hi chuan chutiang chu kan neih loh avangin kan sorkar hi a chet hle a ngai a. Sum a harsa anih pawhin khawi khawi emaw atangte pawhin dap a tha a. Kan hunlai ah khan Lottery atangtein kan dap sak a. Chutiang zawng chuan kan thalai te tuihalna hi kawng thalo hmelma pa'n a lo chan rengna lak atanga kan chhanchhuah na tur atan helam kawngah hian hma chak zawk a kan lak a tul a ni. Tunah hian Sport Authority of India hian Manipur atangin min enkawl a anni khian min er ber kan ni a, India hmarchhak ah chuan. Chuvangin rahbeh theihna kawngtinrengah min rahbeh an tum ani. Meitei hovin chumi atanga kan chhuah thuai chu a ngai a. Kan sorkar hian Sport Authority of India hnenah keimahni ah kan ramah hian a hranpa a min rawn dah dawn anih loh chuan Kolkata ami-in emaw min enkawl loh chuan kan tan harsatna a awm reng dawn. Ka theih ang ang chuan kan take-up tawh a, mahsela, an D.G. nen kan la inhmu fuh thei lova, mahse, keini tehlu ai chuan Sorkar in a tan a lak khan a awl zawk in ka ringa. Chung zawng zawng chu Games & Sport lama kan thalaite tuihalna phuhrukna tur atana hmalakna tur kawng hmasa a ni a. Chutiang chuan Pu Speaker vawiin a kan demand sawi te hi tha taka kan pass hnuah pawh khan tha taka hman a nih theihna turin keini hian theihpatawp chhuahpui kan duh a.

Amaherawhchu, a hmangtuten a mawh phurtu tur atan an hmanthat loh chuan leh keini kha min ngaih pawimawh loh chuan tih ngaihna a awm dawn lova. Hun hmasa lamah khan an kal that theihna turin khulamah kan zu thlen thin a. Mahse, Sorkar corrupt tak an ni a. Chuvang chuan an ngaihsak vak lo a ni. Tunah chuan khawvel a mi fai ber te zing ami Prime Minister ah kan nei a. Chumi kaihhruaina hnuaiiah chuan kan awm tawh a ni. Chuvangin, helaia tha taka kan kal theihna tura atana kan sawi te ngaiih pawimawh anih loh chuan khulam atangin helaia tha taka kan kal theihna tur atana ngaihtuah nate hman a tul dawn ani. Hun hnuhngah chuan Krista tiduhdah tute an lo chhuak ang tih a ni a. India ramah chuan BJP te baka Krista tiduhdah tute an awm lova. "Phuba reng reng la suh u, keima lak tur a ni" a ti a. Vawiinah chuan BJP ho chungah phuba ala mek niin a lang a, an keh cham cham mai a ni. Chuvangin BJP lam tang nihte pawh hi an zak tan tawh a, JDU te leh midang dang TDP te pawh an in ngaihtuah mek a ni. Kan ramah pawh hian kan in ngaihtuah a hun hlein ka hria, Pu Speaker.

S P E A K E R

Hei sawi lo kan la awm nual a, Opposition Leader bawh khanin a sawi tawh a, chuvang chuan kan Minister te khanin an wind-up mai ang nge ni, a la sawi chhonzawm zel ang ? anih chuti nita sela, mi 13 in kan sawi a, sawilo kan la awm nual a, chuti anih chuan tumdangah tepawh tih thin angin kan chawl rih phawt ang a, engemaw hnu-ah kan lut khawm leh dawn em ni ang ? Anih leh dar 4:45 p.m. ah khian lutkhawm leh ila, minute 40 vel kan chawl dawn anih chu. Kan hman ang chu maw ? chawl lailawh ang aw.

4 : 45 P.M.

S P E A K E R

Awle, tunge han sawi leh ang. Pu Liansuama maw, Pu Liansuama i sawm ang.

PU LIANSUAMA

Pu Speaker, ka sawi hmasak duh point chu, kan plan co-ordination hi a tlangpui thuin a tha tawh ta lo hlein ka hria a. Tunhma a development commissioner tha

taka a function lai kha kan tluk ta lo hle a. A flangpui thuin Agriculture te, Horticulture te ang tepawh Deptt. khat an nih lai leh tunhna lamah khan Development Commissioner hian plan hi a khaikhawm tha khawp a, khang ang kha kan House Leader Demand sawi ni a sawi awm tak anih lain vawin hian a inkaihnawih a ka hriat avangin ka han sawi thar leh duh a. Hei Central Sponsored Scheme engemawzat nei Deptt. vawin ni-ah hian kan sawi ta a, Sericulture in an mamawh em em chu planting material Thingtheihmu te, Water shed development programme kan ngah bawk a, a thawh ho theih lawm ni ?

Tin, chubakah chuan NWDPR
Agriculture-ah kum hluiah ringawt pawh khan nuai 480 hmanral a ni a. Chung chu tangkhawm ta selang chuan Sericulture a eizawngtute kha nasa takin a va tanpui thei dawn a ni a. Chutiang zelin vety-a kan ran chaw herna khawl hian ran chaw her tur Vaimim te leh Bekang te her turin Vety hma a ni si lova, Horticulture leh Agriculture te nen hian Co-ordination tha deuh awm ta ang selang chuan kan hmasawna hian duhthu a sam tur a ni a. Chuvang chuan tunhna a kan lo kal thin danah khan let leh a tha hle in ka hria a.

Enturna atan, Forest Deptt. pawhin afforestation kawng tam takin hma an la a, (kan zawhna tepawh kha a lo la chhuak maithei a) VFDC tepawh hian plantation an neih ah khan heng tuna kan han sawi ran chaw atana tangkai te leh Sericulture a tangkai chi ang khan hma han la selang chuan a in ring tawn tlang vek dawn a lo ni a. Hei, hma an la a, thawktu pawh an ngah hle mai tih kan lo hre thin a ni. Kan plan kalphung a hi cinnawn leh a in ring tlang a kan kal loh chuan Deptt. plan hi midangin an hre ve ang tih hlau tak hian kan kal zo ta a ni. Kan plan hi a vaia thlir nawn a tha in ka hria a, in ring tlang taka a kal chuan kan pawisa hmuh pawh hi kan chhut a, per capital in Rs. 6844 vel a kan in sem daih a lo ni a, hma kan lak tawn chuan tangkai takin kan kal thei ang tih a rinawm a ni. Kan Planning Board pawh tun aia re-activate a, planning process hrim hrim hi tun ai hian a tih that theih a rinna kan nei a ni.

Sericulture Demand kan en hian kum hmasa lam ai chuan a tam hret, Mizo te rilrem zawng tak Silk Pangang te hi thlakhat a thar zel mai an ni a, Forest lamah leh IWDP ah leh NWPRA te nen tangho se chuan namen lovin an hmasawna a chak lehzual tur a ni a. Hetiang zawnga kan kal dan te hi her rem a tha ang tih kan sawi duh a.

Tin, Agri. leh Horti. ah hianin loneituten kan tangkaipui lem loh Centrally Sponsored Scheme a lokal ve si, sum leh pai hman liam hrim hrim tun ang hunah hi chuan demonstration purposed a cheng nuai tam tak sen hi a tul tawh lo a ni. Entirnan - 2001-2002 chhung khan Sprinkler Irrigation leina atan hian cheng nuai 67 sing sarih sangnga hman liam a ni a, kumin kal mekah hian lei leh ni tak maw ! Hengte hi pawisa liam a tam tehlu nen loneituten chuti takin an hmang tangkai lo. Nimina kan tarlan ang khan HDPE pipe tepawh hi an lei a, 50% subsidy anih tawh hnu pawh hian loneitu tam takin an lo lei pha meuh lova, chuvangin hei aia tangkai zawk hian he pawisa lokal hi a hman theih lawm ni ? tunah hi chuan ¼ pipe kan tih mai 1" pipe a kual ang chi hi loncitu ai mah hian Rakzu thlawr chingho hian an hmang nasa zawk daih in ka hria. Chuvangin, kan sum neih chhun hi tangkai taka kan hman theih nan kan plan hi recast a thia lawm ni.

Chutiang zelin kan sorkar tun a mi leh tunhma a mi pawhin min sawiselna thin kha vawiin ni-ah chuan a zualzapui vailenhlo tih ang maiin lei leh supply lamah hian kan tui nasa ta lutukin a hria a. Hmanah ka sawi tawh a, sorkar tharah hian loneitute leh mipuite tan pawh a ziaawm deuh tak anga tiin kan tla te kha ka pawm dam hle a, kan Chief Minister in loncitude tana a thahncmngaih tur zia an sawi kha chuan a hlim pawh ka hlim rilru viau a, mahse, vawiinah chuan chutiang a ni ta reng reng lova. Han sawi ta lawng ila, khang hunlai khan keini sorkar kha vai supplier tepawh duat bik deuh khan min sawi thin a, tunah chuan Khawbung a ti ta deuh deuh tih ang chiah. Treasury ah khian Bill Mizo-pa in Rs. 2,00,000/- Rs. 3,00,000/- a lak hleih theih loh lain hmundang atanga suitcase khaia lo kal hi chu an tlang par par a ni. Chung chu tutenge ti ta ila kan hre vek a, anih loh leh HDPE pipe te leh sprinkler irrigation system te tunge supply ? chuta-tanga ngaihtuah chuan heng hi inthlir kir a, tan a lak thar theih lawm ni ?

Kan Budget-bu kan han en hian MIP vaibelchhe 20 lai a lo lang belh hi Pu Speaker lawmawm hle in ka hria a, mahse kan lawm mek lai hian a chhang a khat lutuk a, nikum a vaibelchhe 20 draw vek tawh tepawh kha kan la pe ta lo emaw ni. Hctiang anih zel chuan mi harsate chhawmdawl kan tumna lamah hian hmangaihtu te an thau tial tial a, hmangaihte an cher tial tial an lo tih thin kha kan thleng leh mek a ni mai lawm ni ? Chuvang chuan he kumthara budget kan pass turah vaibelchhe 20 hi MIP atan kan pass leh dawn a ni a, vawiin niah pawh hian chuvang chuan Zokhaw lam a kan tanpui duh a te hian an dawng

hmasa thei dawn lawm ni ? Tin, chutih rual chuan policy thlak thawk ngai hriat ka nei a, khawthlang lamah ser an ching uar viau a, NLUP kan buaipui lai pawh khan Serthlum ching an tam hle a, a rah dawn tan mek tih lain a tam hri hian a man lehngal a, a tam chiah pawh a ni awm love, a hrisello, kawng tam takah. Chumi hma a mi pawh tunhma a Garden Colony-a an chin tepawh kha a lo tam leh mek a, heng hi a chhan ni a lang chu a chiah leh a tiak loneitute phun thin hi a quality a tha tawk lo a ni. Chuvang chuan millennium tharah hi chuan a chi tha leh a tiak tha tak hriatchian, hei kum hlui budget kan en chuan arecunut tiak, kuhva manah ringawt pawh nuai 112 kan hmangral a ni. Loneitu kuthnathawktuten phur taka an phun kha hun reilote-ah hian a tam emaw, a hri in a chi atanga a bawh sa anih kha chuan a fuhlo dawn a, chuvang chuan seed & seedling procurement chungchangah hian tun aia kan fimkhur theih phawt chuan kan loneituten nasa takin hamthatna an dawn phah ang tih ka ring. Pu Speaker, vawiin niah chuan zokhaw lama kan kuthnathawktu leh loneitute reng rengin Agriculture ani emaw, Horticulture emaw Deptt. hrang hrangin thlai chi tiak a sem reng reng hi tunhma lam a an chin quality a that loh avangin hlauthawngin an khat vet mai a, chuvang chuan tunah hian a chi leh a tiak lei kawngah fimkhur tak a tan kan lak phawt chuan hma kan sawn ang tih a rinawm em em a ni.

Transport Deptt. a sawi ve ka duh chu chawhma lam khan kan sawi tawh a, (insurance chungchang thu hi), Hemi-ah hian kan mipuite tan tanlak anih loh chuan Transport Deptt.-in insurance tello chuan registration a theih loh an lo ti a, motor thar lei zo lote tan a harsa em em a. Chuvang chuan hei hi min lo enzui sak sela, zawhna a sawi mai kha kan ni a, Gauhati a State Transport Bus tirh thin hotute lama inhmuhthiam lohna avanga tawp ta hi damlo leh khualzin ten nasa takin an tuar chang ni lovin kan state sorkar transport in a pawisa a hui luh tur hi private operator ten an huilut fai ta a ni a. Chuvang chuan X-Mas dawn vel, kan khualzin tam hun, naupang lo hawn tam hun vel, Guwahati-ah thei leh thei lovin relin an lo chhuak chhova, Mizoram State Transport neih te a manhla thin tehlu nen, a tawp ta mai hi a fello hle mai a, chuvang chuan a tih leh theih hram lawm ni ? Kan lo hriat dan chuan Mizoram House tual velah kan Bus te hi GAD in dah an phal tawh lo ani tih thawm te kan hria a, sorkar khat ni si hi Deptt. pawh hi kan inpingdang nasa lutuk a ni lawm ni, kan ram House ani lawm ni. Chuvang chuan kan khualzin te leh kan Bus te a himna tur atan chuan Mizoram House chu engatinge chuti taka kan khuahkhirh lem le tih te ka sawitel duh bawk a ni.

Pu Speaker, minute khat chiah. Deptt. 10 chuang minute 10 chhunga khung chu a harsa deuh hlek a ni. Nimin leh a hmlam pawh khan kan sawi tawh a, sawina hundang a awm tawh dawn lova. Centrally Sponsored Scheme kan hmandahah hian IWDP te, NABARD atanga Loan kan lak kan hmandanah te, chubakah chuan NWDPR te Project hrang hrang kan hmandanah hian Central atangin pawisa a lokal a, hmanral ve duh hrim hrim, loneitute leh kan ram in a thatpui zelna tur lam ai hian a lian so mai a, chuvang chuan kan Minister te hian tun ai hian na zawkin in Deptt.-ah hian thu in nei thei lawm ni. Heng hi Budget bu han en hian token provision cheng singkhat emaw a awm thliah thliah a, tah hian vaibelchhe tel a lo kal leh ngei ngei dawn a, a lo kal lai kha in hre thei hauh dawn lo a ni. Chuvang chuan tun aia nasa zawk a tan kan lak loh chuan keini ho hianin mipui hma ah kan in buk tawn leh ngei ang a, ruling leh opposition te han in beng berck tawn velah hian tute emaw hian an lo ei mial mial mai a ni si a. Chuvang chuan he kumtharah hian kan sorkar lam hotute hian tun ai hian Deptt. a bikin loan a kan lak pawisa lo kal te central atanga pawisa kum laklawh a lo kal te hi hria ila hmanral lehzal danah hian thu neih pui nisela. Chutia kan lo thu pui chuan a tawpah he House ah hian inchhuah chhal thin pawh ni ila Chuvang chuan hriat kil kel law law hi in ti thei dawn lawm ni ? Chuti anih loh chuan mipui aiawh kan nihna hi kan tlingtla zo lovang tih kan hlau a, thahncmngai takin chung chu kan sawi a ni.

S P E A K E R

Pu Liansailova a phar hmasa in ka hria, ilo sawm ang u.

PU H. LIANSAILOVA

Pu Speaker, ka lawm e. Kan hotuten thu tha tak tak an sawi tawh a, tam tak kha chu kan ring nghal ang a. Kan la sawi tak tak loh ni a ka hriat co-operation deptt. hi kan sawi duh a. Hei Co-operation Deptt. hi Deptt. pawimawh tak, amaherawhchu a role play tur ang a play theihna tur atan a ngaihsakna dawng tha tawh lo deuh niin ka hria a, kan sorkarah a pumpui thu hian.

Hei, Co-operative Socceity line a kan ram hmasawna thil pawh hi kan la kalpui deuh deuh hi a tak takah chuan kan ram thatna tur niin a lang a. Chuvang chuan a sum tuna kan han pek theih

te tam lo mahselangin, nakin zel atan chuan kan ram hmasawna hi a tak tak a kalpui zel tur chuanin mimal te te, harsa tak takte kan ni hlawm a, tangkhawm leh a department atanga remchanna insiamsaka chutianga hmasawna tha zawk leh nghet zawk nei thei tur kan nih ka ring a. Heng Sericulture tepawh potential a tha kan ti a, kan loncitate helamah hian hlawhtlinna tak tak an neih hunah chuanin co-operative line bawk a, anmahni kha insuihkhawm a hma la tur an ni a. Chuvang chuan a bulthutah co-operation dept. hian kan ram hmasawna kal zel atan-ah Industry-ah tepawh hma kan sawn a, hmasawna tak tak kan neih theih zelna tur chuan helam atanga ngaihtuahna kan lo hman lawk leh duhsakna kan lo bel a, a bulthutah hma kan lo lak hi a pawimawh hle in ka hria a, chu chu kan sawi kmasa duh a. Chutih rual chuan soceity tam tak an awm a, an performance te a that loh avangin defunct tawh te, la nung che che te an awm a. Chung chu tui loh phah nan kan hmang turah ka ngai lova, kan dawmchhuak tur a ni ang. Hei, Mizofed tepawh hi Mizoram tanah a tangkai em em thin a, kan petrol mamawh zawng zawng hi Mizofed through in kan la tih tur a ni mai tawh a, tunhma zawng zawngte pheih kha chuan Mizofed ngawt hi kan ring a ni ber a. Tin, chutiang bawk chuan Gas chungchangah a ni a. Tin, Consumer goods thil tam takah pawh hma an lo lakna a zarah tunah chuan an pawimawh na te pawh kan sumdawng lian leh tha lo ching chhuakte avangin an tangkaina a lang pha tawh lo pawh a ni maithci. Nimahselangin, tunah hian role pawimawh tak an la play reng thova. Amaherawhchu, nung che che, nung mang lo hian kan dah reng mai a, kan lo pui tawh thin deuh pawh anih in - entirnan, Mizofed te angte hi han chawikang tha leh turin an dinhmun te thlir chian a an harsatna lai tepawh enfiah that ni sela, a tha hle in ka ring a. Petrol phurtu ho in min hrilh dan in petrol phur tur pawh hian a phurtu Tanker neitute hian kan pawisa a kan zuk lei chhuah a ngai ani an ti a, chutianga la run hram hram te kan niawm a, pawisa an mamawh ang hi pek leh nisela, hetia kan dah reng hi chuan chethei tura siam hi sorkar pawhin a bat nin ka hria a, chu chu kan sawilang duh a.

Tin, Agriculture leh Deptt. dangah pawh development hna, terrace laih, land reclamation etc. tih-ah tepawh vawi engemaw zat tanpuina tepawh kan kal pui a, puitlingna leh rahchhuahna langlo ah pawh kan lut kan lut nawn a ni. Chuvangin, MIZOFED-ah, hian sorkar hian rilru hmangin an mamawh ang tepawh pe turin hma han la thar leh se tih hi co-operative society lama hma kan sawna tur leh hma lo la tu hi chak deuh zawk a a kal theih nan tanpuina leh an mahni ngaihtuahna tak tak hi awm sela a tha in ka hria a, chu chu kan sawilang duh a.

Tin, Sericulture-ah potential a that chuan kan ram tan dinchhuahna tur pawimawh pakhat anih thu chu sawinawn ngaiin ka hre lova. Mahse, thingtlang hmun a han kal a, an sawi leh lo ti mektuten an harsatna thu an sawi thin chu a chi kan duh ang hun a kan duh anga tam kan hmu tha theilo hian min ti beidawng lek lek a. Tin, kan thawhchhuah tur ang tak pawh kan thawkchhuak tha theilo zawk a ni an ti a. Tin, Dungleah te, Leisen leh hmun hrang hrangah an lo tuipui tawh khawp a, sawimawi pawh a ngai in ka hre lova, kan loneitute mamawh tak hi an mamawh hunah an mamawh ang kan pek theih chuan heng hi chu kalpui theih mai tur angin a lang a. Chuvangin, a chi supply-ah hian Deptt. in tan lo la thar leh sela a tha hle in ka hria a. Tin, an tharchhuah hralhna thu-ah pawh hian ruahmanna tha deuh, en mar sak deuh ngai niin a lang a. Chawhma lamah khan an sawi tawh a, kha kha chu kan sawinawn leh mai ang a.

Tin, Co-operation han sawi rualin Vety lam nen a inkaihinawih tho MULCO hi Vety Deptt. hnuaiia awm nimahse co-operative ang a kal a ni a, a hlawhtlinna hei kan hmu theuh mai a, a lawm pawh a lawmawmin ka hria a, keini bial hmar lam saw Bawng vulh a eizawng kan tam a, tangkaipui leh dinchhuahpui pawh an tam a ni. Tuna MULCO in-a an chilling plant (centre) saw up-grade theih nisela chuan a duhawm hle in ka hria a. Tunah hian kan bawng vulhte zawng zawng hianin an bawng vulh hi a hnute hi an la pe sai vek thei lo deuh a. Tin, in expand-na a tanah prospect a la tha hle in ka hria a. Tin, chutih rual chuan kan mite ngei pawhin mizo ngei pawhin bawng vulh a eizawngin hna an thawk thei tan hle tawh a.

Organic State ah te kan han inpuan phei chuan heng hi kan organic manure source tur pawimawh tak a ni lehngal a, chuvang chuan kan state plan ah heng hi a khung theih loh anih pawhin engemaw ti a CSS lampang emaw, central lam atanga plan lian deuh zawk kan neih a pawimawh hle in ka hria a, kan minister tepawh in chu lamah chuanin rilru thui tak an pu-in an lo kalpui tawh pawh a ni thei a, a pawimawh ka tih avangin han sawinawn ve leh ka duh a.

Tin, chutih rual chuan bawnghnute hi tuna a chilling an tihah sawn darkar 24 vel dahthat nei ni awmin ka hria a, hei aia rei darkar 48 te dah that theih phei chu nisela chuan hemi Aizawl chhehvel 40 km/50 km/60 km thleng pawhin nutrition atana food item-ah hian a hman theih dawn a, chutiang chuanin tangkai takin heng kan chilling project tepawh hi kan hmang thei ang a, MULCO hi. Tin, chhungkaw tam takin eizawna an hmu ang a, kan organic farming tih hlawhtlinna tur atanah pawh hei hi a bulpui pakhat niin ka hria a, kha kha kan tarlang ve duh a.

Tin, Sports lamah khan keini Aizawl North hi Complex lian ber nei kan ni a, zawh hlan kan nghakhlel hle a, tunah sawn hman theih chuan a awm nang a pawisa te kan neih chuan puitling thuai sela kan ti hle. Sports Council thiah khan a ti khawtlai deuh nge kan Minister ten theihtawpin hma la thuai thuai se kan duh hle mai.

Tin, kan ramah hian Sports kan tuipui a, engemaw hlek a Assam Rifle Ground tih loh chu Field puitling kan nei lo a, hei vang hian harsatna kan tawh reng a ni a, sawlaih a in reh ruah tawh a, hmalak thuai thuai nise hma kan sawn a rinawm.

Tin, Hmarlamah Bawngkawn Brigade Field saw civil kutah an hlan ani ber a, duh duh hunah a hman theih a, chei that a, leimin siam that dan awm se chuan tangkai leh zualin a hman theih ang a, a bulah pavillion te a la awm lova, Sports Minister in min chhinchhiah sak sela tlem a han hrutman deuh nise, mipuiin kan hmang tangkai tan hle tawh a.

Tin, Chaltlang Playground hi inthlan apiangin sorkar in motor park nan a hman avangin a chhe hle tawh a, siamthat hna thawh a awm lova, boulder te a langchhuak teuh tawh a, kan hotute hnenah sawi thin a ni a, an la hlawhtling lova, minister in min lo chhinchhiah sak sela pawisa tam ngaiin a lang lova hmanflakin min siamsak se, chu chu ka sawi leh duh a.

Tin, a tawp berah chuan MIP hi sawi tur a tam a, tun a kan kalphungah hi chuan kan enawn tha emaw, a guidline tepawh kan siamtha deuh emaw, anih loh chuan mipuiin dawnawm an tumdan leh kum heti chen kan lo kalpuiah hian 'mai mai' angin a langin ka hria. A guidline pawh cnthat a, kan hlawhtlin leh hlawhchhamna atang pawhin thir kir a, tih takzet a thawh tumna rilru leh tih theihna awm a inbuatsaih a tha in ka hria. Chu chu kan zep hram duh a, kan hlawhchhamna ber ni a lang chu a scheme chu thudang nise, dawn tur hunah tanpuina beisei hunah an thawh theihna tur a pek awm lo hi a ni phawt mai a. Chuvangin, thil tha tak a lang pawh 'mai mai' angin a chang ta a. Tuna sum leh pai pek tur awm pawh hi han pek ni sela 'dawn mai mai' ang khan a kal ang a, hlawhtlinna lang vak lovin kan ti ral ang tih a hlauhawm a, a kalhmang pawh hi kan sorkarin kalpui dan tha zawk, ngaihtuahna thar ne, tun a pawisa thar hi chu rawn in ruahman sela tih kan sawilang duh bawh a ni e. Ka lawm e.

PU R. KHAWPUITHANGA:

Pu Speaker, ka lawm e. Ka hma a mite Thu han sawi kha a bik takin ka hma a Mite pahnih kha House-a thusawi dan tur Plan Discussion kan neihna a sawidan tur

dik tak niin ka hria a. Chawhma lamah kha chuan engemaw in puhchhiat na a tam viau mai a, ka ngaihthlak danah pheic huan beidawanna rilru a awm euh emaw ni ka ti a. Kan sawi duh chu opposition kan nih pawh hian kan beidawng tur a nilo tih lai hi a ni a. Silpouline sem chungchang ah pawh Khawzawl bialtu rawn sawi kha kan hria a, bialchhung ah harsatna a lo awm hian a bialtu ten kan tih tur hi kan ti tawk em tih ngaihtuah a ngai a. Chubakah chuan khawtlang hruaitu tepawh khan an bawhzui tha em tih kha ngaihtuah a ngai hawk a, an bawhzui hle a, tum ang anih loh chuan thudang nisela. 1992-1993 bawr vel khan keipawh V/C ah term 2 ka awm ve tawh a, chutih lai chuan ruling chu kan hria ang a, keini pawhin khami rilru vek kha kan pu a.

Land Used ram chungchang thu ah kan vengah ngei ka V.C.P. naah pawh khan Land Used ramah khan mi 24 chhungkua 24 an ramah khan ruling party kha 100 ah 100 an inpc a, a dawt leh a 13 an han sem kha 100 ah 100 bawk, official lam duhsak pakhat a lo tel ve a, kha kha cancell turin an nawr a ni. Tichuan, 1st instalment a la a, 2nd instalment chu la tawh lose tih kha an nawr a, amaherawhchu, a lo lak tawh avangin kha em kha chu an nawr hlawhtling lem ta lova. Khatiang kha anih avangin chanvo kan nei ve lo anih hi tihna rilru pawh thui tak kan nei a. Amahcrawhchu, khatih lai karah khan MLA leh Minister pawh fel tak tak an awm tho a, chuyangin, keipawhin beidawng lovin kan veng tlang a. Tlangnuam a awm kan ni a, viewing gallery tepawh khi minister fel tak hcnah hei hi kan mamawh ve viau a ni, kan ti a, cheng nuai thum kan nei e, i hmang ang, a ti mai a, ti khian a lo awm ta a ni a, khatiang kha entirnan kan sawi a ni a. Chuyangin, beisei tur awm lo ang a sawi kha a awmlo a ni. Mipui sorkar a ni a, kan nawr taima ve tur a ni a, hna tepawh kha kan dil ve tur a ni a, kan nawr ve tur a ni a, a ruling ah pawh hmulo tam tak term khat chhungin an awm tho tho a, chu chu anih avangin kan hotute pawh hian ram tana thawh an tum a, amahcrawhchu, diklo leh nawr lo na na na hi chu pek a har thin a, beidawng lovin hemi kawngah hian kan opposition unaute kan hnem duh a ni.

A bik takin entirna kan sawi hmasak ang khan Demand No. 42-na Relief & Rehabilitation chungchang bikah kha ka bialah chuan Budget kal ta hmandan chungchang thua kha chuan ruling leh ruling lo kha thliarna awm lovin ka hria a, keimahni vengah ngei pawh kum tir lam ah kangnci kan tuar a, a tuartu tepawh party dang mite an ni a. Tin, In tepawh leimin avangin a chim a, mithi tepawh kan awm a. Mahse, D.C. te Relief chungchang thua hma la in rang takin an lo kal a, bialtu minister a lo kal bawk a, sum an sem a, rangva an pe a, tumah thliar lovin an thawk a, chutiang bawkin Dam Vengah leimin avang bawkin In 4/5 vel a min tel pui a, khami chhiatna kha an hriat veleh D.C. lam an lo kal vat a, minister thupckin a minister a lo kal bawk a, kei a bialtu ka kal bawk a, churang chuan sawisel tur a vang khawp mai a tul ang sum an neih ang ang chu an pe a, kha kha ruling party anni vek lova, a chanve ang kha chu anni maithei. Chutiang bawkin Veng dangah pawh Relief & Rehabilitation Silpouline sem chungchang thua pawh an chhiat dan a zir khan a kal mai a ni. Tupavh nise bialtu chuan kan ngaihven a, kan ngaihven zel tur a ni a, churangin, kan sorkar ani tih lai a kha tute pawh hi kan in hriat a tul a ni.

Tin, Demand No. 42-na Transport chungchang thu kha kan ngaithla teuh tawh a. Transport ah hian kan sawibelduh chu, motor chungchang thu hi a ni a, kan hriat theuh angin a tam a, a Deptt. tan pawh problem lian tak a ni a. Tin, a sorkar hotute tan pawh a ni a, kan Chief Minister zahawm tak pawhin nimin lam a kan han sawi ang khan chunglama over bridge emaw, thildanga tih theih em tih te leh leihnuai lamah hian kawngpui siam nise tih te hma nasa takin an la a, engemaw, chen chu a hlawhtling ang tih kan beisei a. Mahse, motor te a lo tam tawh a, hemi ah hianin kan sorkar in sum renchem na kalzel atana privatisation tepawh hi a deptt. lam hian an kalpui thui ve viau in kan ring a, tuna kan budget awmsa atang pawh hian. Churangin, hemi kawngah hian tan nasa lehzuala la turin Transport hi beisei ila. Tin, chubakah chuanin hei kawng hrang hrang in hma kan sawn tawhna kan hre theuh a, ramchhungah chuan Rail lam a tepawh he road, tuna mi hi ala te tham deuh a, a tihdan te hi a awm em, kan budget lam atang tepawh hian in nawr dan te hi a awm zel em tih tepawh hi a awm anih chuan heti zawng tepawh hian a deptt. lam tepawh hian hmalak ni ve ta sela tih te kan sawi tel duh a.

Tin, kan sawi tam ani na a, kan sawi tel ve leh duh a, Demand No. 32-na kha. Horticulture kha hei Anthurium chu kan sawi tam a, keini kan tui khawp a, chhimlamah pawh, Aizawl ah hian hmar lamah pawh khami lamah pawh a ni a. Hetah hian chuan beiseina sang tak kan nei a.

Tin, chubakah chuan aromatic kan medicinal plant tih lam a hi Mizoram hi a rem em em mai a, hetah pawh hianin tuna sum dah mek a hi an hmang tangkai ang tih kan beisei a. Tuna kan neih sa lam a hi chu eng tehchiam a la awm lova, amaherawhchu kan sorkarin helamah hian hma an la chho mek ni te in kan hria a, ram sem tepawh an thlir tawh a, kan Chief Minister ho hial tepawh in Chuvangin, hemiah hian beiseina sang tak nen kan thlir dawn a ni.

Tin, Organic Farming lam a kha kan hriat ang khan organic farming kan state hian kan ti a, amaherawhchu phase I phase II wise deuh a area wise a kal tur kan nih kha nichinah kan sawi tawh a, chuvang chuan kha kha theihngihl lo ila, fertilizer tepawh khawimaw lajah ala awm a, a tha viau in ka ring a, kan mamawh dan a tam a, vawikhata kal thut thei kan ni lova, kan lo la zuar anih pawhin kei a lawmawm lamah ka ngai a. Amaherawhchu, organic state nih kan tum ang ngei khan kan puan tawh ang khan kal tur a kan inbuatsaihna erawh chuchak tak a kalpui ni sela a tha in ka ring bawka.

Tin, Demand No. 17-na Food & Civil Supplies hi kan sawi tlem viau a, sawi tur avang anih ka ring a. Amaherawhchu, pawisa hi vaibelchhe 89 chuang zet a ni a, a tam hle a. Hei kan plan hi kan hmang tha viau ni maw ka ti mai a, guard chungchang thu ah tepawh harsatna engemaw chang chuan a awm tur a ni a, kawng avangte leh company nawrh avang te pawn engemaw zeuh zeuh chu kan hria a ni. Tin, duhthusam crawh chuan a kal bik lovang. Amaherawhchu, a supply erawh chu a tha a ni tih kha kan sawi duh a, tunhma lam thil te kan hre theuh a, Gas hi chu khawlaiah tunthleng hi e huan sem a la ni tho a, tunhnai hianin tlemin a harsa a ni mai a. Ilei hi awlai zawka a mipuiten an chan theihna turin kan plan hmang hian rawn kalpui chak zel se tih hi kan in chah duh a.

Tin, a dang leh kan sawi leh duh chu Demand No. 22-na Sports & Youth Services tih lamah hian kan sum hi a tam lua lova, vawikhatah plan tihsan thut theih ani si lova, thahncmngaih chu a na hle mai a. Amaherawhchu, heti chung hian District tinah hian District Sports Complex sak tur ani tih te, a state complex a pawh hi buatsaih tur ani tih te a lang a. Chuvang chuan hemi kawngah hian tan an la hle dawnin ka hria a.

Tin, Incentive Cash Award lam pawh hian uar chho mek zel bawk a, hei hian nasa takin hna a thawk a. Chuvangin, kan players lam tepawh helamah hian nasa zawka tan kan lak theihna turin India pawhin a en te kan ni ve tawh a, kan plan hmang hian kan kal a that a rinawm khawp mai a. Tin, kcini Aizawl South-II te kan han ni a, North lamin an sawi ang khan keini pawhin Field tha deuh deuh mai tihpuitlin tur kan nei a, kha kha kan minister pawh kan han chah ve duh a. Aizawl South - II a plan lo awm tawh sa kha kalsan loh ni sela tihpuitlin lura an lo thlan tepawh kha chak zawkin min han nawr sak sela kan lawm khawp ang.

Tin, Mission Vengthlang Sports Complex awmna hmun a mite saw, leh Mission Veng-ah te ngei pawh sawn National Players ti mai ila state player atanga national player ni chho discipline hrang hrangah hian kan ngah mai a. Mizoram aiawh a chhuak an tam mai a, tin, India aiawh a chhuak tepawh saw kan nei teuh a ni. Chuvang chuan, sports lamah hianin kan chak theihna turin a bik takin Tennis engemaw han play na tur hmun tha tepawh, a building tepawh neih theih a chakawm hle a. Chuvangin, hemi lam a tui mite pawhin a min han chah te a ni a. Tin, Wushu te leh hetiang ang chi te reng reng a tepawh hi contact sports sawn a daih tawk lova, helamah hian kan budget hmangin emaw budget piahlam atanga sum haichhuahna NEC atang te leh thildang atang pawhin kan Deptt. te hianin kan minister zahawm tak te hian hma rawn la sela tih hi kan chah duh a.

Tin, Tourism, Demand No. 43-na hi kan sawi leh lawk duh a. Hemi hi sum a tlem ang ai chuan an ti tam viau a, chuvang chuan hetah hian Tourism ah hianin (SPEAKER : Hun a zo a nia) thil pakhat chauh kan sawi ang a, min lo ngaidam ula a luahman a hi kan za atan a ni a, a luahman a hi duhai chuan a sang deuhin ka hria a, hmun hrang hrang a mi hi. Kan thleng tha ngamlo a ni. Hei hi chu rawn ennawn deuh sela thldan a awm em tih kha minister zahawm tak kan chah duh a ni. Ka lawm e.

PU SAINGHAKA

: Pu Speaker, hun a tawia i veilama thua chuan sawi hnuhnung ber tur ka nih dawn avangin minute sawm panga vel zet neih ve mai theih awmah kan ngai deuh a. Nimin lamah te General discussion kan nei tawh a, vawiinah Department wise in kan han sawi a. Mahse, Department wise a ka luh hmaa tlem han sawi duh ka nei a. Vawiinniah hianin lawmawm riau hriatna ka neih chu Official Gallery lamah kan Officer te an attend tha khawp mai a. Kan thusawi ve thiam ang angte pawh min ngaihthlak sak a ni tih kan hriat hian a lawmawmin ka hria a.

Tin, ka sawi hmasak ber duh chu Demand lama luh hmain sorkar kalphung hrim hrim hi a inruahman dan a zir hian tum lam a neihte hi a lang chiang thin a. Nichina Phuldungsei bialtuin a sawi tak ang deuh khan ka rilruah thil pakhat ka ngaihtuah a. Himachal Pradesh khu Horticulture an uar a ni lih kan hre theuh a. An official establishment khu han thir ta ila, Chief Secretary dawttu bera an neih chu Agriculture Production Commission a ni. Heta a Development Commissioner kan tih ang chi deuh kha a ni mai thei, Khu PC khu a pawimawh khawp mai a, Senior tak an dah thin a. Chumi avang chuan Horti lamah hian India ramah a hmingthang ber pawl a ni a. Nichina bialtu hrang hrang MIA te'n an sawi ang khan stream line tur deuh hi a awm emaw ni chu aw tih kan administration ah pawh hian ngaihtuahna ka nei leh a. Tin, kan Financial position hrim hrim kan sawi kan sawi hianin thil rawn tarlang chiang ber thin hi chu C & AG report hi a ni fo lo thei lova. Kum 2003 March thla ami kan hmuh hnuhnun ber a ni a. Khangah te pawh khanin department tam tak 1 crore chuang surrender si leh te an tlar teuh mai a. Mahse, Financial year a tawp a, hmanhmawh taka kan han hman hian pawisa hi chu a zo leh duak thin a, a tawpah hmanhmawh takin RE te kan siam thin a. Chu chu a lo lan chianna em em chu kan pawisa neih dan Plan leh Non-Plan ah hian a ni a. Entir nan Agriculture ah OE ah hian Budget Estimate nikumah khan 44.97 lakhs chauh dah a ni a. RE ah chuanin 141.95 lakhs a tling daih mai a. Hetah hian Non-Plan side kha chu 5.10 a ngai reng a. Plan lamah a pung hluai mai a O.E. ah chutiang deuhlek chuan Vety. ah pawh hianin a pung nasa khawp mai a. A tira an neih Plan a an dah Budget a an project chhoh kha lakhs 44.17 Plan leh 13.30 lakh Non-Plan lakhs 171.93 ah a chho daih mai a. Tichuan last minute lamah hianin Plan pawisa hi hmanhmawh takin an dil a, Planning lam pawh hian khatiang anga an han sawi kha chuan

an pe ta thin ni tur a ni a. Chuvang chuanin O.E. ah ringawt mai 171 lakhs te han neih kha kum khat thil thu atan chuan Office lian tak leh Establishment lian tak pawh nise a tam riau zel mai a. Chuti lai chuan Department thenkhat hi chu a ngai deuh ngawr ngawrin a kal thei a. Parliamentary Affairs chungchangthuah kan Budget ah crore 2 emaw kan neih ve hi Parliamentary Affairs Budget meeting EU a Committee kan han neih khanin mi harsa lutukte an hnena lokal ve thin tanpuina tur atana relief lampang atan Deputy Speaker tana kan dah department lamin an rawn rawl belh kha a tlem ta lutuk deuhvin ka hria a, avaiin 2 lakhs vel chauh kha kan dah tain ka hria a. Hei hi chu a chhe berah 3 lakhs tal hi a disposal ah dah ila a thain ka ring. Lehlama kan lo reh viau lai hian department thenkhatah ka sawi tak ang kha kan kaldan a nih chuan ren vak pawhin awmzia a nei lo mai awm mange aw ka ti a.

Hei, vawiinniah hianin Ministry wise te tein kan sawia, thingtlang lam bialtu kan ni a, mahni bial lam chanchin te pawh han sawi ve a chakawm viau a, mahse, ka bial lam chanchin veah hi chuan sawi tur a tam lo hle a ni. A awm chhun chu a buaina ber BPI, sem dik loh leh IAY sem dik loh leh Horticulture-a an neih ang chhun tlem tlem an sem, inchuhna nasa lutuk leh, link road Agriculture leh Horticulture in a lai ni a an insawi kawng awmsa tawh lei tla tlem tlem an laih an pah fai Km. 1 ah nuai 1 hisapa an bill zel si, khi khi a ni, deuh mai a. Hmathar lak a awm lova, Session hmasa pawh khan zawhna ka zawt a, Sub-Town road ang chi siamthat te hi tih tum a ni em? tih ah pawh khan Sum tlem avangin a harsa a ni tih min hrilh a, sum leh pai hi chu a hman dan in a zir chuan a tam kan ti thei ang. Kuminah 616.52 crore tal Planah ringawt pawh kan nei thei hi a tam hlein ka hria a. Heng bakah non-plan ah ringawt pawh tam tak kan nei bawk a, a hman danah Member dang ten an sawi ang leh an duhdan ang khan Judiciary a kan hman chuan a tam thamin ka hria a. Chuvangin, heng kan sum leh pai neih ang hi tha tak maia, kan hman theih nan Planning lam leh Chief Minister hian tunhma aiin thir uluk ta sela, a that mai ka ring a ni.

Department thenkhatte hi thiante ho leh member ten an sawi tam tawh a, kei chuan sawi ve kher pawh ka tum lova, Relief & Rehabilitation chungchang thu hi han sawi tulin hriatna ka nei a. Mizoram khaw awmdan hi a danglam ta hle a. Kuminah phei chuan nipui pawh rei mang lovin ruah a sur a, tin, nikum hmasa angah te khan Cyclone-in min bei vak a, khanglai

khan kan buai em em a, Cyclone tanpuina tur atana pawisa lokal kha VC inthlan dawn hnaih anih avang khan ti tiah chuanin election-ah Ruling lamin a hmang vek tihte kha a awm a. Hei tunah hian Relief leh Rehabilitation lampang hi G.R. kan ti dawn nge hetiang chi hi V.C. te kutah R.R. hian an han pe chho leh a. Tun kumah mai pawh khan nichina kan ngaihthlak tawh ang khan rialin khilajah Khanpui leh Jailak leh Hmunghak leh Khawruhlian kha zankhat thilthuah rialin a tichhe buaih mai a. Tahchuan D.C. hnena kan han sawi khan a ni chuan rang takin a relief kha a han ngaihtuah mai a, a lawmawm khawp mai. Amaherawhchu, pawisa kha a hnulamah khan a neih tak loh avang khan a relief a kha Inchung chhe zet mai pawh kha Rs. 500/- te a pe ta a. A norms ah kha chuan In chhe vak lo kha Rs. 500/- leh Sangkhat thlengin an dawng thei a. In chhe vek pheih kha chu Rs. 5000/-, Rs. 8000/- leh Rs. 10,000 thlengin pek theih a ni tih te kha dan awmsa a ni, han pe duh mah se, an nei ta mang lova. Chuvangin R.R. lam hi zan khat thilthua chhiat burh burh theihna thil anih avang hianin kan ngaih pawimawh hie a ngai mai awm mange aw, thil awmsa a ni lo nachungin tihte pawh hi ka rilruah chuan a awm tel a.

Tiang chuanin Animal Husbandry chungchangthuah hianin nichinah khan Khawzawl bialtu khan a sawi tawh a. Vawk vulh chungchangthu Kawkulh lam a mi kha. Sairang lama tuna In 30 an sak mek thatak maia an sak mahse, la luah loh khu a luah tu tura te, nichina Khawzawl bialtuin a sawi ang khan. a selection ah thlang fimkhur sela chuan chhentakawm tham niin ka hria. Chutiangin Pukpui lamah pawh In 60 an sa a ni a, an Insak a tha hie mai. Luah pawh a chakawm khawp mai, Vawk vulh mi nive ta ila. Amaherawhchu a luahtu tura ten an luah hmam Kawkulh lama an harsatna Electricity leh Tui supply awm lova khi a pawh em em. Chutiang deuh chuan khulamah pawh khuan ngaihtuahna nei se a that ka ring a.

Hei, Transport lamah hian han sawi lawk ila, nichinah khan an sawilang zawk tawh a. Transport pawh hi engemaw hetia a lose a kal reng mai ta hi chu a proportion lam pawh kan ngaihtuah thuak thuak tawh a, heng te hi ngaihtuah zui a ni ta lo em ni? tih te ka rilruah a awm a.

Tin, Law & Judicial-ah hi chuan nichinah khan Judiciary leh Executive then hran kha an sawi lang tawh a. Tin, ka ngaih pawimawh pakhat chu Legal awareness hi

mipui zingah kan tih that a thain ka hria. Vawinniah hianin Human Right leh Law Network hian Voluntarily-in an ti mai mai a. Judicial lam atang hian Legal awareness atan, pawisa a awm lovm ni? Hetah hian futenge kan hman dawn? Anmahni zing ami kan hmang thei lo a nih pawhin Bar Council lamte pawh khi hman theih tur an awm lawm ni? tih te thlengin ka ngaihtuah a. Tin, Food & Civil Supplies ah BAFFACOS ah hianin nuai 90 lai mai dah a ni a. Hei hi eng atana hman tur nge ni ang tih ka hre duh a. Mau tam tur lo do lawkna tur anih chuan Buhfai leina tur leh a thlawna sem tur em niang? tih te ka rilruah a awm a. Tunah hianin, an Annual Plan Projection ni 15 ah Department tinin planningah thehluh theuh tur ti chauh a nih, avangin an detailed plan kan hriat rih loh avangin. Chuvangin rinthuim kan han sawi deuh nawk nawk mai a ni.

Chuvang chuan, he 90 lakhs te pawh hi engtia hman tur nge tih a hriat chakawm a ni. Thil engemaw supply atang te, nichina kan sawi tawh ang chi a taka kan hmang leh mai a nih kha chuan he sum hian awmzia a nei lovang tih ka ring.

Tin, Sericulture hi a pawimawh lutuk tih hi chu ka rilruah chuan a awm a. Minutes hnih khat lek, Pu Speaker, Sericulture thu hi kan sawi ang e. Tun hma khan Manipur ah khuan OECF atangin 450 crore Sericulture atan Loan an pe a, chu chu, tunah khuan hma an la mek tih kan hria a. Mizoramah pawh hian a tha tih ka hria a. Tunhma khan State Planning Adviser Barthakuri khan a ngai pawimawh em em thin a. Mahseng sum leh pai kan dah atang hian engmah tak tak a tih theih lova. Nichina member pakhatina sawi anga a management diklo a kha chu ka hrethiam ve vak lova. Mahse, Sericulture Department hian ngaihsak hi a hlawh tur angin a hlawh lo deuh emawni chuan ka hria.

Tin, Labour and Employment-ah hian tuna registration kan neih hi enchian a ngaiin ka hria a. State pawn ami Mizo Ethnic Group ami an tam lutuk. Hei hi danin a phal reng em ni? Nge Higher up atangin, hei hi lo ti rawh u, an tih avangin, an register mai thin. Tunah hian hna kan inchuh nasa a, hemi kan inchuh rual hian pawn lam ami, keimahni unaute tho hian min chimbuai lutuk hi chu kan tan a la buaithlak dawn, tih hi ka ngaihdan a ni a. Ka sawi lang duh a ni. Awle, hun a tawi a, hun min pekbelh avangin ka lawm e.

S P E A K E R : Awle, kan han sawi ta nual a, a sawi lo pawh kan awm a. Minister 4 in an han wind-up dawn a ni a. Kan tan tir tawh mai dawn em ni ang. Awle, kan Minister zahawm tak Pu Lalrinchhana i sawm ang u. Tin, a demand te, Pass turin rawn dil nghal selangin.

PU LALRINCIIIANA MINISTER : Pu Speaker, ka demand te wind-up thei turin hun tha ka nei a, a lawmawm ka ti a. Ilei vawiinah ka demand

pathumte mi 13 zetin an sawi a. R.R. ah mi 9 in an sawi a, Transport-ah mi 5. Tin, Vety. ah mi 9 bawkin an sawi a. Chutah chuan, an sawidan kalphung ka thirin a lawmawm ka ti a. Mimal in nekna leh engemaw tak a awm hauh lovin ka hria a. Kan department ah hian hna a fel tawh lova hriatna lai leh fel zawka kalpui dan thahnemngai takin thu in sawi a ni tih ka hriatin a lawmawm ka ti a. Chutah chuan, a lo dawnawm danah pawh ka theih ang angin ka chhinchhiah a, ka chhinchhiah bakah pawh hei, kan department officer te Secretary te, Director ten uluk takin an lo chhinchhiah a ni. Tichuan he Department a hma kan lakna tur hrang hrangte hi tun kan House a kan Department in han sawina atang hian ngaihtuahna hmanna tur kan nei tih hi ka inhmuin ka hria a. Chuvang chuan hemi hian rah tha tak keimahni Department ah ngci pawh a chhuah ang tih ka ring a ni.

Tin, vawiinniah hian detail deuha han tih pawh ngaiin ka hre lova kan sawi ang khan Minister pali in kan kalpui dawn a ni a, chumi a nih avangin a tawi thei anga tih hram hram kan tum ang a.

A hmasaberin, Relief & Rehabilitation hi sawi ta ila. R.R. hi Centrally norms an siam a, chumi norms hnuaiah kal chu a ni a, State levelah pawh Committee Chief Secretary hovin an nei a, chu Committee in a guideline kal hmang a policy siam a pawisa pawh Central in an rawn pek ang zel a sanction a thil kal a ni a. Chutah chuan keini a hmanga Minister chuan a tawpah kan approved leh chauh a ni a.

Kumin fur kha a na hle mai a, chumi anih avangin Zoramah pawh thil pawh kan seng nasa khawpin ka hria a ni. Kumin fur chung khan kan lek lam ber loh theih loh Silpauline kha 11569 kan seng a, favang hnaih lamah kha chuan Silpauline kan pe thei lo kan ti tlat a, chumi avang chuan kan seng tlem zawk a ni.

Tin, Silpauline in a tih theih ngawt loh rial leh thliin a a tih chhiat khang ho thawmna turin tiin Rangva Bandle 5000 Cabinet in mi an phalsak a, chu chu ti turin kan ruahman a, he thil hi Central Sorkar ah te kan thlen a an ni pawhin phalna min rawn pe a, sanction min rawn siam sak a. Tichuan tun tuifur chhunga Monsoon Damage atana central a kan sawrkar in a zuk thehtlak ah khan vaibelchhe 40 tel kan thehtlain ka hria a. Mahse, Central ah uluk zawka an han chhutin hei hian lo in hnangfak mai teh kan ti a. Vaibelchhe 13,20,00,000 tunah hian min approve sak ta a. He mi hmang hian a tira scheme kan siamna base khan reiloteah hemi tuifur Monsoon ina min tihchhiat sak a hi a siamthatna kawng kan buatsaih dawn a ni. Armed Veng thu kan Member tena an tarlante pawh kha kan scheme ah chuan leitla hniamte. Ramhlun Sports Complex lei tlahniamte Hunthar lei tlahniamte, leh Selesih leh hmun hrang hranga mitc Retaining Wall, Side Drain te leh a tul dangte siama tun hnua a thlen tawh loh nan scheme leh Plan te kan siam a. Chutiang chuanin tihchhiat te leilet tihchhiatte khang te kha han Compensate na tur khan kan ruahman a. Harsa ka tih em em chu ka Department khawih tawhah ti ila. Mizoram Department zawng zawngah hian a ni angem aw ka ti hial a. Corruption hi kan ti kan ti a. Corruption chu a nih tur ang tak ni lo kha corruption a ni mai a. Chutihrualah chuan Silpauline semah hian corruption a nasa ber em ka ti hial a ni. Kei pawh ka dik ka inti bik lo. Minister dang pawh an dik ka ti bik miah lo. Kan zavaiin kan ni tlat D.C. te pawh. Entirnan, V.C. leh YMA in recommend-na rawn pe sela, chu chu D.C. ah lokalin, lo enpuiin lo pe rawh se kan han ti a. V/C leh YMA rawn tih pawh engemaw chen chu a dik mahse a diklo tam zawk a kal tho tho. Khatiang kha a ni tlat mai a ni. Hei hi a manganthlak ka ti a. Engtin nge kan siamthat ang? Chulai takah chuan tunah pawh ka ngaihtuahnaah chuan tun kan session zawh remchang hmasa berah kan agency te hi D.C. tinte hi anni a, anni chuan V/C te agencyah an hmang a ni. D.C. tinte ko khawm ila, engtin nge kan tih ang tih hi sawiho ila thain ka hria a, chu chu kan Department hian organise ila, chumi zawhah pawh chuan Consultative Committee ko ila, chu pawh chuan ngaihtuah leh ila a kalpui dan tur la zawng ila a tha ang ka ti

hial a ni. Chu chu a ni a Silpauline chungchangah te R.R. chungchangah hian a thlawna thil dawn hi fair a har khawp mai a. Za a za kan fair thei kher lovang, mahse a tha thei ang bera kalpuina tur kawng kan zawn tlan hi a pawimawhin ka hria a. Chutiang hawi chuan heng R.R. a kan problem te pawh hi kan sawi mai kha a tha awm mang e aw tihna ka nci. Chutiang chuan R.R. a thil kan kalpui dan tur hi kawng chi hrang hranga ruahmanna rawn siam chho ila a thain ka ring.

Awle, chulo lehah chuanin, Transport chungchang kan hmu a, heng Transport chungchangah hian thil chi hrang hrang kan hotuten in rawn sawi a, heng in rawn sawiah hian, Transport ah hian communication, motor kawng a ni emaw, Rel kawng a ni emaw tui kawng a ni emaw a siamtu agency ten an siam dan a zira Transport Department hian kan hmalak dan tur buatsaih a ngai a. Tunah rih hi chuan kan kawng hman ber hi Road Transport a ni mai a. Chutah pawh chuan a tam ber pheih hi chu Jeep road a ni a. Motor lian kal theihna a la tlem em em a. Khata tang khan Road Transport administration hi engtin nge kan kalpui ang tih hi kan ngaihtuah a ni a. Kan ram kawngin a zir dan ang zelin mipui ten thil kan phurhna tur a ni emaw keimahni kan chuanna tur a ni emaw khatianga kan buatsaih kha a ngai a, chumi atan chuan Department in kawng kan neih dan a zirin thil kan buatsaih a ni. Road transport kan kalpuina ah pawh hian keimahni State chhungah leh helai thenawm State Silchar, Shillong, Guwahati thleng hi Road Transport-ah chuan kan cover a ni.

Nichina kan hotuten an rawn sawi ang khan Guwahati pawh rokhawlhna thil avangin hun reilote chu MST kal tir pawh kan chawl a, chawlh hlen tum pawh kan ni lova, Mizoram House khu dik tak chuan a chep leh lutuk a, MST kan hnawhluh ruau mai chuan chet ngaihna khu a vang bawk a ni. VIP Motor te leh motor dangte lut dawn se a lut hlei thei lo a ni. Chu chu anih avangin 'ngawi teh u, nangni hian kawng dang lo zawng teh u' min ti a. 'A ni tak e, kawng dang kan zawn hma chu mimal motor pawh a kal tho alawm' tiin kan chawl a ni a. Tunah hian a hmun luah hawh tur kan hmuh dawn hmel a, chu chu a neitu pawh, 'lo buatsaih rawh i buatsaih felah kan rawn luah ang e', tiin inbiakremna kan nei tawh a ni. Chuvang chuan reiloteah Guwahati ah pawh MST kan tlan tir leh theih ka ring a, Shillongah pawh a hmun khu kan buatsaih fel a, service pawh regular zawka kal tir kan beisei a ni. Chutiang chuan kalpui kan tum a ni.

PU LIANSUAMA

Pu Speaker, Assam State Transport Bus Terminus ah fee chawin a va dah mai theih thin kha a ni a, chutia establishment han neih dawn chuan chowkidar nen, a luah man mai bakah khan a ngai leh si ang a, khatiang khan a tih theih mai loh maw? Guwahati ah sing tel kan hloh leh si ang a, Bus kal vela hloh tawh nak alaiin. State Transport Bus kha Assam in an hman laiah khan a va dah ve theih mai lawm ni?

**PU LALRINCHHANA
MINISTER**

Pu Speaker, cngpawhnisc, Assam a kan Driver leh Handleman ringawt emaw, Conductor ringawt emaw in an va tih kha hunin an hre si lo a ni. Chumi anih avangin a himna dan tur kha kan zawng a, tunah hian hmu thei turah rei loteah loss lova kal theihna turin kan ti thei ang tih kan beisei a ni. Chutiang chuan tunah hian kan kalpui mck a ni.

Tin, Mizoram Transport kan kalpuinaah hian tunhma chuan sorkarin Transport hi a keng kawh a. Sorkar Motor hmangin zin veivakna kan buatsaih a ni. Amaherawhchu hmun tinah kan kalpuina reng rengah hianin sorkar chuan Transport administration an kengkawh a. A tak taka thawktu chu private emaw Company emaw an ni thin a ni. Chu chu keini ram pawh hian kan tum deuh deuh tur a ni tih hi kan tum dan a ni. Tunah pawh hianin MST a ni emaw Truck a ni emaw, TMB a ni emaw, khatiang chi hrang hrang kha sorkarin engemaw chen kan han kalpui hi a tam thei ang bera private a pek zel a, a lawpah chuan Privatise vek kha kan tum a ni. Chu chu tunah pawh hian kan kalpui mek zel a ni.

Tunah hian MST pawh 60/70 bawr vel kan nei a, hetah hianin a senior zual chu tih tawp zel a, tichuan route work-ah khanin tunah hian a ti duh Private hi an tam tial tial bawk a. Nakinah chuan MST hi tih tawp kan tum a ni. Chu chu kan kalpuina a ni. Amaherawhchu, chutiang kan tih avangin tunah hian MST hi tawp tir kan tum hauh lo. Private in an lak chhoh theih hun hunah chung chu kan la kalpui ang tiin kan kalpui a ni tih hi kan hriat a thain ka hria.

Tin, khawpuiah ngei pawh hianin kawng hi Bus pangngaiin a kal theihna a awm a. Bus pangngai lo Bus lian kal theih lohna lai a a wm a. Amaherawhchu, Motor system a lo danglam zel a. Tunah hian Mini-Bus kan han ti a. City Ride tih te leh eng eng emaw a rawn chhuak zel a. Bus pangngai kal theih loh naah khan khatiang chi kha a kal leh ta zel a ni. Chubakah, Taxi a kal thei lehzal a. Chung chu ngun taka kan ngaihtuahin engtingge mipui mamawhna kan hriat theihna turin hetiang boruak lokal zelah hianin kawng kan zawn ang tih hi tuna department chuan a kalpui lai mek a ni. Entirnan - Bazarpui kalna atan hmun dang ami tibuai lova Bethlehem te, Armed Veng te, Ramthar te, chungho chuan Bus tea an rawn kalna kha hetiangah hian practice ta ila, mipuite tan harsatna sukiangin mipui taxi la ngam lote tan kawng a hawn theih em? tihte kan ngaihtuah a, chu chu pali/panga vel kan han chhin nghe nghe a ni. Chutah chuan a tha lo a nih chuan kan withdraw anga, a tha a nih chuan a tul angin kan zawngchhang ang. Chu chu tuna kan kalpui dan a ni. Mipui lam atang chuan hei hi demand a nasa khawp. Amaherawhchu, taxi lampang hianin "Ngawi teh u, sorkar behchhanin hei eizawna kan buatsaih a. Hetia in rawn tih chuan taxi ho kan hnawng leh dawn asin" an ti ve tlat a. "Engtingge kan tih ang" tih kan ngaihtuah lai mek a ni tih kha kan sawi duh a. Chutiang chuanin mipuite tana awlsamna tur transport hi kan theih ang angin mipuite hmangin kawng kan zawng a ni tih kha kan tarlang duh bawk a.

Tin Transport kalphung hi a lo fel zawkna atan hetia document a kut hmang te. Type Writer hmanga tih hi a tha tawk lo tlat mai a ni. Chu chu anih avangin tunlai chhana an tih dan angin Computerise kalpuina turah hian kan ti mek a. Tunah hianin motor registration computerise-in kan kalpui tawh a. Tin, driving license pawh kan computerise a, chu chu hemi Directorate leh Aizawl District-ah kan kalpui mek a. Hei hi District dangah pawh kalpui zel kan tum a. Chutiang ang chuan fel zawkin, chiang zawkin hetiang anga computerise a thil kaltir kan tum a. Chutiang chuan hma kan la mek zel a ni tih kha kan tarlang duh bawk a.

Tin, hei Industry te kan nei zel ang a, keimahni atangte, Horticulture atang te. Agriculture atang tein thawh chhuah kan nei zel dawn em? Engtingge road transport emaw, transport dang emaw State danga mite compete tura hma kan lak ang. Chu chu kan ngaihtuahnaah hian a innghat lo thei lo. TMB

leh Jeep ringawt hmang chuan State dang kawng tha zawk leh rel leh meilawng te, englikawng mahin kan complete dawn hauh lo. Chuvangin, kan ram chhunga kan intodelhna bak chu midang kompetena kan ti thei dawn tawh lo a ni. Chuvangin kan ram tan harsatna tam tak kan tawh dawn. Chumi sutkian nan, midang kan compete theihna turin engtingge communication tha zawk kan neih theih ang tih hi kan rilru a nih avangin, tunah pawh Bairabi-ah khuan Rel hian la lut ila. Bairabi a Tlawnglui kan khuah chuan chu Tuikhuah chuan Lawnglianin Sairangah kal tir ula, khaliang khan man tlawm zawkin kan kal tir ang tih kha kan rilru chuan a hisap a, theihpatawpin tan kan la chho a ni tih kha ka han tarlang duh a. Chutiang chuan Road Transport kan kengkawhna kawngah pawh kawng kan neih that dan a zirin transport administration hi tha zawka kalpui kan tum a ni tih kha ka han tarlang duh a ni.

Tin, Transport hi leiba Department a ni. Kan leiba hi a nasa thein a er pawh kan er khawp a. Kan hotu ten theihtawpin tan a han la a. Transport thilah hian leiba hei zo zai kan nei ringawt hi a tha love ti te pawhin tan kan han la a. Kan hotute tan lakna a hlawhtling chhoin kan hria. Kumin kum bula kan pawisa ba kha vaibelchhe hnih leh a chanve zet a ni a. Tunah chuan vaibelchhe khat, a zatve in kan leiba hi kan tihnam tawh a. Financial year tawpah chuan leiba kan neilo thei ang tiin tan kan la a ni. Hei hi renchemna thil in kan kal a, workshop ah pawh a renchem thei ang berin hma kan la a. Chung atang chuan kan inrul chho zel a ni. Transport in leiba kan neih rullhna tur hian hma kan la chho ve zel tih kha ka han tarlang duh a. Tin, he road transport ah pawh hian improvement kan neih theihna turin kan theih ang angin hma kan la chho mek zel a ni tih kha kan tarlang leh duh mai a.

Tin, a hnunung berah chuan Animal Husbandry and Veterinary hi term hmasaa bul kan tanah khan Mizoram hi intodelh kan tum a. Agriculture leh allies ah hian ei leh bara intodelh kan tum a an ti a. Chutah chuanin department hnena ka sawiah pawh a intodelh hmasa ber kan ni tur a ni. Buh leh balah leh Sanghaah leh Vety hmalaknaah hian a intodelh hmasa ber kan ni tur a ni kan ti a. Kan hotuten theih tawp an chhuah a. Progress pawh kan nei tha khawp mai. A dik tak chuan tunah hianin Arsa a kan intodelhna turah tak hian chuti vaka tan lak a ngai vak tawh lo. Tunah hian ar hi intodelh angin kan lang tan tawh a ni. Lo harsa deuh hret se chu ar vulh tute han tha leh deuh hlek se chu harsatna nei lovin kan awm tan tawh a ni. A lawmawm kan ti.

Chutiang bawkin Vawksaah pawh hian kan intodelh thawkhat. Mahse kan intodelh pumhlum a ni hauh lo. Chulaiah chuanin khawpui chawm tur hi mamawhin kan hria a. Chumi atan chuan central atangin project kan siam a. Champhai khawpui chawm turte, Aizawl khawpui chawm turte, Lunglei khawpui chawm turten hetia mahniina tih diat diat hian a daih tawh loh avangin chung atan chuan heng piggery village kan siamna bul pawh a ni. Chumi bakah chhungkaw eizawna khawp a ni e ran vulh hi tih hi show kan tumna avangin hengte hi kan ti a ni. Mahse, centralin a tira kan scheme mi an approve sak kha infrastructure bak chu kan ti thei lo an ti leh ta thut a. Chumi avang chuanin ran vulhtute ah harsatna a thleng a. Kawlkulh ami ah phei chuan inhlawh chham a ni te pawh mi in ti hial awm e. Mahse, hlawhchham kan la inti lo. Kawng kan dap mek zel a. Hlawhchham lovin kan kal ang tih hi kan tum dan a ni. Sairangah leh Lungleiah pawh hci hi kan bei chho mek a reiloteah kan luah theih kan ring.

PU LIANSUAMA

Tunah chhungkaw 30 atanga 13 penchhuak ta chhanchhuah na leh dan vawkvulhna hmun a awm tawh si khi engtingge plan thar an siam thlan tawh si tuna awm mek te khi? A hmunah an lut thla tawh si a, a beneficiary te khi. Power leh Water Supply a awm lova. Tin. School te a awm lova, khami chhanchhuahna tur atan khan Programme te insiam tur?

**PU LALRINCHHANA
MINISTER**

Pu Speaker, tunah hian kan ti mek a. Kawlkulh ah pawh Tui lakna tur PHE ah pawisa kan theh lut tawh a, electric atan pawh kan ruahman a kan pelut dawn mek a. Khatiang khan adangah pawh titurin kan buaipui mek a ni. (PU LIANSUAMA : Pu Speaker, Pukpui leh Sairangah hian Water Supply kha departmentin in ti thei mai lawm ni? Deposit work a a kal khan a rei thin a, Power chu in ti thei lo mai thei a. Pawisa tam tak seng lo deuh zawk khan tha tho siin tui a hmuh thlen theih hmelin a lang tlat mai a. Chhingchhipah pawh MIFCO in anmahni in Tui an pawtlut mai a. Tui

tel lo chuan Vawkvulhtu thlan in awmzia a nei mang hauh lo a ni a.) Eng pawh nise, heihi, tui leh electric hi department te hna ni a kan hriat avangin anmahni ah sum dahluh kan tum ang. Tin, electric leh PHE in tui lak leh electric hna kha chu an rawn buatsaih tur ah kan ngai. Chutiang chuan tunah hian kan kalpui a ni. (PU SAINGHAKA : Pu Speaker, Sairangah pawh khuan nangma department in ti mai ila Tui Pipe sawn mai mai te chu thingtlang amite tho kha Department pawh hian an hmang a, an thiamtlang vek tho a. Intake atangin an zawm a, an la mai a, department hian hmadang an ngah si a an indaihlo anih hi. Electric pawh lakna a hla vak hlei nem. Khilala 11 Kv. Line khi la thlain transformer din sela, an zo thual mai ang chu. Engpawh nise, heihi hian a ni lo thei lova nuai 2/1 thil a ni lova. Finance Department in min pawmpui theihna dan chu a department a kan transfer khan min pawmpui thei chauh a. Chuvangin a kalphung a awm c, an ti miau si tlat mai a ni. A kalphung awm an tih miau avangin a department PHE leh P & E ah kan transfer loh chuan Finance lamin min approved pui hlei thei lova, chumi avang chuan kan kal lo thei lo a ni. Chu chu a kaldan a ni tih kan tarlang duh a. Chutiang ang chuan Vawk vulh lamah kan intodelh theihna turin hma kan la mek a ni. Central lam atanga sum kan hmu leh thei anih chuan District Hqs. dang ah pawh kan lo ti zel turah kan ngai.

Bawngnute kan neih theihna turin tunah hian Aizawlah MULCO kan ti a. Lungleiah kan bun leh tawh a, chutah chuan Bawngpui subsidy kha a za telin kan pe chhuak a, kan ti leh mek a. Tunah Kolasib-ah khawl kan bun leh mek a, chutah chuan Bawngpui subsidy pawh za tel kan pe leh mek a. kan tih zawh ah chuan District dang, Champhai ah te, Serchhip ah te zawiin kan ti zel a. Bawngnute kan intodelh theihna turin tan la turin hma kan la a ni. A harsa ta ber chu Bawngsa ei tur chi hi hemi atana fund buatsaih hi Central-in min object tlat mai a. Chu chu anih avangin Bawngsa ei tur atana Bawng vulhna buatsaih leh eng emaw hi tun hunah chuan a har tlat mai a, hemi kawngah erawh chuan mipui tam takin min beiseina chu ti hleithei lovin kan awm a ni. Kan theih ang angin kawng dangin hma lak zel kan tum a ni.

Kan sawi ang khan khawl kan bunna ah pawh Artui hi kan mamawh tam em em mai a, chu Artui atan chuan Mizoram ah tuna kan Ran chaw hmang chuan kan kal thei si lova, khutah khuan Ar, ran chaw siamna kan buatsaih a. Khu khu mipui kan la supply zo lova, a pawl khawp mai a. kan theih ang tawkin Agriculture te nen, mipuiah Vaimim ching uar rawh u tiin kan

bei chho mek a, kum 2 kum 3 ah chuan kan hlawhtling chho ang tih pawh kan ring. Chutianga kan tih theih chuan Ar chaw khu kg. ah Rs. 9/-, 10/- bawr a kan hralh theih chuan Artui keimahni Ar chaw chu Kg. ah cheng kua, cheng sawm vela kan kal theih chuan artui keimahni buatsaih ngeiin Mizoram hi kan inchawm chho dawn a ni. Khatiang ang khan kawng chi hrang hrangah tan kan la a, ran a hrisel theihna turin tunah State dangah ran rawn luhna tur check-gate te kan buatsaih mek a, hemi tihhlawhtlinna tur hian sum a pawimawha chumi bakah post thawktu tur doctor leh VFA te a pawimawh a, a thuphungah chuan duh angin mi leh sa kan la hmuh theih loh avangin duh angin he hna thawhna hi a chak hlei thei lova, mahse, reiloteah hei hi tha takin kan kalpui thei ang tih kan beisci a ni. Awle, chutianga ang chuanin AH & Vety pawh hi kalpui turin kan inbuatsaih a, a tira ka sawi tawh angin a kip a kawia han re-act vak chu hun pawhin mi a daih lova, a tul ang angin kan hotute, nangmahni bial theuhah leh kan ran tana tul nia inhriatah chuan min rawn zai ula, min sawipui ulangin hmasawna turah theihtawpin tan kan la dawn nia, tiin kan sawm che u a ni e.

Pu Speaker, vawinah ka demand No. 30 Relief and Rehabilitation 3,99,00,000, AII & Vety. Demand No. 34 na 14,55,13,000, Transport demand No. 42 na 17,90,11,000 avaiin 36,44,24,000 hi he House in lawm taka min pawmpui turin ka rawn ngen e.

SPEAKER

Awle, kan Minister zahawm tak khanin a demand-te pass a rawn dil ta a. Demand No. 30 - Relief & Rehabilitation Department tan Rs. 3,99,00,000 Demand No. 34 - AH & Vety. tan 14,55,13,000, Demand No. 42 Transport Department tan 17,90,11,000 a vaiin Rs. 36,44,24,000 hi pass remti apiangin remti ti rawh ule. Remti lo kan awm em? Awle, Pu Lalrinchhana, Minister Demand No. 30,34,42 a vaiin Rs. 36,44,24,000 chu House in lungruah takin a passed a ni. Tunah Pu H.Rammawi, kan discussion wind up a demand te pass dil turin i sawm ang u.

PU H.RAMMAWI
MINISTER

: Pu Speaker, ka lawm e. Discussion hunah khan member 18 in ka department chan an sawi chhuak a, kan ngaih pawimawh thu a ni deuh ber a, alawmawm ka ti a. Member sawi zawng zawngin ka department chan an sawi deuh vek a. Mahsc, Pu Speaker, a vaia han chhan vek hi kei pawhin ka department ka chhinchhiah vek a. Officer te an kim vek a, an lo chhinchhiah bawk a, a vai hian kan inhrilhfiah kim lo mai thei a, a hmasain min hriatthiam ka ngen a. Amaherawhchu, a loh theih loh tul zual tak tak hi han hrilh hriat tum ta ila, chumi hma chuan Pu Speaker, nimirah khan budget figure in ang lo kan sawilan kha, naktuk lamah kan inhrilhfiah ang e te tih a awm a. Jhum land development chungchang figure kha a hman kum leh helai a indah dan kha a inang lova, kan han enchiang a, a dik a, a sanction kum leh helaia dahdan in ang lo kan tih kha a in ang lo reng a, a chhan chu kum 2001 - 2002 kuma sanction kha sanction a tlai avangin, March thla tawp dawna sanction anih avang khan, hman hman a ni ta lova. 2002 - 2003 ah khan nuai 41 leh sing 3 kha hman a ni a. Chutiang bawkin kum 2002 - 2003 ami kha kum tawp dawna sanction kha a lo kal avangin, hman hman a ni ta lova. 2003-2004 ah hman a ni a, hman anih kumah khan Revalided anih avang khan, khami kumah khan, a figure hian budget ah tihlan a ni tih kha a hmasain kan hrilhfiah deuh a, nimirah hrilhfiah tura ka sawi tawh avang khan.

Tin, Horticulture Department chungchang kha, member tam zawk khan an sawilang a, a bik takin Anthurium chungchang kha kan sawilang uar viau a, lawmawm ka ti tak tak a. Sorkar pawhin hma a la tha ve bawk a. Tin, flower te kan farmer ten anti tha bawk a, chuyang chuan Anthurium ah hi chuan hma kan sawn viau tih alanna chu 2002 2003 ah khan cheng nuai 24 singnga sangli zanga sawmpahnih pawisa hi kan hmu a. A kum leh 2003 - 2004 ah khan kan thawhthat zia an rawn verify zel a, a hmunah an lokal zela, kan thawhthat zia an hmuh avang khan nuai 16 sing 9 sang 6 a normal a kha tun kumin ti ila kum 2004 March thla kum tawp dawnah khan Additional kha min rawn pe leh ta a. Nuai 49 min rawn pe a, chu chu hman a la nih loh avangin kumin tun financial year-a hman chhoh mek hi a ni ta a. Kuminah khan tun current Financial year ah hian nuai 98 min pe nghal bawk a ni. Kumtawp lamah hian additional hi min pek belh dawn nge dawn lo chu a la hriat loh va, an lawm em em a. India ramah hian mahni State pawna thawnchhuak hnem ber inni a, theihtawpa puih zel che u

kan tum ang an ti a, kan lawm tlang viau va. Tin, Aizawl khawpui leh a chhehvelah reng reng pawh hian Grower leh Farmer ah hian awareness a awm tha a. Mipui duhdan hi kan duh angin kan phuhruk zo lova, amaherawhchu, Pu Speaker, thil pakhat sawifiah deuhhlekk ngai awm chu hemi Anthurium hi enkawl ngai ve deuh mai a ni a, tanpuina hi a tlem si a, mahni thaa thawhtur hi a tam si a, a chin dan hi an uluk avangin, mahni sum hi sen tam a ngai em em a, tui tha te a lo ngai a, hmun remtha te neih a lo ngai a, khavang khan miharsa zual tan khan a lo har khawp mai a, tlem a che thei deuhhlekk tan lo phei kha chuan a lo tihtheih reng reng loh mai a, mahni sum sentur atam avang khan, hman deuh lawk khan Aizawlah hian Hmarhkhak Banker meet a awm a, tuna kan House Leader zahawm tak kan Chief Minister hianin thu a sawi a, chuta tang chuan Bank kha an rawn pawk ve deuh hlek a, tan an rawn la ve deuh hlek a, kumin ah phei chuan Bank te non tang tlangin tunhma aiin ke kan pen thui thei deuh hram a, chuti nilo phei se chu rin aiin a har khawp mai tih kha kan rilruah awm sela, tun atang chuan Bank lampang pawh an tang ve khawp mai tih kha kan rilruah awm sela, tun atang chuan Bank lam pawh an tang ve zel ang a. Khatiang anga tan la chungga hetiang ang dinhmun thleng thei kan ni tih hi kan rilruah awmse ka duh a.

Tin, House information atan Anthurium lak luh dan tlangpuia hi engeni a kung kan ti mai a, stem kan ti dawn nge hei hi, a stem pakhat hi Rs. 85/- atanga Rs. 100/- vela lak luh a ni a. A te kha aman a tlawm a, a lian a duah tha kha a to a ni mai a ni. Tiang ang kha hralh dan kha a ni a. House Information atan kan sawi duh a.

Tin, Pu Speaker, Horticulture kan sawilai mckin Ngopa bialtu Pu H. Rohluna bial Hnahlan vela G.I. wire semdana kha kan member zahawm tak khan a rawn sawilang a. G.I. wire sem dan kha tlem sawi nawi deuh a awm a. Hnahlan khua atang in ka hnenah direct in information pawh min rawn pe a. Department ah chhuinghal teh u, kan ti a, an chhui nghal char char a. Department lam atangin information pawh ka dawng a. Chumi hnuah chuan khilai Champhai a Officer in-charge pawh kha tawngkamin ka be leh a keimah pawhin. Thil awmdan tiang hi a ni. Hemi G.I. wire a hi running meter a lak a ni lova, a weight a lak hi a lo ni a, sem danah pawh Tunah hian Hnahlan bial bik phei hi chu kan ngaih pawimawh bial bik a ni a Grape ah chuanin. Hnahlan bakah a chhehvel hi tuam that leh deuh, tuam kim leh deuh hi kan tum a.

Hnahlan, Tualcheng, Khuangphah, Lungphunlian, Vapar, Diltlang, Vaikhawtlang heng khua bik atana grower kan thlan a te hi a inang ta lova. Entirnan :- Hnahlanah chuan 256, Tualcheng 60, Khuangphah 114, Lungphunlian chhungkaw 27, Vapar 26, Diltlang 13, Vaikhawtlang 18, an nih lai khan G.I. wire an dawn dan tur kha chu a gtl. in a ni tawp mai a. Vaikhawtlang hi chhungkaw 18 an ni a, gtl. 50 dawng tur an ni a. A weight a lak anih avang khan Roll khat hi kg. 50 te a ni a, a tlinglo deuhhlekk te a ni a, a aia tam deuh hlekk te a ni a. Chuvangin, a teh dan pawh a har viau va. Khatiang anih avang khan Hnahlan area a an thawn kha an thawn kim lo nasa a. Tunah hian Champhai ah an la kawl teuh mai a, an thawn kim lova, thawn belh zel tur a ni a. Fur a rei deuhva an duh anga kawng a that loh avang khan an thawn thei lova. Champhai ah hian kawl pawh buaithlak khawpin an kawl a ni. An thawn belh zel dawn tih kha kan member zahawm tak khan a lo hriat atan.

PU H. ROHLUNA

: Pu Speaker, khami a wire a kha Champhai leh an khaw inkar a phurh man a kha a beneficiary ten an tum dawn nge? a department-in a tum dawn? Tin, pakhat lehah chuan a wire a kha a roll a sem mai kha an tum a. Kan Minister zahawm takin a sawi kha ka thu dawn dan nen a inmillo a ni. a kg. a tih tur phei chu a ni a, mahse khami an thensawm tawh hnuah khanin a roll a inzat a sem kha an tum a ni. Kha kha i thu dawnna kha a dik bik lo te pawh a ni mai thei a ni.

**PU H. RAMMAWI
MINISTER**

: Pu Speaker, a roll-ah khan roli khatah khan a then kg. 50 a then chu 48 kg. te a ni a, 53, 54 te pawh a ni a. A weight a a kal avang khan a roll kha a dik thei bik lova. Amaherawh chu a khua atan quintal chuti zat tih kha a ni bawkk si a. khalai te kha a awm ve a ni tih kha min hriat sak sela tih ka duh a. Tin, Hnahlan thlang kha chu Department in kan tum tur a ni e, a phurh man kha (PU H. ROHLUNA : Pu Speaker, hei chu Office ah te khan an lak tir a, a phurh man kha Diltlang a mite kha an pe chuang si lova tihkhan an lak tir ania, chu chu thuchiang tak a ni. A la tu ngei

pawhin min hrilh VC member te anni nghe nghe chutiang chuan khawdang pawh an (i) Pu Speaker. Hnahlan ihleng kha chu Department in kan tum tur a ni, kan lo enchiang ang a, an lo pe a nih chuan, farmer ten an pe a nih chuan kan rul leh mai ang. Tin, Pu Speaker, separation of Judiciary chungchangah (PU SAINGHAKA : Hlaia kan MLA zahawm takina a sawi tunah pawh problem awm reng Serthlum thi chungchang thu kha tam chungchangthu kha Department lam hian englinnge an ngaihtuah kha kha hriat a chakawm deuh tlat) Horticulture kalsan dawnin a lang a kan lut leh mai ang. Kan kual lut leh mai ang. Serthlum tam hi a buaithlak khawp mai a. Pu Speaker, tuna Mizorama kan problem ah hi chuan Champhai velah khian a tam an hre lova, khawthlang tlang dung western belt a Kawrthah tlangdunga Serthlum kan neih thatna area hi a tam nasa a, tin, farmer te pawhin an tuar nasa a. Tunah hi chuan Serthlum ching tura infuih hi a har viauin kan ring an ti nghe nghe a. Chutiang chuan Serthlum tam chungchangah hian harsatna kan tawk tlat mai a. Mizorama Serthlum tam kan tih hi mithiam rual National Research Centre for Citrus an ti a Nagpur ami ten, a hmunah an rawn endik tawh a. A tam chhan an puh ber chu a tir atanga enkawl uluk loh vang niin an ngai a pakhatah. Tin, lei niin an ngai a, pakhat ah. Tin, leitha a duh ang tawk pek that loh vangte, a tamsa atanga a chi lak te, leh Serthlum pawn tui a duh ve thova, thal lai pawhin tui pe ve a ngai a, a par laiah phei chuan tui hi pek ngun a ngai ve khawp a, tui pek leh pek loh hi a rah a lo danglam viau a, tui pek thatin a rah tha a, tui pek that loh avangte kha a chhan an sawite zingah chuan a ni a. Hemi enkawl tur hian Department in theitawpa hmalak a duh lain sum lamah indaih lohna kan lo nei a, chutichung chuan a theih chin chinah chuan farmer field-ah training te pcin, demonstration te conduct a ni a, tunah hian model atan Hlimen-ah...

PU SAINGHAKA

Pu Speaker, hun a tlem a vangin nichin khan ka sawi hman lova, mi pakhat ina he mi a tam chhan min hrilhn hi a dik em? ka hre lova, lo hre ve mai mai ula, "Taiwan-ah hian a tam ve a, Taiwan-a a tam an tihdan chu an lai a, a zung hmawrah hian a hrik var a tam a, chu chu an tihlum a, a lei pangngai an vur leh a a nula leh hluah mai a, an ti a. Chu chu kan Agriculture department ah pawh hian sawi a ni tawh a, pathology te pawh an

nei lawm ni? enteh u ka ti a, an ngaihsak lova," a ti a. Tunah hian Sateek tlangdung hmun thenkhatah chuan a tam chhan zawngin anmahni Serthlum tam tur zung kha an lai mek niin a lang a, departmentin ngaihtuahin lo enzui sela a tha khawp ang.

**PU H. RAMAWI
MINISTER**

Pu Speaker, Serthlum 80, 90, ni tawha an ngaih, thimai tur a an ngaih tawh kha kawng-an han lai a. Aizawl daiah mai hian, kawngpui laihna leivungin a chim hnuah khan a nula leh vek a. Aizawl khaw mi upa lam deuh te hi chuan an hre deuh vek ang a, khatiangte kha Scientific method pawh a ni chuang lova. A taka kal ve mai khatiang chi kha thilawm a awm ve a, enge a chhan tihte phei chu thingtlang pain kan hre lem lova, a takin a vel a mite pawhin an hmu tih kha kan rilruah awm sela, tin mak ve deuh mai chu khawchhak tlangdungah khian a tam kan hre lo an ti tlat a ni. Chuvang chuan a bik takin Horticulture Department atang hi chuan khilai area khi bawh deuh ila tih ngaihdante pawh kan nei nghe nghe a ni, tun atang hi chuan.

Tin, Pu Speaker, separation of Judiciary, nichina kan sawi kai zawk kha, Pu Lalhmingthanga, kan Opposition Group Leader leh kan Oposition Leader Pu Hawla te khan an sawilang a, separation of Judiciary chungchang hi tuna kan dinhmun kha an hriat duh thu an sawilang a. Ici hi Supreme Court thu angin High Court-in Judicial Service Rules 2002 an draft kha Mizoram sorkarah an rawn thawn a. Amaherawhchu, keimahni M.J.S. Rules, 1989 nen khan a inmil lo viau a ni. High Court in an rawn draft kha, chu chu kan han thlir kan han thlir a, tunah pawh hian kan thlir lai mek a ni a. Hmanni khan Guwahati High Court-a acting Chief Justice hnenah tah hian duhdan kan nei a, kan duhdan hi chu kan sawi ve a thiang dawn lawm ni? Rawt duh kan nei a he Rules ah hian. Rawtna kan rawn siam ang a, hei hi chu i sawiho ang u hmiang, kan Rules neih lai nen hian a in persan thui em a, ka ti a. Anni khan, rawtna chu rawn siam ula, Judges te kan rawn tir ang a, i hovin Aizawl ah lo sawiho rawh u an ti a, chu chu kan inbuatsaih mek a, tunah hian kan duhdan kha keimahni kan chian lawk kha a ngai a. Kan duhdan angte khan kan han duang ang a, chu chu anni nen khan kan sawiho leh ang a, khami kan sawiho hnuah kan decision

atang khanin High Court-in an draft kha engtia kalpui tur nge tih kha sorkarin a kalpui tur chauh a ni a. Chuvang chuan, khatiang lova kan kal kha chuanin nakin zelah kan Judicial Officer-te tan Ram leilung fate tan fimkhur a ngai viau va, he thilah hian. Thil hian tham a nih avangin; chuvang chuan khatiang ang hma kan lak lai kha a ni a tih kha, House information atan kan sawi duh a.

Tin, Saiha bialtu Member zahawm lak Pu S.Hiato khan a fertilizer tur ni ang hian khan in sawi a, tih kha a sawilang a. Fertilizer hi chi hrang hrang a awm ta a. Organic Manure te, Bio-fertilizer te, Optagreen Manure te a awm ta a. Hengho ah hian tur a awm kan ti lova. Amaherawhchu, Synthetic Chemical Ferti-lizer ah hi chuan poison a tel a ni, hei hi kan sawi thin a ni. Synthetic Chemical Fertilizer-ah hian poison a tel a ni. Hei hi mihring tan a tha lo a ni tih hi kan sawidan thin a ni. Chu chu kan duhloh ber pawh a ni bawk. Chuvang chuan a Synthetic Chemical Fertilizer a synthetic chemical, tello Bio a ni emaw Organic manure a ni emaw Green manure a ni khalamah khan tan lak kan tum a. Hmang e, an lei a thi tawh a, khunglai velah chuan tihnun leh a har a, khatiang lo kha chuan an che hlei thei tawh lova. Chutihlai chuan, Pu Speaker, kan sawi kai duh lawk chu khulam khanin min nuhzat deuh lek lek a sawinate kha a awm a. Punjab leh Haryana ah khuan homi Synthetic Chemical Fertilizer an hman nasat viau lai hian sorkar ni lovin Farmer te an tang rual a, Farmer te khan sorkar te kha an iehpei a. Anmah- ni tangrualin Organic Farming an kalpui a, chu chu Foreign company te nen contract Farming in an kal a. An thil thara kha foreign ah te to lak takin an hralh a ni. A hiawk tih an hriat avangin farmer te kha an tangrual a. Anni chauh nilovin South India ah pawh khatiang ang khan farmer te tangrual khan an State sorkar kha an tlankhalh a ni, tih kha kan riiruah awm seia.

Tin, Organic Farming sawilai law lawin Pu Speaker, tuna a bik taka Agriculture Department atanga hmalak kan tum dan hi Mizoramah hian Duh chin nana potential area kan neih vawiinnia kan explore loh hi a theih chin chin chu explore kan tum a. Tahchuan, vawiinniah hian he House zahawm takah hian ka sawi hreh lo. Chhim mi ka nih vang nilovin, he House member ka nih na anga sawi ka duh pakhat a awm a. Mizoram dung leh vang hi ka fang ve tawh a, khawchhank, thlang, chhim leh hmar tawp hi ka fang ve tawh a. Tahchuan potential area kan neih kan la explore loh tamna.

ber chu Chhimtuipui District leh Lunglei District ah hian a ni. Entirman - Palak zawi kan tih ai hian a piah Salazawi - Lung puk saw a zau zawkin an ring deuhhleik a. Chutiang bawkin ram tha kan neih Chamdur area hi explore a la ni lova. Chutiang bawkin Chawngte leh Vaseikai inkar Tuichawng dung hi explore loh hrim hrim a la ni bawka.

Tin. Western belt ah khuan, hei kan Member zahawm tak Chawngte bialtu Pu Rasika a awm a, a hrechiang anga explore loh hi kan ngah em em a. Tahchuan tun financial year ah hian chuan kan la tang hman lo ang a, kumthar atang chuan a theih chin chin a then phei chu ngaw dur pui, mai leilung piantirh ata ngaw la thiah miah loh te kha a la ni a. Forest control area a ni lova. Khatiang ang khanin hmar lamah pawh khawihiang lamah pawh, a theih chin chin hi chu explore kan tum a ni tih kha kan rilru ah lo awm sela.

Tin, Champhai leilet zawlah te Serchhipah te, Kolasib area ah te, Buh kan ching a, kan seng zawhah hian ran tlat nan kan hmang tlat thin Winter crop chin hian pawisa chantir chuan a hlawk zawk. Chuvangin hetiang ram tha kan neihah chuan tun hma kan tih loh winter crop ah hian tang deuh hlek ila, kan mamawhna a sang si a, tah hian farmer te hi hetiang lama tan la, turin fuh ila uin winter crop lamah hian tan la ila. Kuminah pawh hian Pu Speaker, tuna current financial year ah pawh hianin kan thlai chi loina turah khanin pawisa kan hmang deuh hlek a, thil dangah chuan theih chin chinah kan in control a ni. Farmer ah awareness kan pe ang a ti khan kum 2 kum 3 ah chuan Buh seng zawh a ram awla kan dah thin ah khan thlai chinna hmupui a siam dan a awm kan ring a ni. Organic Farming bill hi chu he House hian min passed sak a. Tunah hian Act kan nei a, mahse Organic State ah kan declare lo, sorkarin declaration order a la siam rih lo tih kha.

A rule kan buaipui mek a, mahse, a danah khan kan State-a tawp mai ni lova khulamte nena inzawm ngei a nih avangin. Tin, a Rule hi fimkhur a ngaihna chu India rama a siam hmasa ber tur kan ni a. Khulam pawh kan rawn a, dapchawp an ni ve a National Policy ni mahse, a hmasa kan nih avangin fimkhur a ngai a. Hemi Organic State a kan declare loh chhan leh tun thlang a hmatak tharna tura kan fimkhurna chhan hi sawifiah a ngai a. Thil thar a ni a, a reaction leh implication te en hmasek a ngai. Public in an suffer dan tur leh puang ngawt ta ila, a lehlamah Farmer te tan ber

a ni a. An hneina Awareness kan pek that lohva Farmer India kan Mobilise hmasak loh chuan a pawng a puia beih luh chi anni lo. Chuvangin, Farmer te idea mobilise phawt a ngai. Zawi zawia tihchhoh ngai a ni. Chuvangin, chak lutuka kal pawh a rem lohna lai a awm. Tunhma khan Garden Colony te NIUP te kan ti pawh kha. MIP te pawh loncitate idea mobilise hmasa lovin kan Inter level a, kha kha kan tihfuh lohna ni pawhin a lang. Chulolehah chuan India ramah hian a Act nei hmasa ber kan ni a. Mahse, a tak kalpuiah chuan a hmasa ber kanni lo. Punjab te, Haryana leh S. India ah a takin an kalpui tawh. Farmer te an tangruah a. Contract farming in an kalpui mai keini erawhchu kan farmer te sawkarin kan guide a ngai dawn a. Fimkhur a ngai. Hemi Conversion Period ah Inorganic atanga Organic a inleh hun period hi kum hnih atanga kum thum hi an tihdan tlangpui a ni a. an guidelines ah hian kum hnih atanga kum thum conversion period an tih thih hi Mizoram ah chuan kan hian ti ang a, kan farmer te idea kan mobilise chuan nakinah kum khata zawh theih a nih kan ring a. Chuvang chuan Guideline leh engkima National Programme a an ziah lan zawng zawngah hian record break theiah hian kan inngai bawk a ni. Chuvang chuan a pawng a puin hmanhmawh chi a ni lo tih kha kan rilruah awm sela

Tin, he programme hi mimal tinte hriselna a tana pawimawha chhungkaw tir tan, kan hnam tan hei hi a pawimawh a. Chuvang chuan eng sorkar pawh ding seia he programme hi chu Mizoramah hian a kal tlang dawn hrim hrimin ka hria. A chhan chu Bill kan putlul lai khan kan vaiin kan lungruah tha em? Hnam ang hian kan chiang niin ka hria a aiawm awm pawh ka ti tak tak a. Mimal tinte hriselna kan ngaihtuah bakah nakinah identified area a kan thil chin leh thar chhuahte kha man man zawkin hralh chhua theih a ni dawn a, hralh chhua theih mai ni lovin mirethei tan a chinna leh enkawlina kan harsat lai khan contract farming in kan lut nghal ang a, chung hunah chuan farmer te vawinnia an retheihna leh harsatna hi, tunhmaa kan manganna kha a hlawk zawngin Zoram hi a kal kan beisei a ni. Tunah hian Pu Speaker, Contract Farming a luhpui tur hi kan zawng mek a, Company hi kan hmu nual a ni tunah hian. Amaherawhchu, kan hmuh chhun karah beh nghai mai kha tha kan ti lova, a dang kan zawng zel ang a, tichuan, a tha. Initial support pe tam thei deuh kha kan thlang ang tih kha kan ngaihtuahna a ni a. Chuvang chuan tunah hian contract farming a luhpui tur entinan, aieng te, sawhiling te hi kan duh ang kan hmu lo, ti rawh u kan rawn chho ang ti pawh an awm a ni tunah hian, amaherawhchu, kan farmer te dinhmun kha kan enchian hmasak a, kan mobilise hma-

sak kha kan tiktur anih avangin hmanhmawh lutuk a kal kha fing ber lovang tih ngaihtuahna avangin tunah hian slow and steady in hma kan la a ni tih kha he House information atan ka sawi a ni.

Tin, Pu Speaker, Mizoram a kan uar em em loh ti mai ila aromatic leh medicinal plant ho hi a hman a hlawk a Zorama kan neih sa pawh a tam a. Heng hi explore in kan neih loh pawh la lutin Mizorama tha thei tur han hriat hi tunah pawh a awm nuai tawh a ni. A then phei chu, 1 hec. ah Rs. 10 lakhs chung tharchhuah theih tur pawh kan hmu a ni. Mahse, fimkhur takin, a the ngei ang em? mithiam ten tha tura an ngaih hi a tha ngei ang em? tih fiah anih phawi loh chuan farmer te hi a pawng a puin kan chin tir ngam rih lo a ni. Department in theitawpin hma kan la a ni tih kha House in min hriatsak atan ka ngen a ni.

Tin, thil pakhat, Pu Speaker, Mizoramah hian Tung nei kan tam em em a, a hralhna a awm lo tiin kan buai a, a then phei chuan an kit an tih pawh kan hria a, information kan dawng a ni. Term hmasaa he Department enkawltu, kan Minister Pu Aichhinga pawh hian kit lo turin kan ngen ngawng ngawng mai a, theih chin chinah, a uihawm a ti a. Mahse, a then hian an kit tho niin thu kan dawng a. Chutih laiin Tung hralhna awm lo anga ngaih kha hralhna hi chu a lo awm khawp mai Hmanniah pawh khuih kan kai a, for Aizawi 1 Kg Rs. 43/- for Kolkata 1 Kg. Rs. 53/-, kan duh reng alawm, Mizoram in min titawp anih kha an ti. Helai Rs. 43/- chuan Tung neitu tan chuan a hlawk tho a ni. Kan harsaina he House a sawilan ka duh a, mi kan hliam deuh anih pawhin pawh ka ti lo. Kan hnam thil, farmer te thil a ni flat.

Hetah hian grower an awm a society an awm a. A grower kha kha eng department hnuaiah nge an awm ang? Society kha eng department hnuaiah nge an awm ang. Lehlamah KVI ten an lo la ve bawk a. Khang pathum tanruai lohna avang khan. Itisik tawna avang khan kan buai a ni. Khangho avang khan Tung chingtu mi tam takin an tuar a ni. Chuvang chuan wawinniah hian Tung chingtute reng reng hian an Tung hi kit lo turin ka ngen ni sela. Nakin zelah inter-crop a tih theih a. A karah khan intercrop tiktur hi kan ngaihtuah a. Khatiang khan hlawk zawngin, a Tung ngau ngau kha hlawk viau a nih loh pawhin a puiting sa kih chu a uihawm em! A dang chin leh ai chuan a hlawk reng reng. PU SAINGHAKA : Nis, "helamah hian hmalak an tum lo" tih kha a ni a. Tunah hmalak tumna a awm a, lawmawm ka ti khawp a. Hemi DPR

nuaih 50 lokala hi nuaih 30 chauh hi an hmang dawn a. Nuaih 20 an la dah tha a ni). Hei eng department fund atangin maw? Horti ami te. Pu Speaker, a then hi chu NEC atang tein direction hetah grower leh society kha a awm ve tho a ni a, confuse path awl ve deuh mai a nia, kha lai kha. Tiang khan a kal ve thova, nakinah ka department zawhna hlii a ni a. Naktukah a chhuak leh ngei turah ngai ila, kan la sawi chhonzawm leh turah ngai ila. Tung chungchangah chuan, mite reng reng hian an Tung neih sa hi kit lo tur hian inzirtir ila, a karah khan inter-crop thil chin theih a mih avangin a puitling sa tih kha chu a uihawm em mai, Tung kha hlawk em em a nih loh pawhin tih kha vawiinni hian kan sawi nawn duh a.

Pu Speaker, a tawpna ber atan, ka department chan rawn sawichhuak tute reng reng in thahnem ngaihna rilru leh farmers te tan thil tha ngaihtuah ngawih ngawih kan ram leh hnam tan thil tha ngaihtuah chung zel a, members sawi apiang ten an sawi avangin vawinah hian lawmthu kan member te chungah ka sawi a. Nakinah pawh Constructive approach a kan kal zel hi kan vai tan leh kan hnam tan a tha a ni tih kha kan rilruah awm sela.

Pu Speaker, Pu Lailimthanga rawn sawi MDC te Pension tih kha double pension kha helamah khan amend a la ni rib lova. Chuvangin siamtha tura moved mek a ni a amend turin, tunah pawh hian tih hman ka inringa. Finance ah a kuali tawh a, kha kha kan rilruah awm sela. Tin, MLA te chu Assembly lamah a kal a, parliamentary ah a kal lo tih kha kan rilruah awm sela.

Pu Speaker, ka Demand No. 4 na Law and Judicial cheng 3,21,34,000/- Demand No. 12-na Parliamentary Affairs Rs. 20,50,000/- Demand No. 31 Agriculture Rs. 41,43,70,000/- Demand No. 32 Horticulture Department Rs. 9,41,50,000/- hi he House zahawm tak hian min pass sak turin ka rawn ngen a ni.

S P E A K E R

: Kan Minister zahawm tak khan a Department, cikawhte tana Demand for grant Demand No. 4 Law & Judicial cheng 3,21,34,000/- Demand 12 Parliamentary Affairs cheng 20,50,000/- Demand No. 31 Agriculture cheng 41,43,70,000/- leh Demand 32 na Horticulture cheng 9,41,50,000/- avain cheng 54,27,04,000/- te kha a

rawn dil a. Pass remti apiangin remti ti rawh ule. Remti lo kan awm chuan remti lo ti rawh ule. Awle, kan Minister zahawm tak Pu IL Rammawia demand a vaiin crore 54 nuai 27 leh sanglite chu Housein lungual takin a pass a ni. (PU H. RAMMAWI : Pu Speaker, ka lawm e.)

Tunah chuan kan Minister of State zahawm tak, kan discussion te han wind up a a Demand te pass han dil turin i lo sawm ang.

**PU K SANGTHUAMA
MINISTER**

Pu Speaker, ka lawm e. Vawina ka demand ni 23 in an sawi a. Food & Civil Supplies ah 10, Co-operation ah 3, Sericulture ah 10

chuan 23 in an sawi a. A lawmawm hlein ka hria a. Kan department ah in tui tiang niin ka hria a. Hei Sericulture lamte pawh min tuipui hlein ka hria a, a lawmawm hle a. Mahse, Cooperation lamah hian kan tui vak lo nge ni mi pathum chahin kan sawi a Vawinniah hian Seri leh Co-operation hi a pawimawh hlein kei chuan ka hria a. Chuvangin ka theih ang angin kan sawi chho ang a, a reilo thei angin kan sawi chho ang a, a reilo thei ang deuh hleka han sawi pawh ka lum ang a.

A pakhatna atan chuan Food & Civil Supplies chungchang hi han sawi ila. Heiaiah hian a bik taka han chhan tur pawh a awm nual a. Mahse, a mal mal chuan kan chhang seng tirah ngai ta lo ila. Hei Ruhfai chungchangah hian BPL thlan dan chungchang velah khan Kawrthah bialtu MLA zahawm tak khanin a rawn sawichhuak a. A har ang reng khawp mai. Amah nen pawh kan sawi a. Kawrtethawveng a BPL thlan chungchang kha amah nen pawh kan inbia a, an inrem thei tiat lo mai a. Engpawh nise ko chho ila, inrem turin ka room ah i hovin sawi khawm ila kan ti a. Mahse, an rawn chho thei ta lova, chumai ni lovin hmundang ah pawh harsatna a awm neuh neuh a. Pu Duha rawn sawi pawh kha khimi Ruallung khua khi, khatiang khan harsatna a awm a. Chumai nilovin kan MLA zahawm tak Pu Duha bial Sakawrkai ah khian harsatna a awm bawh a. Kan sawi dan leh a, a harsatna chu anmahnia an solve theih loh a, an siamtha thei lo auli chuan MLA nen, kei nen sawiho ila, tumah duham lovin inrem teh u ka ti a, kei ngei pawhin Supply lama kan hotute pawh ka tir a, chutiang chuan BPL chungchangah

hian harsatna kan nei thin a, a bul tak ah chuan kan V.C te, kan NGO te, Party hotute lo inrawihna a awm thin bawk a. hei chu kan hre vek a. Hemi harsatna ah chuan, a vaiah harsatna kan nei ani lova, tlem te ah chauh harsatna kan nei a, khawilaiah emaw chuan harsatna lo awm mahsela, harsatna hi a khua zawng zawng emaw, bial zawng zawngah emaw chuan kan nei lova. Kan MLA Pu Saikapthianga leh Pu Lalduhoma bial ah hian harsatna kan nei deuh a. Anmahni te nen inbiain, vawintlengin kan duhthu a sam lova, kan la sawi ho zel turah ngai ila. Kawrtethawhvenga a sawi pakhat an S.K. kha chu a diklo ve deuh pawh ani mai thei. Khulai ka bial atang pawh khan term hmasa ah pawh a tha tawh vak lovin ka hria a. Sawm tura tih a ni a. Vawihni ihlenga la awm niawm tak a ni a, tun tunah hi chuan a that lohna an la rawn report chiah lova, vawihna an sawi atang khan ka lo hria ang a, ka lo en ang a, that lohna a nei anih chuan a that lohna ang ang chu engtinge kan tih dawn tih chu vawihniah ka hre chiah lova, kan Officer te kan han zawt ang a, that lohna a tih ang ngat kha a nih chuan ama thu thua a BPL te a lo appoint ve mai a nih chuan a tih theih bak a khawih a ni tih a chiang mai a, engpawhnisela, kan lo enfiah turah ngai ta ila. Tin, chumi Kawrtethawvenga BPL member la fello pawh kha kan la en leh zel turah ngai ta bawh ila.

Tin, Ruallung khuaa party atanga inleh avang maia pe duh lo anih chuan kan lo enfiah bawh ang a, heiang ang mai mai hi chu keinin kan department ten kan tum dan leh kan ngaidan a ni lova, an lo thlan tawh anih chuan an hmu ngei ang, tih kha kan rilruah awm se a tha ang. Sorkar pawhin an lo thlan tawh anih chuan an thlan tawh leh tha tak an lo ngaihtuah anih tawh kha chu zawm mai kha chu sorkar pawhin kan tihawm tak pawh niin ka hria.

Amaherawhchu, report pawh hi a hranpaa kan han enfiah leh phawt loh chuan helaia report zawng zawnga hi a diklo ve thei bawk a, kan MLA zahawm tak te khan an rawn report kha a diklo a ni ang e ka tihna ni hranpa lovin. (PU SAINGHAKA : Pu Speaker, BPL buhfai phurh man hi supply tum a ni em? tih kha nichinah khan an zawt deuh zawkin ka hria a, a phurh mana hi.) BPL phurh man maw? heng hi chu Supply atanga pek vek a ni a, chuvangin BPL, phurh man te hi chu Supply pek tur niawm tak a ni, Supply in buhfai hi kan pek a nih chuan. R.D. lam hianin Food for Work hi anmahniin an la tawh a. Tunah chuan, Food for work hi chu a phurh man hi R.D. atanga kal vek a ni a. Tin, Godown pawh hi anmahnia intum theih tura ngaih a ni a. Anmahnin an tum theih loh chuan an intum theih loh ching erawh chu Supply atanga hmu erawh hi chu remtih a ni a.

Tin, hemi Gas chungchangah harsatna tiem thla hmasa khan kan nei a. Mahse, kan en vang vang a. Thiakhat kan requirement hi 80,000 1,00,000 vel hi a ni a. Kawng chhiat leh leimin emaw vanga buaina ah pawh khan lakchhuah zawng zawng a chu cylinder 1,00,000 chuang kan lo la chhuak a. Requirement thlatin kha kan thileng ta tho mai a. Mahse, thidanaah diklo deuh hlek a awm emaw ni chu aw kan ti a. Thenkhat lak kha black tein an hrah leh. Chuvangin khawlai kalpui awih lovin agent te luena lak kan ti a. Khatia kan tih khian tumah kan inure seng lawh si lova, khalaiah khan thenkhatin duh ang tawk tawk te an la a, an lo black thin niawm a ni. Mahse, kan tih tawp a khawlai a zawrh phal leh chinah chuan kan harsatna a piang chho a. Vawiniah pawh hian Silchar buaina avangin Gas a harsat hlauh vangin theitawp kan chhuah a. L.O. te kan phone a. Gas phurh chungchangah harsatna a awih dawn chuan rawh escort ula tichuan harsatna kan tawk lovang kan ti a. Chuvangin, vawiinniah chuan harsatna lutuk awm rih lovah kan ngai a.

Tin, harsat vanglai tak pawh khan Borkholaah ka zuk kal a khalaiah pawh khuan helai atanga pawisa agent ten an neih phawt chuan theitawp kan lo chhuah ang tih min tiam a. Tunah hian Mualkhang ah khuan bottling plant kan buatsaih mek a. Khu khu kan la zo lo deuh a, kum thar thal chhung hi chuan zawh kan beisei a, a civil work eng-emawchen zawh loh kan ia nei a, a fencing te zo hman turin contractor te kan ngen a, chak zawka thawk tura inbuatsaih turin kan ngen zel a. April thla vela hawn theih turin in inpeih thei ang em kan ti a, peih theih kan inbeisei an ti a. Kan enpui chho zel ang a. Nikhatah Cylinder 1200 chauh thun theihna turani a, kan mamawh chu a phuhruk lo viau dawn a, chuvang chuan, ni 30 chhung ni ta sela 30000 chauh emaw thiakhatah kan thun thei dawn a. Thla khata kan requirement hi nuai khat chuang lai a ni bawk si a. Engpawh nise a tih tam dan chu la ngaihtuah zel turah kan ngai a, tih theih tur pawh a ni ang a. Engpawh nise, khu khu kan zawh chuan kan harsatna thenkhat zualpui a hi chu phuhruk turah kan han ngai a. Chuvangin kumthar lamah hi chuan hawn theih ngei tura inbuatsaih kan han tum ve deuhhlek a ni, gas lamah chuan.

Tin, Chini ah hian zawhna te pawh a awm a, vawiinniah pawh khan kan han sawi a, thlahnih thlathum thlali lai chu harsatna kan hian tawk a. Hei hi a chuan chu kan factory leh FCI karah hian harsatna a awm avangin a Chini a awmlo pawh ni lova, tin, a pawisa a awm lo pawh a ni lova, pawisa kan

thawn reng tawh hnu khan minrawn thawn thei lova, Central lam harsatna avangin thia 4 dawn lai chu kan han pe thei lova. Amaherawhchu, vanneih thlak takin helai buaina kha areh ta a, tunah chuan alo thleng tawh a, thingtlang lamah te Aizawl ah pawh Chini hi tunah chuan sem theihin kan nei leh ta a ni tih kha vawiinniah pawh he House hi kan hrih duh a. Ni e, kan harsat laia kha chu kan pha lova, marawhchu, kan tih theih tawh bak a ni a. Central lamah factory te. FCI rawn dahtu berte hnenah engemaw avangin in hriatthiam lohna deuhlek thil sawifel ngai a awm avangin, kan sawifel lawk thei lova, tunah chuan harsatna kan nei ta lo a ni tih kha hria ila, chini pawh lak theih a ni tawh e.

Tin, chu lo lehah chuan Buhfai chungchangah hi chuan harsatna lutuk kan nei rih lova, thingtlang lam tepawh tunah hian fur chhung atana kan inbuatsailma te pawh a hlawhtling tha hlein kan hria a. Hei fur chhung khan, fur hma khan, fur chhung ei tur hi kan chhekkhawl lovang tih hlauvin contractor te hnenah pawh theihtawp chhuah turin kan ngen a, tichuan a theih ang angin kan han thur nawk nawk a. Tin contractor te pawh tang turin, theih tawp chhuah turin kan ngen a Tichuan contractor te pawhin theihtawp an chhuah a. Khawthlang lamte, khawchhak lamte leh sawmi chhim tawpah te pawh fur laia kal theih lohna zawng zawng kha kan han dahkhat vek a. A thenah phei chuan atam tawh lutuk a ni ti hialte pawn an rawn sawi a tam deuh naah kha chuan kan han chawi a. Khawimaw lai laiah tam tawh chung chung thawn luizel anga ngaihna te pawh a awm a. Chung chu a leng tawh lo chinah kha chuan vawiinniah pawh hian kan thawn tahi lo a ni tih erawh kha chu kan hriat atan a thain ka ring a.

Tin, khawthlang lamah YMA Conference te kha a awm avangin khawthlang lamte pawh kan han duham deuh a. Mikhualte an tam dawn a, Buhfai te duh anga eitur a awm loh hlauvin khawthlang lam te pawh kha Kudam a leng tawh kan dah a, vawiinni thlengin an la thachham lova chu chu Buhfai a kan kalphung a ni a. Vawiinniah chuan Buhfai lamah Central atang pawhin harsatna kan tawh lova FCI atangin harsatna kan tawh lova, Tin Mizoram ah pawh harsatna kan tawh rih lova chu chu kan dinhmun tlangpui a ni a. Engpawhnise sawi dawn chuan seitak sawitur a awm anga kan sawi seng vek lovang a. Chuvangin Supply chungchang ah pawh kha kha lo duhtawh dawn mai ila a thia mainn ka ring a. Hei kan

PU H. ROHLUNA

Pu Speaker, Kan sorkar hmasa khan, Kawibem buhlai chhia kha, kha kha engtingge min tihsak dawn? Kel in a ei a, a eihnu reilote ah a thi a. tunah Mihring in va eipalh tase a hlauhawm tiat a nia, a rimchhe bawk si a. A hlauhawm tiat a ni. Thudik tak ania. Pu Speaker, thu dik tak ania hei hi in nuh sawh mai chi ani lovang. Thudik tak a ni.

**PU K. SANGTHUAMA
MINISTER**

Pu Speaker, kha kha kan lo ch-chiang vat ang a, a onchiang tur kan tir vat anga a thalo ania tiral ngai anih chuan Doctor te kan exam tir anga, tichuan duhang thalin Department in kan tiral mai thei lova. Doctor ten a ei tlak loh a ni e an tih a, an exam chauh khan tiral thei kan ni a. Chuvang chuanin theihtawp chhuahin kan lo ti anga kan lo endik tir phawt dawnnia. Chu chu vawin niah sawitu zahawm tak khan min hriatsak sela a tha awm e. Hei Co-operation hi a pawimawh khawp mai a, Co-operation atang hianin hnam a din chhuah theih a. Vawin niah hian mi pathumin an rawn sawi a, a lawmawm hle in ka hria a. Co-operation hi hei a har angreng khawp mai a. Tun hma atargin theihtawp chhuah hi Sorkar hmasa, hmasa leh atang te pawn an lo ti chheva. Chuvangin tunah pawh hian theihtawp chhuah a Co-operation lampang hi Cooperative atanga hemi movement atanga khawvei hi lo dingchhuak ta te pawh a ni a. Chuvangin hei hi kan rilru pawh a Member zawng zawng in kan ngaihpawimawh tha hlein ka hria a. Hemi kawngah hian tunah pawh hei Cooperative Society unit tam tak a awma Mizoramah hian kan duh angin kan enkawl tha thei vak lova. Heng atan pawh hian tun aia tha zawk a enkawl leh ruahmanna han siam chhoh zel pawh kan tum a. Hei an thawk tha angreng khawp mai a. Nichina an han sawi tak MULCO Bawnghnute lampang a vawinnia duhtawk a tuktin a bawnghnute kan han neih theihna ang te pawh hi MULCO atanga lokal vek an ni a. An chhuanawm em em in ka hria a, Bawnghnute hi Aizawl chuan kan nghei hauh tawh lova. Heta tanga lokal, he Society atanga lo kal hi an ni a. Sum tam tak hlep lo mahselangin anmahni he an Society atanga Aizawl an chawm thei ringawt pawh hi a ropui hlein ka hria a. Chutiang chuan kan sawi vek senglo anga, Co-operative tam tak ading a, heng hi hmantlak deuh vek an ni a. Amaherawhchu, Sum leh pai hi duh anga a tam tawh thin loh avang hian a nihna ang tur

hian kan kalpui thei chiah lo thin a. Chuvangin, theihtawp kan chhuah ang a, hmasawna chu Co-operation atang hian hmuh theih a kalpui chu kan tum ve a ni a. Bank te pawh sawm pakhat kan nei tawh a. Kan Bank pawh hi a hman tlak angreng tawh khawp a, vawiin ah hian kan hriat chian atan sawi ka duh a. Apex bank ah hian Branch II kan nei a, hei hi vawiin niah hian kan deposit te pawh hi Vaibelchhe 128.41 deposit kan nei a.

Tin, chutah chuan loan pawh kan pe tam hle a ni. 78.06 Crore Loan kan pe a, Kohhran lamte pawh hian kan chhawr hle a, Biakin sak nan pawh hian Biakin 280 sak nan Kohhran hnenah Loan kan pe a. Chutah chuan Vaibelchhe 14 leh nuai 58 kan pe ani. Vawiin niah pawh hian Biakin sa duh tan chuan kan la pe thei zel a. A recovery a tha a, anni hnenah hian. Chuvangin, eng kohhran tan pawh Presbyterian tan chauh a ni lo, Baptist tan chauh a nilo. Kohhran dang dang Kohhran tenau deuh tan pawh Kohhran zawng zawng tan heng hi hawn a ni a. Vawiin ah pawh kan chhawr uang em em ani. Chuvangin Crore 14 leh 58 lakh hetah hian kan pe a. Tin, recovery pawh a tha khawp mai Cent Percent chu a nilo deuh a 98% recovery hi kan hmu ani, a lawmawm khawp mai hei hi, aw Kohhran bikah khan 98% kan hmu a. thil reng rengah Cent percent hi chu a har angreng viau a, heng pawh hi remchanlohna avang mai ve hawk a ni a. 2% vel hi chu

Tin, rethei leh zual tan pawh Loan hi chu kan pe hnem hle a, Agriculture Loan te kan ti a. Thlai zuar te te heng khawlaia ihu te te tan pawh kan pe a, mirethei Loan kan ti mai a. Chutah chuan singli vel thlong in an la thei a hetah pawh hian Vaibelchhe sawm kan pe chhuak a ni. Chung chuanin hemi quarantor te pawh ngai lovin, hei sawnglaia in zuar bazara tam tak te pawh saw kan pe a. Khatiang ang chi tan he Scheme hi mirethei leh zual ten an tangkaipui em em, chutah chuan Vaibelchhe sawm vawinah hian pekchhuah a ni tawh in, business Loan hei Motor ah te Housing Loan ahte kan pe chhuak thei a Biak In sak nan kan sawi tawh a, Sorkar hnathawk hnenah hian kan pe thei hawk a. Sorkar hnathawk hian heta tang hian Housing Loan an la ve thin hawk a ni.

Tin, dawr sak nan khatiang ang chi khan kan pe thei vek hawk a ni. Heng hi hre ta ila vawina ka duh chian chu heng atang hian Loan a lak theih a recovery thia taka kan tih chuan mirethei zawk leh mi hausa zawkte pawn he Loan hi

kan chhawr thei dawn a ni. Tin, hmanni lawk khan hei MADC leh LADC sawlama Mara District Council te, Lai District Council te leh ECM kan ti a, henghote nen hian MOU te kan sign a, tikhan a pawisa zawng zawng kha an rawn dah anga, khata tang khan anni hnenah pawh Loan tam zawk te kan pe thei dawn a. LADC hnenah phei chuan 3.00 (three) Crores vel hi tunhna lawkhan kan pe chhuak thei dawn ani. Housing Loan atan. An pawisa neih zawng zawng an rawn dah anga, tin, Mara in an rawn dah bawh anga. Tin chumai ni lovin hei hi a percent chu a sang vak lo turah kan ngai a, tunah chuan ka chhang thei mai love sang vak lo turah ka ngai a. Mission vengah sawn hmanna kan Chief Minister zahawm takin Bank min va hawn sak kha, chutah pawh chuan kan Kohran hianin nuai tantak an dah tawha. Kan Synod lama hnathawk te hian Housing Loan te an lo mamawh ve a, tiang chuan kan in lawm tawn a. Vawinniah chuan kan Apex Bank hi kan sang ve tual tual a. Branch 11 lai kan nei tawh nghe nghe a. Evening Branch te kan nei a. Vawinniah Bank chungchanga thil pakhat kan sawi leh duh chu keini ho pawh hian dawr thei hram hram ila, Tin, Department a kan officer te pawh hian a theih hram chuan an Department a pawisa tlhlang lo awma kha chu kan Sorkar Bank kan mipui Bank mi te tana tha tura Loan te kan pek chhuah ve theihna henniah hian a theih ang tawh tawh chu vawinniah hian kan member zahawm tak tak te leh kan officer te pawh Department te pawh kan ngen duh bawh a. Tichuan recovery hi a that phawt chuan mi Loan an pe zel anga, an rawn ti zel anga, mi tam tak kan tanpui thei dawn ani tih kan sawi duh a. Chu chu rilru tak pawha kan member zahawm tak tak ten min ngaihtuah sak turin kan ngen ngai bawh a.

Recovery-ah pawh hian kan ehhe lutuk em em lova 50 % hi chu a recovery - ah hian kan hmu a. Amahcrawh chu, kan Bank pakhat MUCO Bank tunhna Contractors ten an lo din kha, vawinniah chuan duhthu a sam tehchiam lova. Hei pawh hi englinnge kan tih that theih ang tih kan ngaihtuah mek a. Sorkar hian a chhawmdawlna/tihnuuna Crore khat te hi chu min han pe thei sela chuan han chawisang leh thei mai turah kan ngai a. Sorkar hnenah te kan la han dil leh anga. Vawinniah chuan Sorkarin a awpa. Board pawh inthlang lovin vawinniah chuan a awm vek rih a. Hei pawh hi eng anginngae Sorkarin a kalpui zel dawn tih kan la ngaihtuah chho zel turah ngai ila.

PU SAINGHAKA

Pu Speaker, Khawhai bialtu zah-awm takin a sawi Society registration chungchanga kha genuine lem lo Loan duhna avanga Registration tih mai mai ang chi a kha.

**PU K. SANGTHUAMA
MINISTER**

Pu Speaker, kha kha ka lo chhan theihngilh a. kha firm Society Registration lama an lo tih zawk thin a ni a. Nichinah kan han

sawichang vat a, chuvangin hei pawh hi fimkhur a ngai khawp mai a. Co-operation lam atang ni lovin heni Firm Society Registration lam panga registered na heti laiah hian a awm a. Chutatanga an tih chu a ni tlangpui a. Chuvangin, helaiiah hian in han sawi takah chuan fimkhur a ngai hie a ni tih hretlang ila, a thain ka ring.

Awle, hei a hnuhnungherah chuanin Sericulture hi a pawimawh khawp mai a. Kan Minister hmasa zawng zawng kal tawh kum sawm chuang kum sawmhnih kal tawh ami te pawh kha kan sawipui thin a. An lo tui vek mai a. Sericulture ah hian. Mahse, chutichung siin vawiinniah hian duhthu chu kan ia sam lo hie a. A thatzia hlir a kha Pu Bawihluanga nen khan kan han sawi dun a, heta tang hian kan ram tan a thatzia tihte hman deuh pawh khan kan sawi hlui a. Hei hi sorkar te pawh hian min tuipui hlcin ka hria a, a lawm awm a. Mi sawm lain in rawn sawi nghe a.

Vawiinniah hian hei, ka tui a, awmkhawmna apiangah hian ka sawi a min ning mai awm mange ka ti a. Helaiiah hian kan hnam leh kan ram siam tak tak thei dawnin kei chuan ka ngai a. Hei tun tum Mautam tur chungchangah te pawh hian heta tang hian hei, long term leh short term policy nih deuh pawh hi a fawm a. Kumin May thia a kan han phun hi nikum May thiaah chuan keini chen chen hi a lo ni tawh a. Khata tang khan a chaw a hi a pek theih mai a. Khami chaw a pek theih kha November, December ah a cut leh theih mai a. Tichuan, a lo thjang leh a, a kum leh April velah kha chuan a lo chawm leh theih tawh mai a. Chuvangin, Mautam hma kum hnih kum thum vel kan la neiha hian hma nasa takin la ta ila. Tichuan, khata tang khan pawisa kan hmuh

theihna na na chuan a Buhfai chu Central atangin tam tak a lokal thei a, heta tang hian hma nasa takin la ila tih kha kan han rel ve a. Nikum pawh khan chhungkaw 3000 hnenah Mulberry a chi hi kan han sem ve a. Tichuan hetah pawh hian hma thui takin kan la ve a. Chhungkaw 5000 velin heta tang hian eizawn nan an han buaipui tan chu a ni a. Chuvangin theihtawp chhuah kan han tum ve a, engeni kan an ang chu ka hre lova, thil reng reng hi nia, a pawisa tam lam emaw, a quantity hi a ni vek lem lova, quality ah hian a innghat ber a. Chuvangin a pawisa hi ngah viau lem lo mah ila, hei BAFFACO ah te nuai 70 leh panga lai min pe a. Heng atang pawh hian thil eng eng emaw chu kan ti ve thei turah kan han ngai a. Chuvangin, hemi Sericulture Farming chungchang ah hi chuan awareness kan nei tam tawh khawp mai a. Thiltlang pawh hian vawiinniah hian tih an duh nasa em em a. Amaherawhchu, kum thar ah hi chuan a tih dan tur hetiang hian ti ila a that kan han ring deuh hlek a. Hei khawtina in pahnih 2 khat lek lek pali panga khatia tih zung zung kha chuanin a felin kan ringlo deuh a, khawkhat a In 20, 30, 40, 50, lai pawh an duh chuan a tam deuh pawh khatiang ange a huho (Compact area) deuh a tih duh an awm chuan khalai kha ngaihsak bik zual ta deuh ila, tiang chuanin ruahmanna siam ta ila, a tha mai awm mange kan han ti deuh a. Chuvangchuan, in bial lamah te hetiang a tui neite a khawtlanga lo tuia a ram tih tur an nei a nih chuan kan MLA te pawhin ngaihtuahna lo hmang ta ula a tha in ka ring a. Hetah hian Party emaw lam kan duhsak dawn lo hrim hrim. A tui apiang a thawk thei tur a taima apiang a ni mai.

Chuvang chuan, hetiang ah hian a party emaw khatiang lam kalpui chi pawh a ni lo. Chuvangin, a tui apiang tan a tithei apiang tana tih a ni mai a. Hei hi kan ram siamna atan a theih tak tak ni in keini chuan kan hria a. Vawiin ni-ah pawh chhungkaw tam takin tih an duh a. Amaherawhchu, tlema retheih chhuanlam hianin taihmakna lampang hian an pha leh lo hi erawhchu a pawl kan ti a. Hei sawti lai lawkah pawh Zemabawk piah ah sawn chhungkaw 30 lai kan dah a. Sawtah pawh chiang takin kan hlawhtlinna chu a langa. Chhungkaw 1 - in 30000 atanga 100000 an lei a ni. Thla khat-ah aw Kum khat-ah hianin vawi 8 te a thar thei a. Chuan vawi 8 athar chuan vawi 1 thar ah 10000/- lei mai chu a lo awl khawp mai a, keipawh ka va kal tawh a. (PU LIANSUAMA : Pu Speaker, loneituten thingtlang lamah tiang khan In sawmhnih emaw sawmthum in emaw lo ching ta selangin, a raw cocoon-a an hralh dan emaw khuta Mizoram pawn lama a hralh zel dan kha engtingge in link-up dan.) Pu speaker, Nia, hetah hian revolving Fund

15 lakhs chauh kan nei a. Tunah hian Central lamah pawisa kan han dil ve a, min pek pawh kan ring a. Chuvangchuan, hetah hian kan dah tam theih deuh chuan crore khat emaw tal kan dah theih chuan tunah pawh hian kan la buai chiah lova. Hei hi MUSCO ho hnenah kan pe a. Anni kha Co-operative Society an ni a, an leisak a, khami an lei kha department ah an rawn chhunglut a. Khami atang khan bill an han siam a, department in kan lo pe leh a. Anni khan Rs. 5/- an ei ve ta a. Rs. 100/- atanga Rs. 120/- inkarin Kg. khat an leisak ber a ni. (PU LIANSUAMA : Lo ching nasa ta viau ila, a timit mai lo ang maw?) Hei hi chu a limit mai kan ring lova. A tam poh leh a hralhna hi chu a awm turah kan ngai a. India ram hi Silk-ah hian kan la intodelh lova. Tunah pawh hian Japan ram atanga engemaw zat lalut kan ni a. China atang tein kan la la lut a. Chuvangin, India ram a awm chhung chuan Silk hralhna chu kan lungngai lo a. A chhan chu hei mihring tluklehdingawn khat zet kan ni a. Heng zingah hian Silk puan duh hi kan ni deuh vek a. Tin, chubakah keini ang takngial pawhin vawinah chuan Pardah-ah Silk puan tha lo chu kan hmang duh tawh lo a ni a. Silk lamah hian chuan India ram a awm chhung chuan a hralhna chu hmai lo turah kan inngai a. Chuvangin, mahni bialte theuh kha helamah hian awareness min lo beih sak turin ka duh che u a ni.

Awle, kha kha ka han sawi theih chu ni mai selangin a tha ang e. Pu Speaker ka lawm e. Demand No. 17-na Food & Civil Supplies Rs. 89,16,74,00, Co-operation Rs. 4,14,00,000, Sericulture 4,55,24,000 avaiin Rs. 97,85,98,000 hi he House zahawm tak hian min pass pui turin ka rawn ngen e. Pu Speaker, ka lawm e.

S P E A K E R

Awle, kan Minister of State zahawm takin a department enkawl te tana sum mamawh Demand No. 17 Food & Civil Supplies tan Rs. 89,16,74,000, Co-operation 4,14,00,000 Sericulture 4,55,24,000 a vaiin Rs. 97,85,98,000 pass a rawn dil a, pass remti apiangin remti ti rawh ule. Remti lo kan awm chuan remti lo ti rawh ule.

Awle, Pu K.Sangthuama Minister of State zahawm takina a Department enkawl pathum te tana sum a mamawh Rs. 97,85,98,000 chu he House hian lungrual takin a pass a ni.

Awle, Pu Z.H. Ropuian A
Department chan te tana Demand for grants a mamawhte pass han dil
nghal sela a tha ang e.

**PU Z.H. ROPULA
MINISTER**

: Pu Speaker, ka lawm e. Hei ka
Department chan hi sawitu an tam
em em lova. Sport lamah 12 laiin
an sawi a, alawmawm a. Mahse,
an kalpah deuhin ka hria a. Labour & Employment pawh 3- laiin an
sawi a. Tourism pawh 3 laiin an sawi a. An thahnemngaihna ki te ka
hria a. Kan thil han sawite hi han sawifiahte pawh a tulin ka hria a.
Ka sawi vak dawn emni aw kan ti deuh a, mahse, a tlai deuh tawh
a.

A hmasaberin, Labour & Employ-
ment hi min veipui ka rin tak takte pawhin an rawn sawichhuak lova.
Ka rin aiin Zoram mipui sawrkar hnathawk lo 95% te dinhmun hi kan
vei tawk lo emaw ni chu aw ka ti a. Vawinah pawh Rules kan
neihte hi a la changlung tawk lo kan ti a. Contract Labour Rules
pawh kan han nei a. Hei hian sawrkar hnathawk lote tan an himna tur
dante, a ruaitute himna turte ni pahfawm thil chho turah ka ngai a. A
dang pawh Inter State migrant workman Rules te pawh lei leh thuai
thei turah kan in beisei a. Tunah hian Labour & Employment hi
concurrent List a ni a. Central Act hi kan State mila Rules siamte a
awm a. Tunah hian Rules 4 kan nei tawh a. Tuna kan Lay nen 5 a
ni a. The Mizoram Minimum Payment of Wages Rules 1992 te, The
Mizoram Minimum Wages Rules 1992 te, Mizoram Workman
Compensation Rules 1997 te, leh Mizoram Trading Regulation Rules,
1992 te kan nei a. Tunah hian The Mizoram Shops Establishment Bill
hi kan buaipui mek bawk a. Establishment Bill hi kan buaipui mek
bawk a.

Tin, Labour Court din turin Law
& Judicial Department nen kan in rawn mek bawk a ni. Tin, Factory
Act hi kan buaipui mek bawk a, tin, Maternity benefit rules hi kan
buaipui mek bawk a. Tichuan hmanni ah The Mizoram Inter-State
migrant workman Rules kha Cabinet-in min han pawmpui a, lawmawm
ka ti takzet a. A chhan chu a pawimawhna hi Department te reuhte

kan ti lo thei lova, tahchuan Mizorama Sorkar hnathawklo zaa sawmkua chuangte himna dan fumfe leh a enkawltu mumal pawh awm lovin kan lo khawsa thin a. Tichuan, tunah hian kan Chief Minister zahawm takte leh kan thawhpuite thahnem ngaihna inti fel thei turah kan inngai a. Labour Inspector te, Factory Inspector te, Labour Officer te post lo awmsa tawh tun thlenga la fill-up lohte fill up turin kan dil a. Tichuan sorkar hnathawk lo, kut hnathawk a inhlawhfate dinhmun leh an hnathawh dan tur leh enkawl dan te an harsatna te enpui turin heng hian hna an thawk thei turah kan ngai a. DP & AR in min phal tawh a, tichuan kan han sawiho a Cabinet ngai lovin Finance Department-in heihi chu lo tifel mai se tiin, hei hi Finance Department lam pawhin min lo hriat sak se a thain ka hria a. Tichuan hmanna kan zinna Polo Tower a kan han thlengte inrilru a lo na em emte pawh kha kan inthlahrung em em a, kan tam dawn avangin Mizoram House-ah kan leng dawn si lova, a aia tlawm deuh zawk thlenna kan ngaihtuah a, mahse, Puja lai a lo ni bawk si a, a lo khat vek mai si a, inthlahrung ngawih ngawihin kan zu thleng ve a, min lo pet zui hrep lehngal a, engpawh nise kan inthlahrung hle a ni. Tahkhan Labour Ministry dawr tura kai kan ni a. Chulaiah chuan thil Chiang tak maia lang nia ka hriat chu kan Department chan ve te rethei te te kan ni a. Pool Motor pawh min pe thei lo, Officer te pawhin long runna tur motor pawh neilo te an ni a. Chuvangin kan thiante Motor-te thawh la kalve mai rawh hei kan Officer te kal lo thei lo anni si a, kan ti a. An ni thlenna hi chu kan pek kep miah lo a ni tih Saitual bialtu zahawm tak khan min hriat sak se, khang kha chu anmahniin an in tum vek a ni.

Hetiang anga Officer thenkhat emaw, tute emaw mawng hiata bu rual anga min ngai hi a information lakna hian a tihdan hi ka thin a rim riau a ni. Kan MLA te mawng hiah rual leka an lo hmu hi pawh ka ti takzet a ni. Kan thiante hian an hotel thlen man hi chu anmahniin an pe a ni. Kan Official te phurh nan Motor min pe a, pek sak awm tak kan nih laia kan pe thei lo hi pawh kan ti hle zawk a ni. Department enkawltute kan nih avangin min lainat ngawih ngawih turah ka ngai a, a chhan chu mi rethei, kut hnathawk leh sorkar a thlakipa hlawh neilo te, enkawltu, Labour & Employment Department rawh ral lo chauh kan ni a. Chuvangin, kan khawngaihthlakzia tilangtu niin ka hria a. Tute emaw suihpawrh zawnga tang lova, hmasawna tur zawnga in rilru insiam ka duh a ni. Tichuan, mi hnuaia inhlawhfa Private School leh eng ilo a inhlawhfa te pawhina engemaw Scheme an enjoy ve theih dan tur Employment Provident Fund Organisation te hi engtinge Mizoram Sub-

regional Office hawn a nih theih dan tur te leh kan tih theih ang tih te kan zuk zir a, kan sawi pui a, kan hlim haw hle a ni. Mi harsa zawk tena an Pension thleng pawha Pension ang deuhte an neih ve theihna turte kan zuk dap pui a ni.

Tin, Central pawh Employment Ministry a Labour Ministry in a lo kenkawh pawimawh tak mai, Central Board for Worker Education te Central-ah kan dawr bawh a. Chuchuan sorkar hnathawk lo tena kan tawh dan tur, kan himna tur dan te, kan pawimawh dan te, khang zawng zawng, eng hi nge kan Benefit leh kan security awm theih dan tur tihte zirtirturte Central ah khuan Board a lo awm a, chungte chu kan tlawh a, Cabinet rank niin an lo pawimawh em em mai a, kan lo la ngaihven ngai loh mi rethei enkawltu tura Central Labour Ministry buatsaih a ni a. Tichuan, chungte nen chuan Regional Directorate Mizorama din ve theih dan tur proposal siam turin kan ti a. Proposal a siam thu leh nawr zui zel a tum thute min hrilh a. Mizoramah pawh hmanni lawk khan lehkha kan hmu a ni. Chuvangin kan rama sorkar hnathawk lo te himna tur dan leh kalphung tur te inzirtir hi kan ba tawh a ni. Risk ringawt a lehkha thiam tam inti ringawt lovin dan leh dun kan himna tur te ngaihtuah ila sorkar hna hi kan inpe zel thei dawn lo a ni tihte, sorkar hna hi a tlem zel a, down seizing policy a ni a. Chu chu kan tum bulpui tur a ni tih vawiinnia House Member zahawm tak tak te pawh hian min hriatpui ka duhin ka han ngen che u a ni.

Awle, ITI hi kan project lian ber pakhat a ni a. Lunglei leh Saihaah din chhoh mek a ni a. Ministry hmasa atangin tunah la peih chiah a nih loh avangin helaiah Aizawlah hian Saiha leh Lunglei trade te bul lo tan a ni a. Centrala pawisa hai chhuah thuai leh kalpui kan duh avangin. Tichuan PWD Department ah deposite work a nih avangin hlan a ni a. Zo tep tawh turah kan ngai a. Tichuan kan hnung deuh pawh khan kan Secretariat in henge pawh hi PWD lam pawh lehkha in theih tawpin an tura, zo thuaia tan hma turin kan nawr sawk sawk a ni. Chu chu Member te pawhin min hriatpui ka duh a, kan sawi duh a ni.

Tichuan Pu Speaker, Labour and Employment ah hian harsatna tam tak kan nei a. Tunlai Khawvel changkang tawh a website te kan nei si lova engtingge kan tih ang, tun laiah sorkar hnathawk lo thalaite helai hmun atanga ramdang Company leh foreign base firm ah te kan nam luh ang kan ti a. Ngaihtuahna kan hmang a. Labour & employment lah chu Plan fund

70 Lakhs - ah lo ti tehu an ti a, kal ngaihna hi a awm reng reng lova. Amaherawhchu, tunah hian sectoral allocation kan han hmu a, 95 Lakhs - vel ah chuan min han dah a. Khati pawh khan ba kan rul thei lovang tih kan hlauva. A chhan chu tunah hian mi 40 vel kan thalai rual hi DOEACC nena tang rualin Foreign base firm-ah hian employment kan hmuhsak tawh a ni. Chu chu Calcutta leh Aizawl inkar an lo kalna leh hawna, thlenna Labour and Employment in kan tum anga, nangnin min Contact sak rawh u, kan ti a. DOEACC hi kan tangkai pui em em a.

Tin, Foreign employment emaw Company employment an nih dan turte Pre-training an lo nei a. Khatiang khanin kan tangrual em em a. Kan tangkaipui a. Changkan pawh kan thalaite an changkan phah ani. Chuvangin tunah hian pawisa hi tih ngaihna ngang kan hre lova, "Lo titawp rih ru", kan ti a. Employment Foreign base bakah kan thalaite kawng zawn sak hi reilote chhung min hriatpui ve ka duh a. Ni e, Labour & Employment chu pawl tur a tam hle na a. Tawk phawt se.

A dawt lehah chuan Tourism hi, sawi kan tlem hle mai a. Pathum khan kan han sawi nuai nuai a. Tahchuan hei Tourism hi State leh Sorkar dang tam tak chuan an income, an National income - ah an lo hmang a. Chuvang chuan income generate nan leh employment generate nan a lo tha em em a. Employment Problem te kan nei viau a, khati lai kha ka beisei angin insawi lo kha pawl ka'n ti deuh a. Amaherawhchu, hun a rei loh avangin, a daih loh avanga sawi lovah ngai ila. Tichuan, tunah hian, Ratu biaitu kha a awmlo a ni maw, Sakawrdaia Tourist Lodge tih pawh kha. Hei hma nasa takin term hmasa ah an lo la a. Sanction nuaih 50 kan nei a. Tahchuan, Technocrats, an ni-ho hi hmang teh ang execute turin PWD te an indaih silo a tiin. Amaherawhchu Finance in engemaw chen hma anlo la a, rem an tih tak loh avangin PWD - ah an hlan chho ta a. Tunah hian Tourist Lodge hawn theihmai tur wiring tlem han siam that leh Furnishing han tiha hawn theih mai tur hi II kan nei a, W. Phaileng, Mamit, Serchhip, Chaltlang te, Ngopa-te, Palak, Tawipui Cottage, Saipum, Vawmbuk, Hrang-chalkawn Pangzawl te, Reiek-te,.. chung chu tunah hian Sector allocation min pek belh hlek niin ka hria a. (PU S.HIATO : Pu Speaker, Palak dilah khan kan hawng thei mai dawn a ti a. Pakhatmah i sa hlei nem ? in withdraw vek tawh alawm.) Pu Speaker, withdraw vek lo, Forest leh Council lam atanga object a nasat avang khan pakhat kha chu sak leh turin kan ti ta a, hmundang Palak Head

ah khan Maubawk leh Tuipui ah kan transfer a. Mahse, Palak ami kha chu han chawlhna mai tur Insak an remtih loh avangin Forest leh Council khan an chawlhna In tur sa ta ila an ti a. Sak zawh tawh han tih khan Palak Head-a mi kha kan transfer ta ringawt a, Pakhat han chawlhna tur ringawt ang kha sak turin kan han ti leh ta a ni.

Pu Speaker, ka han sawi zel dawn e, kan han transfer leh hawn theih mai tur kan tih khan Berawtlang te pawh kan la nei a, Multipurpose House. Tin, Sakawrdai te kha Budget-ah khan kan transfer a Zokhawthar-te Khamrang te, Hmuifang te, allumination kha chu kan peih tawh thawkhatin ka hria a. Lunglei a dah tur a ni a. Tin, Saichho, Kanhmun, Tlabung, Berawtlang, Palak, Reiek, hengho hi kan kalpui tan tur chu a ni a. Reiekah khuan hut pathum cottage leh main cafeteria kan han tih tawh khu kan la hawng thei lova. Peih thawkhat tawh a ni a.

Tin, typical village khulaiah khuan din kan tum bawk a. Engemawchen han riahna tlak chu In pali kan peih thawkhat tawh a. Tichuan, mi rama an tih angin Mizo hnam, hmanlai pi leh pu lo khawsak dan typical village-ah khatiang angin khaw te kha kan din dawn a tunah hian. Estimate leh drawing kan peih a. Finance ah kan move dawn mek a. Chumi anih chuan ram dang atanga lokalte, foreign leh India ram dang atanga lokalte pawhin khawi nge kan thawh ang? min thawhpui rawh u an tih pawhin thawh turte kan neive tawh ang a. A hma kha chuan building sak lampang an thlenna lampangah i buai ang u kan ti a. Tunah chuan an thawh tur hmun, khatiang ang Mizo kalphung leh lo khawsak dan scene te han channa tur typical village kha helai Reiek ah hian din kan tum a ni. Chu chu tunah hian estimate leh drawing pawh an peih chiaah a. (PU ZODINTLUANGA : Kan tum an ti a, an hnathawkte, tunah hian pun tur tam tak tourist lodge te an nei ta a. Khang kha tutenng e enkawl ang? Khawi atangin nge a enkawltute kha pawisa kan pek ang? Khatiang zawng zawng kha Chowkidar te, Manager te, Cook te a ngai dawn a. Khang kha engtia tih nge kan tum? tih kha kan zawt ve lawk a ni). Sorkar hna kan han tih hian a sorkar hnathawk nghet tihna a ni a. Hemi Tourism ah hian kum tam tak an privatize nasa a.

Tin, MR Staff hi kan nei deuh vek a. Heng hian hneh takin an enkawl chho hlawm a. Chutiang chu tunah pawh heng hawn thar tura thawk turte hi MR kan dil mek a ni. Train chhuak tawh India ram hmun hrang hrangah te Guwahati ah te leh hmun dangah te train engemawzat kan nei a ni. College leh

building sak mai piahlahmah khan an thawh tur te, an rawn kal a, hlim taka kan Mizozia leh hmun ramte an hmuhna tur lamah khan ke kan pen tan a. Tunah hian I.T.D.C. ho ina hma lain destination project kan ti a. Champhai lam hi Phase I ah kan bei phawt a. Hringlang tlang hmanlai Mizo hmun pawimawh kha cheibawl a kan hman lai lo pawm dan, kan lo khawsak dan te hmuh an chak dawn a, heng cheina tur hian hmalak vek a ni a. Nuai tam fe tah hian earmarked a ni a.

Tin, Champhai Tourist Complex hi upgrade kan tum bawk a; Kawlkulh wayside restaurant khi upgrade kan tum bawk a. Tichuan nuai 525 kan earmarked chhin a ni.

Tin, Rural Tourism tihah hian Sesawng lamah hma kan la a. Conventional Berawtlangah hian NEC meeting pawh neitheh tur a building leh thlenna tur leh Meeting Hall buatsaih tum a ni a, nuai 300 vel ITDC in kan earmarked phawt a ni.

Tin, Tourist Circuit Project kan ti a. Sawmi wayside Chhiahtlang te Serchhip, Hnahthial te Aizawl a kan Trouist Lodge te a chhe em em a, a khawk tuar mai a. Lunglei te, Hnahthial te kha a grade a tihurin tunah ITDC ho an rawn kal zo chiah a, a second phase ah Saiha thleng kan ti leh ang a, tunah hian ruahmanna kan siam mek a ni. Tourist Lodge thlen chungchangah chuan thlen man a to kan ti a, dikna chen a awm a. Kan zuk thlenna te kan sawi, mi ramah chuan sangthum chuang man te a lo ni a, keini chu Rs. 200/- man cheng 300 man te a ni a, mi ram leh State ai chuan a lo tlawm em em a. Khalaia kan hotupa thlenna phei kha chu sing chuang man anih ka ring a. Chung vel chu a ni a, mi state ngaihtuah chuan a tlawm viau a ni lawm ni, Tourist ho lokal hian na an ti lo khawp mai a, chuvangin helai local hian na kan ti mai mai a ni. Amaherawhchu, hmun tam tak hi tihchangkan a, a man pawh awm tawk siam kan tum mek a ni.

Tichuan Golf course hi tunlaih an tui thar em em mai a. Japan ho phei chuan tunah pawh han biak - pawh hi an beiseiin ka hria a. Kan ram hi Golf course han tihna tlak chiah kha a ni leh lo a, In leh lo hi kan din fur si a, chulaiah chuan kan buai a, hei kan Chief Minister zahawm tak hmalak na pakhat Chalfilh tlangah hian Golf course tihna tlak a ni ang em? te kan ti a, thurawn pawh Delhi ah min pe a, adviser ten Golf course tihna tur remchang in hmuh chuan min finchhuah turin kan ngen bawk che u a ni.

Awle, hei Sports lampangah kai leh ta ila, Sports department hi chhangchhe deuh mai kan ni a, association ringawt pawh hi 27 kan awm a, thu hi kan ngah em em a, amaherawhchu, Zoram ti lartu kan ni a, department te reuhte mah ni ila, hma nasa takin kan la a. Sports ah hian kan phak tawk angin kan thalaite an phur em em a. Chuvangin, in rawn sawi kan rin tehreng nen a bik takin Buarpui bialtu Pu Zodintluanga khan a ngai pawimawh a ni tih ka hria a, lawmawm ka ti takzet a, a sawilut thuk tha ang reng a, lawmawm ka ti a. A chungah lawmthu midang chungah sawi chungin kan sawi lehzuat bik deuh a. Awle, State level hi 27 lai vel kan nei tih kha, hmannah pawh under 16 nikuma kan championna kha kan champion leh a. Coach mahni tualchhunga mi a ni a, kan champion palh ang tih kan hlauh rualin Goa ah kan champion leh a, tunah hian India ram club hrang hrangah kan thalaite an lut a, a bik takin kan player te football ah an lut nasa a, club TFA, SAI authority ah te hmun hrang hrangah khuan kan thalaite an lut thla a, a biktakin football leh complex sports ah hian kan che tha viauin kan hria a. Eizawna atana hmang pawh hi tam tak an awm a ni. Assam Regiment-ah te, Railways ah te tiang khan hmun hrang hrangah signal corps ah te an lut chhovin, tam takin eizawn nan an hmanga, hmannah pawh khan complex sports ah chuan Jenny Lalremliani kha ASI ah promotion te an han hmu a, tin, khami chungchang kha chu sawi tam a ngai lovang a. Hrokhua hi best boxer ah National ah an rawn thlang a, light weight ah Gold Medal a rawn la a. Tin, Taikwando leh Karate-ahte, Wushu ah te kan thain National games ah pawh kan quality a, Gold, Silver leh Bronze hi an hawn nual a, a mal chuan sawi sen a ni lova, sawi kan chaknain kan sawi vek seng lovang a. Olympic items ah pawh Wushu hi chu telh turah kan ngai a, Beijing, China, martial arts anih avangin tun Olympic ah hian chung tinzawn chuan kan thalaiten an rilru an pe nasa a, kan phur em em a ni. Sawi dawn chuan sawi tur a tam hle a, mahse, Youth Services chungchang hi sawi a tam thin a, nichinah khan in sawi lang vak lova, han sawi lan thain ka hria a.

Youth Services ah chuan Bharat Scout & Guides kan nei a, hei hi department in theihtawpin he movement hi tihchak leh thain kan hria a. Hmanlaia kan senior nu leh pa zawkte kha discipline tha tak leh mi hlawhtling tak tak an nihna chhan pakhat chu Scout movement Zoramah sap hovin rawn tichhuakin kha discipline hnuaiah khan mi fel mi rintlak mi hman tlak ni tura lo train chhuah anih avangin heng hi thangthar thalaite ah tih

lar leh tulin kan hria a. Tichuan, kan Chief Commissioner te pawh Asia Pacific Region ah te sub committee member te pawh anni a. Meeting ahte a han tel a ni. Chutiang chuan hma kan la in kan phur chho hle a ni.

Tin, NCC lam hi hma kan la a, battalion an sawi ang khan a hma khan Independent company chauh kan nei a, tunah chuan battalion kha kan han nei leh ta a. Tin, Girls company kan nei bawk a. Chuta tan chuan tuna allocation ah pawh hian pawisa min han pek belhin khata tan pawh nuai 10 ve ve NCC India Company leh Mizo battalion atan kha kha kan han ti a ni a. Tichuan, NCC hi scope a tha em em a kan thalai te nakin zel atanah pawh, tin College leh hmun danga admission University thleng pawhin sport discipline hrang hrang leh NCC ah te mi ti tha te tan a awl bikin scope a tha em em a ni. Chuvangin hengah pawh hian nasa takin hma kan sawn chho dawn niin kan hria a. Pawisa kan harsatna te kan thlena min pek belh chho zel dawn niin kan hria a, ka lawm hle a ni.

NCC hi College leh Higher Secondary ah nen kan Introduce a. Hei hian ram leh khawtlang tana mi hmantlak ni turin hna an thawk nasa a. Adventure Sport lamah pawh huaisen, tumruh leh tawrhchhelna nei turin, lehkha zirchho leh kan thalai hote hlawhtling tura Promote turin hma nasa takin kan la a. Tunah pawh Tourism nen tangrualin engemaw chen hma kan la tawh a. Driving leh Euro Sport Pilot zirtheihna turin Small aircraft ah ruahmanna siamin feasibility Report kan nghak mek a. Tunkarah a lo thlen kan beisei a. Chutah chuan pawisate Central Scheme leh State atangin kan dil ang a. Commercial Pilot license pawh la thei tura kan tih kha a ni a. Amusement Park pawh Deve Gauda hunlaia min pek an lo hluihlawn kha tunah Toy Train te, Giant wheel te, Recreation turin Turial Airfield kha kan earmark a. Youth Commission chungchang hi kan hriat chak ka ring a. Tawite sawi tulin ka hria a. Kan hnungah kan nau ten Youth Commission din turin min nawr a. Hunger Strike te an han bei a, kan hotuten lo ngaithiam ru, kan han zir Chiang ang e an ti a. Chuan keini Youth Services changtu kan nih angin Delhi ah te kan zu zir a, kum 2002 kum khan Youth Commission hi Central ah din phawt a ni a. Thla ruk atan Youth Commission chuan State ah te he Youth Commission hi din chi a ni em tih hemi chungchang hi thlaruk chhung an han zir a, report te an han siam a, tichuan an term alo tawpin sorkar thar alo ding bawk a, hemi Youth Commission hi tunah chuan an bang rih a,

an report kha Cabinet ngaihtuah turin State ah Youth Commission hi din chi a ni dawn em? tih an la ngaihtuah dawn chauh va. Chu chu Law in an la exam mek a ni. Central ah Union Cabinet ngaihtuah turin Law in anti mek a ni tih kha kan thalaite in lo hrilh kan duh a ni.

Tichuan, nichina kan sawi ang khan Sport lamah hian theih ang angin hma kan la a, Incentive Cash Award te, Scholarship mi 450 velah kan han sem a. Tin, incentive cash award hi tunah hian nuai sawm kan han belh leh a, Sectoral allocation ah hian hei hi semthuai kan tum a, amaherawhchu, certificate an dil dante a dik em? tih te kan en a, kan final ti ti tawh a, kan sem thei tep a ni tih kha member te ka hrilh duh che u a ni.

Tichuan District hrang hrangah Complex/Sport Complex hi din turin kan en a, kan hmun neih dan zawng zawng kan enfel vek tawh a. Engineering rualin tunah an en a, an teh mek a, a bik takin Lunglei, Champhai leh Kolasib ah hian 400 mts. Tract line siam kan tum tel bawk a ni. Main Stadium zawk tur chu. Tichuan, Zoram hmun hrang hrang Lunglei, Champhai, Kolasib ah te, State Game hi Aizawl chang lovah pawh nghahkual theih turin ruahmanna kan siam a. Tin, Gymnasium te, Hostel te, Ground tih te siam vek District tinah kan tum a, District 6 atan sanction Central in min approved tawh a, hma kan la char char a. Kan engineer te pawh an awllo hle a ni. Kan lawm viau a. State Complex turah te hian State bik Project Complex tura main stadium tur han tihah hian tam tak hian an hrethiam lo thin a, four hundred meter tract line hi Aizawl pa te hian inhmuna kan lo sem zo vek a, a har lutuk a, ground pahnih daih, Football ground pahnih daih angai si a. Mi ram kan en kan en a, kan dil kual mek a ni. Chutih rualin ground la tling manglo pasarih khelh theihna chi te kha upgrade turin Aizawl khawpui chhung field pasarih kan han earmarked phawt a. Chutih rualin Indoor Stadium Volley ball khelhna tur te, hmun hrang hrang Tuikual, Electric Veng te, leh hmun hrang hrangah pawisa hetah hian dah a ni a, heng ho hi complete a tih kan tum bawk a ni. Sawi tur a tam hle mai a, kan sawi songlo ang a. Chung chu kan hmalak na tlangpui te a ni a. Tichuan, he ka Department chan Sports & Youth Services Demand No. 22 na 3,98,70,000 crore. Demand No. 28 na Labour & Employment 2,32,45,000 crore, Tourism 1,97,63,000 crore. Avaiin 8,28,78,000 crore hi he House zahawm tak hian min pass pui turin ka han ngen a ni e.

SPEAKER : Kan Minister of State zahawm tak in a department endkawlte tana sum mamawh Demand No. 22 - Sport & Youth Services tan Rs. 3,98,70,000/- demand No. 28 - Labour & Employment tan Rs. 2,32,45,000/- leh Demand No. 43 Tourism tan Rs. 1,97,63,000/- te hi pass a rawn dil a, avaiin khang demand pathum amite kha Rs. 8,28,78,000/- a ni a, pass remti apiangin remti tirawh ule.

PU SAINGHAKA : Pu Speaker, thil pakhat han sawi fiah sela tichuan ka remti thovin ka ring a. Chalfilh tlanga Tourist Centre tur Chief Minister in a buaipui NEC atang pawha pawisa kan hmuh tawh kha a rawn point out miah lova, a hnuchhawn ta em ni? A sawi chiang maw? A sawi chian chuan a that chu.

SPEAKER : A kal zel anih chu. Remti lo kan la awm cheu em? Kan awm chuan remtilo i ti ang aw. Kan Minister of State zahwm tak Pu Z.H.Ropuia Demand for grants demand No. 22 te 28 te leh demand No. 43 te a vaiin Rs. 8,28,78,000/- chu he House hian lungrual takin a pass a ni.

Vawiinnia kan business chu kan zo ta a, kan chawl rih ang a, naktuk, November 1, 2004 (Friday) zing dar 10:30 ah kan chhonzawm leh dawn nia. Sitting is adjourned.

8.10 P.M.